

Elivulu *1* Olonepa Vitito
Al yanga Andi s a Ket umbul ul o Lyomunu Lomunu

14 Koloneke

Elivulu
Lyelilongiso

Alyanga
ANDISA KETUMBULULO
LYOMUNU LOMUNU

Ekonomwiso Lyokaliye-Lolose teko vimwe Vyavokiyiwako

*Okuyukisiwa l'Esipilitu Likola
Ndamupi ove oseteka Eci?*

H E L M U T H A U B E I L

Elivulu 1

ALYANGA
ANDISA KETUMBULULO
LYOMUNU LOMUNU

ESONGOLO LYALALEKO

USA

Remnant Publications

649 E. Chicago Rd
Coldwater MI, 49036
Tel.: 800-423-1319
ale 517-279-13043
oWeb yevilikiyo:
www.remnantpublications.com
Visaŋgiwa Konjo Yalivulu lya Vandeve
Yosongo yove

Kanada

Lucas Jurek
118 G First Avenue North
Williams Lake, BC
V2G 1Y8
E-Mail: lucasjurek@gmail.com
Mobile: 250 983 - 2650

Awstlalya

Colin Hone
Ovikongamela vo Ngelesi
E-Mail: colinphone@gmail.com

Ombilitanya Inene

ADVENT PRESS LIMITED
141 Cressex Road
High Wycombe
Buckinghamshire, HP12 4PZ
Tel.: +44 7545 23 00 83
E-Mail: info@adventpress.eu

Kolofilipina

Allan D. Faina
E-Mail: berevived7.14@gmail.com
SDA church
Fidela Herrera Subd
Bgy. Santol, Tanza, Cavite-4108
Tel.: +63 997 6003397

Lusya

Source of Life Publishing House
Vostochanya St. 9, Zaoksky 301000
Tula Region, Russia
Tel. +78 73 42 01 01
www.lifesource.ru

Ulopa - Ocikongamela celimi lyoko Lusya

Christa Medien GmbH
Pulverweg 6
D-21337 Lüneburg (Alemania)
Tel.: +49 (0)4131 9835-580
www.christa-medien.eu
kwenda www.christa-shop.eu
E-Mail: info@christa-medien.eu

Alemania kwenda Kosamwa

Wertvoll leben
Ziegeleistr. 23, D-73635 Rudersberg
www.wertvollleben.com
E-Mail: info@wertvollleben.com
Tel.: +49 (0)7183 3071332

Awstlyya

TOP LIFE Wegweiser-Verlag
Prager Str. 287, A-1210 Wien/Vienna
www.toplife-center.com
E-Mail: info@wegweiser-verlag.at
Tel.: +43 (0)1 229 4000

Awstlyya kwenda Alemania

Adventist Book Center
Bogenhofen, A-4963 St.Peter/Hart
www.adventistbookcenter.at
E-Mail: info@adventistbookcenter.at
Tel.: +43 (0)7722 63125 720

Swasilandya

Advent-Verlag
Leissigenstr. 17, CH-3704 Krattigen
www.advent-verlag.ch
E-Mail: info@advent-verlag.ch
Tel.: +41 33 654 1065

Osipanya

Safeliz Publishing House
Pradillo 6, Poligono Industrial 'La Mina'
28770 Colmenar Viejo - Madrid
Phone: +34 (91)845-9877
E-Mail: adm@safeliz.com
www.publicacionesadventistas.com

HUNDI YONJO YALILONGISO

USA kwenda olofeka vikwavo: www.spiritbaptism.org – amela oko Alemania afetikiwa,
Alemania, Awstlyya, Swasilandya, olofeka vyoko Ulopa: www.steps-to-personal-revival.info
– lamba kelimi lyoko Alemania – kemela lyevilikiyo – tala kombwelo ko
Filipina: Allan D. Faina, Email: allan@lightingtheworld.org, SDA church:
Fidela Herrera Subd, Bgy. Santol, Tanza, Cavite-4108, Phones: (63) 926 054 1175

Alyanga
ANDISA KETUMBULULO
Lyomunu Lomunu

*Okuyukisiwa l'Esipilitu Likola
Ndamupi ove oseteka Eci?*

HELMUT HAUBEIL

OCIÑGILILO

ALYANGA ANDISA KETUMBULULO LYOMUNU LOMUNU

Eleke 1

Okuyukisiwa lEsipilitu Likola – Mekonda lye ame ndavandekela lonjon- gole kwenda lolohōlo vyalwa ko nondovitwe eyi “Omwenyο vEsipilitu Likola?” 8

VYOKWAMAMAKO

OKULWISA APAKO

Kasongwi etali kwenda Kasongwi Okohela 10

OMITULWILO 1

OCILUMBA CA YESU CAVELAPO

Eleke 2

Nye Yesu alongisa kweci catyamela kEsipilitu Likola? Wakuliha esapulo lya Yesu lyavelapo cosi kunene? 19

OMITULWILO 2

CIPI OCAKATI COVITANGI VYETU?

Eleke 3

Konyima yovitangi vyetu kwatyama he ovina vyesipilitu? Anga ekambo lyEsipilitu Likola olyo eko? 30

Eleke 4

Cipi ocitangi capyālapo vokukala Ukwaklistu yositu? 45

OMITULWILO 3

OVITANGI VYETU VIKWETE ETETULWILO

Eleke 5

Lipi etetulwilo lya Suku lyovitangi vyetu? Ndamupi tukula oco tusanjuka kwenda tukale Vakwaklistu vapama? 58

Eleke 6

Ukamba upi ukasi pokati kepatatiso kwenda Esipilitu Likola? 69

OMITULWILO 4

ATEPISO API ATAVA ETU OKUHALAVOKA?

Eleke 7

Ovowa api tukwata lomwenyo wayukisiwa lEspilitu Likola? 78

Eleke 8

Nye etu tunyelisa eci katulombela Espilitu Likola? 90

OMITULWILO 5

OSAPI YOKUKAPA KO OSETEKO YOKULOMBA LALIKUMINYO

Eleke 9

Ndamupi ndikapako kwenda ndiseteka atetiyo a Suku vovitangi vyange? 103

Eleke 10

Ndamupi ame ndilomba oco ndikõlepo okuti nda yukisiwa lEspilitu Likola? 114

OMITULWILO 6

OLOSETEKO VIPI VIKASI KOVITWE VYETU?

Eleke 11

Oloseteko vyomunu lomunu, oloseteko vyakongelo, vyohongele imwe kwenda vyekuta 123

OMITULWILO 7

ONJONGOLE KWENDA OKULYOHELA

Eleke 12

Ocimemene etu twaca cityukila kovitima vyetumwele.

(Olusapo woko Alemanya)

Ndamupi ame ndikwatisa vakwetu oco vaseteke vo

“Omwenyo Wepwiti” (Yohano 10:10)? 139

Eleke 13

Ndamupi etu tuyowiwa lesapulo? Vipi olonjila vikasi oko? 148

APENDISI

Eleke 14

Alilongiso ovikwata vyamamako aciwa onumbi 155

OMWENYO WAPAKO ALWA

Yesu ati:

“... Wosi **okala** Vokwange kwenda Ame vokwaye, eca **APAKO ALWA ...**”
(Yohano 15:5)

Ndamupi ame ndikala mu Yesu?

Yesu otukovonga: Enjwi Kokwange! (Mateho 11:28) U wosi iya ku Yesu opaŋginyiwa okutongeka. (Yohano 15:4) Oco pwāyi ndamupi eci cilingiwa?
“Kali Vokwange kwenda Ame vokwene.”

“Okukala mu Klistu” cilomboloka:

- **okutambula Esipilitu Lyaye otembo yosi**
- **omwenyo umwe wokulyeca olumwe**
- **kupange Waye.**” Desire of Ages, p. 676.2 (Usoliwi Wapata, emela 676.2).

Omita eyi ocilikocili yametula ovaso kwenda yanyiha elomboloko lyokwenda kwange la Suku. Kokwange ndisima okuti owu owo uloŋgo womwenyo Wakwaklistu vasanjuka. (Yohano 15:11) elombelo kwenda onjongole yange yeyi okuti elivulu eli lilikila valwa onjila yomwenyo walipwa kwenda wesanju. Olondaka evi ovyo ociseveto calivulu akwāla lonondovitwe inene, *Alyanga Andisa Ketumbululo Lyomunu Lomunu.*

Lipi elitokeko lyo vikongamela vikwāla Kalyanga Andisa Ketumbululo Lyomunu Lomunu?

Elivulu 1 *Alyanga Andisa Ketumbululo Lyomunu Lomunu*

Okuyukisiwa lEsipilitu Likola

Ndamupi ove oseteka eci?

Okupinga kwenda okutambola otembo yosi Esipilitu Lyaye.

Elivulu 2 *Kali mu Yesu Ndamupi eci cilingiwa?*

Vocakati comwenyo wokulyeca olumwe ku Yesu Klistu.

Elivulu 3 *Kumosi Kupange la Yesu*

Ndamupi okala kumosi Kupange Laye?

Vocakati cokulyeca olumwe kupange Waye la pako osi awa akulihwa.

Elivulu 4 *Okutunda kusuke okwenda Kepwiti*

Ndamupi tukwa onjongo yalwa yEsipilitu Likola?

Vocakati cokupinga Esipilitu Likola

Vyongusu

Oloseteko vilekasa okuti ocilikocili alivulu ava atwala asumuluho amwe alitepa eci tukwama elilongiso lyomunu lomunu ndocipama ceteke leteke, cikoka uwa walivakavaka. Kuli vo asumuluho alivakavaka kwavana vatanga kavali ndowatepata (kuvakwavo citava cikala vocakati cotelefone, Skype) Okukwata epuluvu limwe lyokusapela kwenda yelombelo eteke leteke ale osemana losemana locimuka celilongiso eci cikoka vo ongusu yalwa.

ÑGALA YETU
EYE MWELE WACA
OCIHANDELEKO¹

ENEMWELE OTEMBO
YOSI TOÑGOMĀLI
OKUPITULWIWA
OKUYUKISIWA
LESIPILITU!²

¹ Ellen G. White, *Mount of Blessing*, MB 20.3 (egwwritings.org)

² Johannes Mager, *Auf den Spuren des Heiligen Geistes* (Lüneburg, 1999), S. 101

ALYANGA ANDISA KETUMBULULO LYOMUNU LOMUNU

Okuyukisiwa lEsipilitu Likola

*Mekonda lye ame ocipikipiki kwenda lonjongole yalwa
Ndalikapa ko lonondovitwe eyi
"Omwenyo vEspilitu Likola"?*

Veteke 14, kosāyi Yenyenye vunyamo 2011 eci ame ndakala ko Kandelengundi ko Mbelenese Kolomunda Vinene vyoko Swasilandya, ndakwata elomboloko lyo cisimilo cimwe cesilivilo lyalwa kokwange. Ame ndakwata elomboloko mekonda lye ocitangi eci vomwenyo wesipilitu; mekonda lye tukasi okunyelisa onepa imwe yakwenje vetu; Cambeta calwa kutima. Ame ndasokolola omāla kwenda olonekulu vyange. Tunde opo ame ndilitataka lonondovitwe eyi.

Kaliye ame nditava vo okuti olyo vo esunga lyovitangi vyosi vyomwenyo wetu; okuvelapo ovitangi vyomunu lomunu, ovitangi volowela kwenda vapata, vakongelo olosongo kwenda kekongelo lyolwali lwosi. Ekambo lyEspilitu Likola olyo esunga lyevi okulipita.

Nda ococo pwāyi, lonjanga yalwa tuvandekeli konondovitwe eyi. Nda ocitangi catetulwiwa ale mwele ca tepulwiwa, ovitangi vyosi vyaliyekala kavikatendiwa vali ale mwele vika tetulwiwa.

ECI VAKWETU VAVANGOLA KWECI CATYAMELA KEKAMBO ELI:

- ▶ **EMIL BRUNNER:** *Ngambati Yesapulo ukwa tiyolonjiya watumālisiwa ale, wasoneha ati Eshipilitu Likola “otembo yosi kamwe kamwe lyalikaliwa vo tiyolonjiya.”*³
- ▶ **D. MARTIN LLOYD-JONES:** *“Nda citava ame okweca ocisimilo cange cocili, kakuli o nondovitwe yavaliwa povali kosimbu kwenda kocilo ndo nondovitwe yEshipilitu Likola ... Ame ndakolāpo okuti eli olyo esunga lye hongwo lyekolelo lyesapulo.”*⁴
- ▶ **LEROY E. FROM:** *“Ame nda kolāpo okuti ekambo lyEshipilitu Likola olyo ocitangi cetu capyalāpo vyosi.”*⁵
- ▶ **DWIGHT NELSON:** *“Ekongelo lyetu lyamamako cocili lovolala aliyekala, pole nda kesulilo lyaco etu katwecelela ehongwo lyesipilitu [ekambo lyEshipilitu Likola], cina cikasi ekatanga lyangombo alwa kwenda a songwi, lalimwe eteke tukatela okutunda ale okuschapo omwenyo wetu wesipilitu lyo mbambe.”*⁶

Tetemwele tuyongola okuvandekela kapako akula pana akambo aco alitunga. Noke tuyongola okuvandekela kelungulo lina Ŋgala yetu Yesu aca kweci catyamela kEshipilitu Likola.

ONJONGOLE YANGE

Onjongole yange yeyi okuti omunu lomunu cilo walilumba okukwata Eshipilitu Likola, atave okuyukisiwa lEshipilitu. Momo kuvosi vana kavakasi yEshipilitu Likola ale vakwete lika vomwenyo wavo o njongo kayitela yEshipilitu Likola, ame ndisima okuti eli olyo epuluvu lyokufetika lomwenyo wayukisiwa kwenda weyulo.

3 Johannes Mager, *Auf den Spuren des Heiligen Geistes*, (Lüneburg, 1999), Cover

4 D. Martin Lloyd-Jones, *Vollmacht*, Telos-Taschenbuch Nr. 385 (Marburg 1984), S. 72

5 LeRoy E. Froom, *The Coming of the Comforter* (Hagerstown, 1949), p. 94

6 Editor Helmut Haubeil, *Missionsbrief Nr. 34* (Bad Aibling, 2011), S. 3

O KULWISA APAKO

Kasongwi etali kwenda Kasongwi Okohela

Usongwu Wasoliwa,

Ove oyongola onepa yove okukula vesipilitu kwenda vatendelo? Anga ocilikocili eci citeliwa etali? Ocili kocilimwele citeliwa eci. Ndamupi pwāyi?

“Eci ene ulaka okulinga kacikateliwa lunene weswalāli lalimwe, ha luneneko womunu: Cho, Esipilitu lyange olyo likacilinga eci; Ame ŃGALA Suku ukwalohoka ndicilikuminya.” (Sakaliya 4:6 Hfa)

Ndamupi eci cisimiwa okulipita? Ame ndisima okuti etu vosi tukwete vyalwa vyokulilongisa palo. Anga etu vo tuyongola okulilongisa lolo seteko vyakwetu? Ame ndakolāpo okuti kukeya ovowa alwa kokulinga eci. Ńgala vocakati cEsipilitu Lyaye citave atulekise olonjila Vyaye lokukula vesipilitu kwenda volulwo.

Oloseteko vyaluyoheliwa lavosi vocakati *Calyanga Andisa Ketumbululo Lyomunu Lomunu* atondongwiwa lo 500 kolonangi, alekasa okuti ocikongamela eci cisukila eluluvalo lutate walwa. Pole oco cikoke okukula vesipilitu kwenda vatendelo, cisukila okutanga elivulu eli olonjanja vyalwa, ha njanja ko imosi lika kwenda lokulyohela eci. Cisukila vo okukapako vyosi vyetumbululo vyalongisiwa velivulu. Cisukila okukapako utima wove. Ame ndukusapwila: Onele yove yikanda lika oku ovemwele okapitila.

Lomwe otela okwendisa ukwavo vonjila eyemwele kalandela. Omwenyo wetu elombelo lyetu, oovangi etu, olombangulo vyetu, esilivilo lyetu, elilongiso lyetu kwenda olo hundo vyetu vikafufwiwa la Suku. Ocilimwele, okutanga olonjanja vyalwa cikasi osapi: Onö imwe yukulihiso yalekisa ati, oco tukwate elomboloko lyavelapo lyukulihiso umwe cisukila okucitanga ale okuciyeva olonjanja epandu toke kekwi. Ciseteka lumosi. Apako aco akakutavisa.

OVOVANGI

Ovovangi avali ungombo kwenda Usongwi Wekuta Lyetepiso vatumälisiwa ale ko USA:

Uvangi 1–Ame ndatanga elivulu lyove Alyanga Andisa Ketumbululo Lyomunu Lomunu olonjanja vitatu. Ame lalimwe eteke ndasimile okuti ndiya ndisanga elombolwilo lyokaliye lyelombelo ndeli. Elombelo lina lyupiwa kalikuminyo a Suku ndomo calombolwiwa love. **Okupisa opo, kaliye Suku wa njukisa layulo omwenyo wange sala sima okuti ateliwa.** Ame ndakovongiwa oco ndikunde kalisañgo ocilombo. Elivulu lyove lyanyiha onondovitwe. Eci cakala Kevambi, veteke 26, 2017–F.S. Cavakiwa

Uvangi 2–Otembo ame ndafetika okutanga elivulu lyove (ame ndayitanga olonjanja 6 nd’omo walongisa) kwenda ndalilongisa vo okulomba la likuminyo, omwenyo wange wapongolwiwa ... Ñgala wangendisa kokupongiwa ohundo imwe yakundiwa kelisañgo lyocilombo eci catyamela kekambo lyetu lyocili, etulumwinyo lyokuloka kwEspilitu lya Suku. **Kalima osi ame ndapita kupange, lalimwe eteke ndayeve unene wEspilitu Likola ndomo cakala pokati ko 3,000 kowiñgi wakala velisañgo lyaco.**

– Ukäyi wange walimbuka epongololoko lyaswapo vokwange. Otembo yosi ndisole okukomoha vilipita pita vokwange mwele. Eci cakala keteke lya 25 kosäyi Yevambi, vunyamo 2017–F. S. Cavakiwa.

40 Koloneke Elombelo akoka 65 ko vimatamata vyakala ñgo 17

Onembele itito yoko Kologne-Kalk Valemanya yakwata ñgo 17 komanu, vamwe voko Alemanya, vamwe Vokosipanya kwenda vo ovimatamata vimwe Vyokoputu. Ungombo J. Lotze wavakovonga okukapako a 40 *Koloneke* ukulihiso. Ovo vatanga elivulu 40 *Koloneke* kovimuka vyomanu vavali vavali, omunu lomunu eteke leteke walombela ko omanu vatālo kavatavele andi kwenda vasokiya eteke lyelisañgo la vo. *Veteke 40* ovo vakwata esambata lyoku vanyula, noke lyeci ovo vakwata 14 koloneke vyesapulo kocilombo. Ovo vatela okupapatisa cisoka 13 kovimatamata votembo itito. Ovo vapitulula olonjanja vyalwa 40 *Koloneke*, kwenje kesulilo lyaco etendelo lyovimatamata lyalivokiya, valima akwāla vakwata 65 kovimatamata. (tala 40 *Koloneke* vyelivulu lya 40 *Koloneke* kwenda oloseteko ketendelo 19 oco usangi vali oloseteko vyo Kologne).

Lunganu, onepa yatunga ava vavangula o Italiyanu ko Swasilandya, yakulihwa calwa ndo songo yavakwalofeka Ungombo Matthias Maag, wakwata oloseteko vikomohisa ko Aflika Yokombwelo la 40 *Koloneke* yalivulu a Dennis Smith. Eci eye atyuka ko Swasilandya, ocipikipiki wafetika okukapako ukulihiso waco. Oko kaliye kwalipita epapatiso lya 15 komanu vapapatisiwa vulima watete [caco kacachatele kocivanja oco]. Ukāyi yumwe wanyulāle ekongelo lyosongo oyo otembo yosi eci cisoka 15 kalima, kotembo yulala wa 40 *Koloneke* Elombelo eye wanolāpo okupapatisiwa.

Amalehe

Onduko yange oyo Alina Van Rensburg kwenda Ndisongwi Yamalehe Yekuta Lyohongele Yokombwelo ko Kwinslandi [12.200 kovimatamata ko Awstlalya]. Ame ndakwata umālehe yumwe yufeko walyohela lame ocikongamela *Alyanga Andisa Ketumbululo Lyomunu Lomunu* kefetikilo lyulima owu kwenda candisanjwisa calwa. Elivulu eli lyambata onondovitwe ina Suku akapa vutima wange kwenda ya mume wange: Epatuluko lyEsipilitu Likola vomwenyo wetu!–Ame nda ndo tondongwili ko ovisipulwi vyalwa, pole visukiliwa povali vyeve okuti etu twasumulwisiwa cocili lokalivulu aka! Greg Pratt [Songwi Yesongolo Wuñgwame Vesipilitu kwenda wemyoñgolōlo] wakwatele 300 kovikongamela vina ame ndatepasa kasongwi vosi amālehe kalisañgo etu a songwi kefetikilo lyulima owu, kwenda, apako aco ocilikocili kahataviwa. Cilomwele ame ndayongwile okukwata osila yo 150 yalivulu, oco ndihatepise kamalehe

hange Kocilombo Cinene culima owu oco vitangiwe Vepuluvi Lyovimuka Vyomwenyo.

366 Kapapatiso + 35 vakasi vo cisoko Cepapatiso

Usonahi Wekuta lyo Mbulundi, Paul Irakoze [130,000 kovimatamata, 100.000 *Alyanga Andisa Ketumbululo Lyomunu Lomunu* ko Kilundi], eye wavangula ati valwa ndaño 320 komanu vosi kavafendalale vali, vosi yavo vatava vocakati cocikongamela. Ovo vatambwiwa vocakati cepapatiso yokaliye vosäyi Yelombo vulima wo 2017.

Ovisitatwi vimwe vyatanga ocikongamela olonjanja vitatu. Noke ovo valyohela lomanu vahongwa. Epako lyaco: Vunyamo wo 2017 vosäyi Yelombo twapapatisa eci cisoka 25 kovisitawu.

Vakasi Kekalyavoso—Etu twatepisa ocikongamela kovimatamata vyecongelo lyetu vakasi vekalyavoso lyo Mpimba. Ovo vatunñgunyiwa lEsipilitu Likola kwenda vafetika okulyohela ekolelo lyavo. Vesambata eli lyasulako cisoka 21 kolo ñgutiwi vyapapatisiwa kwenda 35 vakasi velipongiyo lye papatiso. Eci epako lyo cikongamela *Alyanga Andisa Ketumbululo Lyomunu Lomunu*. Cavakiwa

Otembo Yelilongiso/Osumanu Yelombelo—Ekuta lyo Mbulundi lyakwata osumanu imwe yokulombela ko cisoka 130.000 kovimatamata vyavo kosäyi Yavala Apupulu vunyamo 2017, okufufula Alyanga Andisa Ketumbululo Lyomunu Lomunu onjanja ikwavo. Onondovitwe yolo hundo Vyusonehi wetu, vyapita vo vocingungu cava Vandeve volo ñgolosi vyosi.

Olondonge—Ungombo Dwight Nelson, Usongwi watete yangombo Yosikola Yamama londuko Andrews (Andelenyi) wapopya ati okalivulu aka “kapongolola utima wange. Ame ndukuyongwili cimwamwe.” Vosäyi Yenyenye veteke lyavali lyunyamo 2017 eye wafetika olohundo vitatu vyaliekala vikasi Kongelesi: “Ground Zero and the New Reformation” (*Osi Yaño kwenda Etumbululo Lyokaliye*); “How to be baptized with the Holy Spirit?” (*Ndamupi Tupapatisiwa lEsipilitu Likola?*) Eye wavyupa Kalyanga Andisa Ketumbululo Lyomunu Lomunu. Kwenda wakovonga vosi vakwate ko onepa. Eci cakoka 4,000 kolo downloads kwenda kwakwama olohuluwa kovikongamela. O link yolohundo evi kwenda olo blog avi: www.pmchurch.tv/sermons ale www.steps-to-personal-revival.info

Ocisimilo cimwe cetumbangiyo–coko USA

Ame ndayeva olohundo vya Dwight Nelson helã lyapita. Osimbu ame ndilombolola ocikongamela Alyanga Andisa Ketumbululo Lyomunu Lomunu kekongelo lyange vesambata eli, Ame ndikatepa amwe akukutu 5 velavoko lyokweca uvangi waye woloseteko vyakwatiwa lelivilu oco yece onjongole kakwetu. Noke lyungombo wange okutava, etu tukalekisa olohundo vyasulako kuvana vakasi lonjongole! D.W. (olomopelwa evi olonduko)

Esapulo

Dwight Nelson wasoneha voblog yaye kosãyi Yipembe keteke 11 vunyamo 2017 (yasonehiwakwendayatepulwiwa) Ovita eceya laumosi “vakovongiwa” (ndomo vasole okuyivilikiya) valyongolola Lavandevye yoko Sangelembe ombala yoko Asya, uteke luteke vulala wakwi eceya kakukutu... Kepuluvi limwe lyokweca olopandu vyomunu lomunu kwenda lyolopandu alombelo alingiwilako vakwavo, ame ndukucisapwili okuti lalimwe eteke ndakwatele ohundo yoha mwele ñgu ndeyi kulo ko Sangelembe, tunde kalima hosi ndakala vupange wokukunda esapulo. Ndomo ndasapwilako angombo kulo ko Pioneer, ame ndakõlapo okuti ocilikocili eci cakala kwenda cilekisa epako lyEspilitu Likola, epako lyupange Wesipilitu vutanya kwenda vuteke volupale olwo ndekumbululo lyalombelo. Ame ndukwivalwisi okuti valwa vetu vatyuka vosãyi Yenyenyeye vafetika okusanda Suku, vocakati cepapatiso lyeteke leteke lyEspilitu Likola (ndomo Klistu akovonga okulinga ku Luka 11:13). Cikasi esunga ndakõlelapo okwimbila uvangi eci ndamõla lovaso hange kwenda ndacikala oko ko Sangelembe. Upange owu watunda kelivilu Espilitu Likola. Vyosi evi kavivangula lavimwe vyatunda kokwange pole vipopya vyosi Yesu alikuminya ati–*“Pole ene ukatambula unene, eci Espilitu Likola akeya kokwene, kwenda ene ukakala olombangi vyange ...”* (Ovilinga 1:8) Omolyaco, vyosi tulinga katukachiko konyima esandiliyo lyeteke leteke lyEspilitu Likola cikasi etulumwinyo lya Suku kwenda epapatiso lyeciwa omele lomele.

Elinãliso

Oku kuli oloseteko vyalwa vyomunu lomunu kwenda vyapata (tala oloseteko atendelo. 2/17; 3/31; 3/35; 3/40; 4/52; 4/56). Oloseteko vyakongelo osi vilekasa okuti ovimatamata vyakongelo osi vilisanomõla, vikasivo valiyeño, vikasi volonepele, vililemahavo kavilyecala, ekalo lyavo lyokukenyoha ñgo kwenda okulipisa omunu lomunu, esumwo lika umbombe kwenda okulyecela kakuli (Oseteko 1/10; 7/84).

Ina Yamalehe–Watumālisiwa–USA

Ocilikocili, ame ndisima okuti ocikele cinene okucita otwakwenje tutatu. Ame ndalimbuka kwenda ndisole okumōla okuti elavoko ndikwete lika esandiliyo lyeteke leteke lyEspilitu Likola, oco litunge vokwange eteke leteke. Tunde eci ndafetika okutanga elivulu lyove, ndisole okumōla epongoloko lyocituwa calingiwa kotwakwenje twange. Ndisole okukwata epandi salakwata; Ame ndisole okusola kwenda ndikwatakwata ocikembe lavo apa nda vatuvale kosimbu. Kwenda ovo vatambolola lutima womboka otembo yosi. Ocilikocili, tusole okukula pole ame ndipandula ndati kelombolwilo lyaleluka cocili, ndamupi citava Yesu okutunga vokwange! D.W.

90% kovimatamata vyokaliye vyapapatisiwa vikasi ciwa vekongelo noke yalima avala.

Ekuta lyoko Rwanda lyasoneha vosāyi Yakayovo vunyamo 2019 ati: “Etu twasumulwisiwa cocili lo cikongamela *Alyanga Andisa Ketumbululo Lyomunu Lomunu* (130.000 kalivulu kelimi Kinyarwanda). Vunyamo wo 2016 etu twandisa vofeka yosi ulala wesapulo lonondovitwe *Total Member Involvement* (Upange lo Vimatamata Vyosi). Okukwamako vocali ca Suku cisoka 110.000 komanu vapapatisiwa vunyamo 2016 kwenda kefetikilo lyulima wo 2017. Kepapatiso lyavo, omunu lomunu wosi wakalako watambula elivulu eli. Twacipandwila calwa momo valwa cisoka 90% kovimatamata vyokaliye vapapatisiwa, toke cilo valinga ovimatamata vitalavaya (vyatokota) vekongelo. Eli elivulu limwe liwa cocili momo lilekisa ndomo omunu citava akwata ukamba uwa la Yesu vocakati cEspilitu Likola). MKN (olondimbu vyolonduko vyavakiwa))

‘Ndamupi tukoka onjongole?’ Kombwelo yolo nondovitwe evi ove okasanga olonumbi vyesilivilo. Ocina cimwe caleluka calwa okucifetika, onumbi “Yokutanga Lulala”.

Onumbi inene yokukoka onjongole okulinga ovemwele elilongiso lyove ale linga ulala umwe “welilongiso”. Citava ovemwele okunda ale pamwe okovonga yumwe ohundi (ale ofufula ociluvyaluvya (ovindyo) yisañgiwa lika kalimi amwe.) Ove citava olipamisa loloseteko vyelilongiso limwe nda ove okwete “Tanga Vulala” apahandi ale noke lyulala welilongiso.

Epingilo lyange: Nda manji yene yukulu ndukwihi onumbi: lombi kwenda tangi olonjanja vyalwa ocikongamela eci la yuna okasi ocituke love. Eci cikalekisa okwamamako kwocimuka cove, kwekongelo lyove ale Ekuta lyove.

Citava elyanga likwamako cikala ove okulyohela ukulihiso wove kwenda oloseteko Langombo, Lakulu vendamba kwenda ovimatamata vikwete ovikele vinene? Cesilivilo lyalwa okusiŋga ovitima vyavo. Oco va Etyopya vafetika vo. Vosāyi Yevambi wunyamo 2017, 500 kangombo vatambula ocikongamela velimi Lyelasi, kesulilo lyosumanu yetumbululo. Kekuta Lyofilipina Yokonano ocikongamela calekisiwa kulala walombelo ko 1.500 yolohulunda vunyamo 2017 kosāyi Yakavambi.

Oloseteko

Ulaleki woloseteko womunu lomunu vovicapa vyetu. Eyi ikasi ono inene yeca ongusu. Nda cisukiliwa, oloseteko citava visangiwa ko www.steps-to-personal-revival.info-Testimonies.

Usongwi Wasoliwa!

Tukulili vEsipilitu Likola. Ŋgala eyemwele waca ocikundi [MB20.3]: *“Eceleli enemwele okuyukisiwa kwenda okupitulwiwa okuyukisiwa otembo yosi lEsipilitu.”* (Efesu 5:18) Klistu vokwetu kwenda Esipilitu Likola vatulinga *“Alaleki Esapulo Lyokaliye (Isaya 40:9). Okavaliko olondaka vyasulako vya Yesu kulo kilu lyeve: “Pole ene ukatambula Esipilitu Likola kwenda ukakala olombangi Vyange vocakati cunene Waye. [umesele, okwangilihiwa, unene haweluliko-ko].”* (Ovilinga 1:8)

Manji yove mu Yesu Klistu.

Helmut Haubeil

OLONDAKA VIKOMOHISA

Okutwala ekongelo lyetu ocituke la Yesu

Ame ndayongwile okukupandula kepitiyo lyocikongamela eci kwenda okutalavayela Omunga yetu vosi. Ongusu kwenda alilongiso akasi velivulu eli andisumulwisa cocili amemwele, kwenda ndacikolelavo okuti Espilitu Likola likakufufuli kokutwala ekongelo lyetu ocituke la Yesu kwenda oseteko yomunu lomunu yokupongolwiwa omwenyo lunene wEspilitu Likola.

B.F.EE 070818 Numili Yekuta yo 500.000 Iyo vimatamata, #104

Ame ndapinga ku Suku: Ndekise evi vyañgambela!

Njongola okusivaya Suku omo lyocikongamela *Alyanga Andisa Ketumbululo Lyomunu Lomunu*. Omwenyo wange la Suku wakalele wakatanga ocili voloneke evi vyasulako. Ame ndapinga ku Suku oco a ndekise evi vyañgambela. Ame otemboyosi ndayevale ovisunji *Vyasapulo Okaliye Angelo 3 (3ABN)*. Eci cakala luvali komele 2h eci ondaka imwe yunjuke yamasola. Eci ndapasukile, ame ndayeve *3ABN* kwenje hundi watukula o nondovitwe “Espilitu Likola” kwenda walekisa owebsite *steps-to-personal-revival.info*. Ame vonjonja imosi ndalinga odownload yelivulu noke nda yitanga otembo yosi vepuluvi lyange lyocipama. Ocikongamela eci cametula ovaso hange espilitu. Ame cilo ndakuliha ciwa esilivilo lyEspilitu Likola kwenda vo mekonda lye Eye atalavaya letu. Ame otembo yosi ndakulihile ale okuti Eye oko ali, pole salakuliha esilivilo Lyaye. Ocikongamela eci candombolola elye Eye, upange we Eye akwete vungende wange wesipilitu kwenda vo ndamupi cisivililila okukovonga “Espilitu Likola” vomwenyo weteke leteke, okuyaka lepela kwenda lolo njongole vikwavo vyekandu. Ame ndatanga ocikongamela eci okucitepisa kukwavo noke ndatanga ikwavo ikwāyiko. Eci candisumulwisa calwa. Kaliye ame vo candomboloka mekonda lye omwenyo wange wesipilitu wakala ñgo ocipāla leci ciyongwiwa. Momo ame salitokekele lEspilitu Likola Ono yunene. Ame ndikakulombelako. K.V. EE 220618 woko Awstlalya, #108.

Etu twafukila omwenyo wesipilitu halombongo ko

Osimbu kulima wapita ame ndalinga onepa kelyongolwilo lyoko *Spicer Adventist University*. Hundi yatete yoko USA wakwata elivulu limwe *Alyanga Andisa Ketumbululo Lyomunu Lomunu*. Olondaka vyaye vyopiwa kelivulu eli. Eye wapopya ati, “Etu twafukilila omwenyo wesipilitu halombongo-ko.” R. K. EE070219 vyoko Bangalandechi, #94

Ovisimilo Vyomunu Lomunu kwenda Esongolo Lyapulilo

1. *Nye cavaliwa otembo yosi votiyolonjiya? Uvi upi eci cikoka?*

2. *Alikuminyo api citava tupinga? (Sakaliya 4:6) Esilivilo lipi eci cikwete kokwove kwenda kekongelo lyove?*

3. *Nye cesilivilo cituyongwiwila tete oco tukevelele apako awa?*

4. *Kolomita vyatondongwiwa yipi yakuvetapovali kutima kwenda lombolola mekonda lye yakuvetela?*

Epuluvi lyetu Lyelombelo

- Vilikiya ekamba lyove lyelombelo kwenda sapeli vyonondovitwe.
- Lomba lekamba lyove lyelombelo ...
 1. Lombela okukwata utima utambula, wasapela okulilongisa kwenda yahikukila upange wEspilitu Likola.
 2. Lombela elomboloko lyalipwa lyokulimbuka evi kwacele eluluvalo lyalwa wupange wEspilitu Likola.
 3. Okulombela angombo vosi, alongisi vosi kwenda asongwi vakongelo oco ovo vakaseteke vo unene wEspilitu Likola kwenda onjongole yokusongwiwa Laye.
 4. Okulombela oseteko yove mwele la Suku-okukuliha ndamupi Eye atalavaya vokwove vocakati cEspilitu Likola.

OCILUMBA CA YESU CAVELAPO

*Nye Yesu alongisa kweci catyamela kEsipilitu Likola?
Wakuliha esapulo lya Yesu lyavelapo cosi kunene?*

TUMWE OTUVANGI TWATETE TWOMUNU LOMUNU

Tutyuki “kocisola cetu catete”: Manji yumwe yufeko wandisonehela ati: Ekamba lyange kwenda ame tukasi okutanga otembo yilo 40 Koloneke onjanja yatatu kumosi lo cikongamela *Alyanga Andisa Ketumbululo Lyomunu Lomunu*. Apa handi lyokukuliha ocitele eci o seteko yekolelo lyetu kwenda omwenyo wetu welombelo kawakalele ndomo ukasi etali. Etu twalavoka osimbu onjanja ikwavo ocisola cetu catete. Etu twacisiŋga kaliye! Etu tupandula Suku lutima wetu wosi. Cikomohisa calwa okukuliha ndomo Suku yetu yo cisola akumbulula alombelo etu kwenda atusitulwila-ko ndomo Esipilitu Lyaye likasi okutalavaya vokwetu kwenda komanu tukasi okulombela-ko. M. S.

Yesu waŋgila vomwenyo wetu: Omunu ukwavo wandisonehela kweci catyamela kalivulu ava: “... Alivulu ava akasi asumuluho akeveliliwa osimbu vomwenyo wange. Ndovimatamata vyoko lonembele vikwavo, manji yumwe yufeko wo kekongelo lyetu wakwata oseteko imwamwe eci aca uvangi waye ati: kuli cimwe canyelisiwa kekelelo lyetu; kaliye tukwete ombuwe yokuseteka ndamupi Yesu aŋgila vomwenyo wetu kwenda ndamupi afetika okutupongolola. Eye yo’talavayela vokwetu kwenda kamwe kamwe, yo’tunālela ocituke Laye.” S. K.

Olondonge vya Yesu vyapula ovyomwele: Ndamupi Yesu atela okukoka vyosi vinene alinga? Caco eci anga cilikwata lo mwenyo waye welombelo? Etatahayi eli lyakoka ovo okupinga: “*A Ŋgala tulongise okulomba.*” Yesu yu akumbulula epingilo lyavo.

Elongiso Lyaye lyelombelo likasi ku Luka 11:1-13 likwete olonopa vitatu: Elombelo lya Ŋgala, noke olusapo lutondongola ekamba limwe lyeya vokati kuteke kwenda vo etosi lyesilivilo lyalwa, okutongeka okupinga otembo yosi Espilitu Likola.

Volusapo owu (olonimbu vyokutanga 5-8) akombe vapitila konjo yulume vokati kuteke kwenda eye kakwatele lacimwe cokwavela kokwavo. Omo lyesukilo lyaye, ekamba ocipikipiki lyanda konjo yu olisungwe laye. Eye wolombolwila-ko okuti “kakwatele lacimwe” yo’pinga cimwe cokulya. Eye watongeka okupinga toke kesulilo lyaco atambula ombolo. Kaliye eye okwete cokulya–ombolo yomwenyo. Eye kaliye citava amwilāko vaye vakovongiwa. Etu palo tulilongisa okuti tete tusukila okwiya ku Yesu oco noke tulyohele lomanu vakwetu. Otembo yosi eci etu tuyowiwa lombolo yomwenyo tukwata elomboloko lyokuti katukwete lacimwe!

Kaliye Yesu otokeka olusapo olwu (ocitangi: sikwete lacimwe) lepingilo lyEspilitu Likola: “*Omolyaco, Ame ndukusapwili pingi kwenda eci cikakwihwi.*” (Luka 11:9 NKJV) Aci ocikundi:

OCIKUNDI CAPOSOKA YESU ACA: OMOLYACO, PINGI ESIPILITU LIKOLA

Eyi oyo lika omita Yembimbiliya yalitepa kuna Yesu apitulula lokuhandeleka okupinga Espilitu Likola. Ame Sakulihile omita ikwavo Yesu lumbombe walwa atuhandeleka okukwata cimwe kutima. Olomita evi visangiwa kelongiso Lyaye lyokulomba ku Luka 11. Oku Eye opitulula olonjanja 10 okuti citava etu tupinga Espilitu Likola. Luka 11:9-13 NKJV:

“*Omolyaco, ndukusapwili, pingi kwenda caco cikakwihwi; sandiliyi, kwenda cikasangiwa, totoli, kwenda vaka kuyulwiliko. Momo u wosi opinga otambula, u wosi osandiliya osanga kwenda wosi ototola vokohikwila-ko. Momo elye pokati kene nda omōla opinga ombolo ku isya yaye uwiha ewe?*

Ale nda opinga ombisi uwiha onyōha ombolo cho? Ale nda eye opinga esala uwiha enyenya? Nda ene lundingāvi wene utela okweca viwa komāla vene, Isya yene yokovaylu he kakaca Espilitu Likola kuvana vosi vopinga!”

Kolomita evi vitito Yesu ofufula olonjanja epandu ohundilo “**gingi**”; noke Eye wapiñganya ohundilo “**pingi**” okwimba ko atosi olonjanja vivali

lo hundilo “sandiliyi” –yelisengo – kwenda olonjanja vivali vo lohundilo “totoli” ikasi vo ocikundi cimwe.

Eci kacitulekisa okuti tusukila okuvotoka oco tuyukisiwi lEsipilitu Likola? “Pingi” yasulako Velasi, yikasi vetongeko. Cilomboloka okuti katukapinga lika onjanja imosi, apolepo tukatongeka okupinga otembo yosi. Kulo Yesu kakasi okutuma lika okupinga cimwe conjanga, pole yo’tulivondelela oco tupingi otembo yosi. Ocilikocili, Eyevo y’Otukovonga lolukandi oco otembo yosi tupinge. Ocilimwele, Eye vo lekovongo eli linene oyongola okupetula onjongole yetu yokupinga Espilitu Likola. Ekovongo eli lyonjanga litulekisa okuti Yesu wakolāpo okuti etu tunyelisa cimwe cesilivilo lyalwa nda katutongeka okupinga otembo yosi epapatiso lyEspilitu Likola. Cilomboloka okuti Eye yo ovilikiya eluluvalo lyetu kocili cokuti etu ocilikocili tusukila “Espilitu Likola”. Omolyaco, Eye otuyongwila etongeko lyokutambula otembo yosi ovokwasi asumuluho Espilitu Likola.

Velivulu *Christ’s Object Lessons* kupopiwa ati: Suku kapopele ati pingi onjanja imosi lika kwenje ukatambula. Eye otuyongwila etongeko lyelombelo lyokupinga kakutuvi lacimwe. Etongeko lyokupinga likoka onjongole kukwakupinga kwenda likoka vo onjongole yikomohisa kweci eye akasi okupinga.”⁷

Omolyaco, Yesu waca alumapu atatu alekisa ocituwa kacalasimiwa la isya yomunu ukwekandu. Eye wayongola vo okutulekisa okuti kacala-simiwa okuti Isya yokovaylu kayongola okutwiha Espilitu Likola eci etu tupinga. Yesu otuyongwila okuti tukōlapo okuti tukatambula Espilitu Likola, eci tupinga vonjila yasunġama. Lelikuminyo eli kwenda alikuminyo akwavo etu citava tupinga lekolelo kwenda twacikuliha okuti twacitambula ale eci etu twapinga. (1 Yohano 5:14,15; ukulihiso ukwavo tala komitulwilo 5).

Ekovongo eli lyaposoka litulekisa okuti ndomo Yesu acipopya, cimwe cesilivilo lyalwa cikasi okwivaliwa lomanu, eci etu katutongeka okupinga Espilitu Likola. Eye opetula aluluvalo etu okuti ocilikocili tusukila Espilitu Likola. Eye otuyongwila etongeko lyokuseteka otembo yosi ovokwasi esumuluho lyEspilitu Likola.

7 Ellen G. White, *Christ’s Object Lessons* (1900), p. 145.3

Onepa eyi yelongiso Lyaye yelombelo yikasi yulika vungende. Espilitu Likola oco Ocilumba cavelapo ca Suku–Ocilumba citwala kumosi layo ovilumba vyosi. Eci cakala ekolowa lyocilumba ca Yesu kolondonge Vyaye, kwenda ocindekase celomboloko lyocisola Caye. Ame ndisima okuti citave citulomboloke okuti ocilumba ndeci, cesilivilo lyalwa, kacikaciwa komunu kalukele. Cikaciwa lika kuvana valekasa onjongole yavo yokucitambula kwenda vacisole.

Eye okaciwa lika kuvana vatumbika omwenyo wavo wosi ku Yesu; Eye okaciwa kuvana wosi vakasi kelikuminyo kalitokoka. (Yohano 15:4-5)

Elikuminyo lyaco otembo yosi yilekasawa ndomo:

- ▶ Okuyevela enyona Suku (“*U wosi okasi lenyona eye*” Yohano 7:37)
- ▶ Okukolela ku Suku (“*u wosi okolela Kokwange ndomo Ocisonewa cavangula*” Yohano 7:38)
- ▶ Okulyeca olumwe ndepako lyokukolela Suku (“*lumbi omwenyo wene wosi ku Suku*” Valoma 12:1)
- ▶ Okukwama Suku kovina vyosi (“*vosi vana Vopokola*” Ovilinga 5:32)
- ▶ Okulitavela ekandu lyosi lyakulihiwa (“*Nda etu tulitavela akandu etu, Eye ... oka twecela akandu kwenda okatuyelisa kaponyo osi.*” 1 Yohano 1:9)
- ▶ Okutyuka konjila yetumwele, okwendela vonjila ya Suku kwenda okulinga onjongole yosi ya Suku (“*likekembeli kwenda papatisiwi*” Ovilinga 2:38)
- ▶ Hakulingako ongombo yeci civi (“*nda ame ndambata uvi vutima wange, Ngala kakanjeva*” Olosamo 66:18)
- ▶ Okulimbuka kwenda okutava ekambo lyetu linene (“*Ame sikwete lacimwe.*” Luka 11:6)
- ▶ Okupinga otembo yosi Espilitu Likola (Luka 11:9-13)

“Ene lululu walwa kahulete ndomo ocilumba eci cikwete esilivilo? Eci ene usima kwevi vyosi visukiliwa tete oco tukwate Espilitu Likola, ukalimbuka akambo amwe vomwenyo wene.

Calinga ocituwa cange okulombela eteke leteke onjongole yokukwata Espilitu Likola, okulityama komita ya Yohano 7:37 NKJV: “*Nda yumwe okasi lenyona, eye Kokwange kwenda anywe.*”⁸

8 Cesilivilo lyalwa okulomba lalikuminyo. Nda ove oyongola okukulihi vali kweci caty-amela kwevi, panga ohenda tanga omitulwilo 4 ya *Alyanda Andisa Ketumbululo Lyomunu Lomunu*

Etu citava tulomba: “A Ŋgala Yesu ame lutima wosi mopya ati oco kwevi vyosi visukiliwa tete oco nditambule Esipilitu Likola. Ame ocilikocili cilo ndukupinga etali njukise levi.” Suku yetu okomōhisa otembo yosi ako ali oco atuyukise levi visukiliwa.

ESIPILITU LIKOLA EYE ONO YOMWENYO UMWE WALIPWA

Ndomo Yesu apopya mekonda lye Eye eyilila vongongo yilo? Eye wapopya. “Ame ndeyilila oco ovo vakwate omwenyo kwenje ovo vakwate eci vonjongo yalwa.” (Yohano 10:10 NKJV)

Yesu etali otuyongwila omwenyo owu wayukisiwa lEsipilitu Likola kwenda oco tutongeke lomwenyo weyuka lapwiti vokwiya Kwaye evali, kusoma wa Suku wenda hu.

Eye vo otulekisa okuti, ono yomwenyo umwe walipwa Esipilitu Likola: “... Nda yumwe okasi lenyona eye Kokwange kwenda anywe. U wosi okolela Kokwange, ndomo Ocisonewa civangula okuti vutima waye mukatunda alondwi vyovava omwenyo ...” (Yohano 7:37-39 NKJV) “Olondwi vyovava omwenyo” –ha cindekase-ko ciwa comwenyo watelisiwa?

O TEMBO YESU AKALA PALO POSI ANGA WACA OLUMAPU WALICHETAHĀLA?

Etu twacikuliha okuti Maliya wamina Yesu vocakati cEsipilitu Likola (Mateho 1:18). Etu tuci okuti noke lyepapatiso Lyaye walomba: “Kwenda Esipilitu Likola lyaloka ndo pomba Kokwaye ...” (Luka 3:22) Kovaso yovina evi casukilile kwenda cakalele cesilivilo vali okuti Eye otambula Esipilitu Likola eteke leteke? Mekonda lye Eye atuhandeleka okupitolola okupinga eteke leketeki Esipilitu Likola? Ame ndopa omita yEllen White: “Omele lomele Eye walivangowale la Isya Yaye yokovaylu, okutambula Kokwaye eteke leteke epapatiso lyokaliye lyEsipilitu Likola.”⁹

Kuli omita imwe Kovilinga Vyapolofeto: “Kondingupange yalilumba kuli embembengiyo likomohisa lyukulihiso okuti, osimbu Klistu akala

9 Ellen G. White, *Signs of the Times*, November 21, 1895, par. 3

vongongo ilo wasandayale eteke leteke Isya Yaye oco owihe ocali cokaliye cetulumwinyo lisukiliwa ...”¹⁰

Yesu ocilikocili wakala ongangu yetu kweci. Etu tusukila okupinga etumwele: Nda Yesu eteke leteke wasukila etulumwinyo lyEspilitu Likola, oco he a cesilivilo-ko lyalwa kokwange kwenda ove?

Upolofeto Pahulu ocilikocili ongombo ya Yesu yolombolokele calwa ciwa. Vukanda waye wekongelo lyo Efesu Pahulu olombolola komitulwilo 1:13 ati ovo vositikiwa lEspilitu Likola eci ovo valinga vakwetavo. Komitulwilo 3:16-17 eye ovatumbangiya okuvaha ongusu vEspilitu. Komitulwilo 4:30 eye ovalungula: “*Ahukasumwisi Espilitu Likola Iya Suku.*” Kwenda vo komitulwilo 5:18 (NKJV) Pahulu ndupolofeto okwete omoko yokuvilikiya va Efesu kwenda etu ati: “... tuyukisiwi lEspilitu Likola ale “enemwele olonjanja vyosi yukisiwi lEspilitu”.¹¹ Etu tucilete okuti ndaño twatambula Espilitu Likola pokucitiwa evali, etu vosi tusukila etulumwinyo lyeteke leteke. Omolyaco, cesilivilo vomwenyo wesipilitu kwenda vokukula Ukwaklistu yumwe okuti ovo vayukisiwa eteke leteke lEspilitu Likola.

Ocipama Cetu Cosikola Yetu Yesambata capopya ati kweci catyamela ku Efesu 5:18: “Nye cilomboloka ‘okupapatisiwa’ lEspilitu Likola? Yesu eyemwele wacilombolola vocakati comwenyo Waye palo posi. Omunu yumwe ‘wapapatisiwa’ ñgo lEspilitu Likola (Ovilinga 1:5) eci Espilitu Likola liya vokwaye (onimbu 8). Oco tupapatisiwe cisukila okutakatisiwa olungunge kweci ciyulisa–cachata ovava. Caco cisukila okuyulisa omunu wosi vovava. Epapatiso lEspilitu Likola cilomboloka okukala wosi vesongolo lyEspilitu Likola, cilomboloka okutakatisiwa vunene wEspilitu Likola–‘okuyukisiwa’ wosi la Ye. Eci haseteko-ko yonjanja imosi apolepo ocina cimwe cisukila okupitulwiwa otembo yosi ndomo Pahulu aca olumapu ku Efesu 5:18 lomita Velasi ohundilo ‘yukisi’”¹²

10 Ellen G. White, *The Acts of the Apostles* (1911) p. 56.1

11 Johannes Mager, *Auf den Spuren des Heiligen Geistes* (Lüneburg, 1999), S. 101

12 *Sabbath School Study Guide* July 17, 2014

OLONDAKA VYA YESU VYOKULYUSIKA KWENDA ESIPILITU LIKOLA

Volondaka Vyaye vyokulyusika Eye wanena esanju kwenda elavoko vokuvasapwila okuti Esipilitu Likola liya lipiñganya ocitumālo caYe. Yesu osapwila kolondonge cimwe cikomohisa calwa ku Yohano 16:7: *“Omolyaco Ame ndukusapwili ocili. Cuwa wene mwele okuti Ame ngenda; momo nda Ame chandele Ndembeleki kakeya kokwene pole nda Ame ndanda Ame ndikokutumisi.”*

ETETIYO LIMWE LYAVELAPO LYOKALIYE

Yesu wapopya kolondonge cimwe cikomohisa ati: “Eci cuwa wene okuti Ame ngenda.” Eci cilomboloka okuti etetiyo lyokaliye okuti Eye okasi letu vocakati cEsipilitu Likola, cesilivilo-povali kokwetu okuti Eye okala letu vocakati cEsipilitu Likola ambi okukala la Yesu upolo lupolo. Vonjila eyi Eye kakwete asulilo apolepo Eye citava okala lomunu lomunu, kakuli atatahāyi okuti Eye cilomwele oli kolonele vyosi.

UVANGI WOMUNU LOMUNU WULONGISI YUMWE KWENDA OLONDONGE VYAYE:

Eci Ocikongamela *Alyanga Andisa Ketumbululo Lyomunu Lomunu* ca H. Haubeil catwaliwa vekongelo lyosongo yange kwapita ale ulima umosi, ame ndayitanga lonjanga yalwa. Osimbu ndayitanga ame ndakwata oloseteko la Suku sala kwata tunde–eci cañgomohisa kwenda canyihā ongusu.

Ko apendisi yocikongomela ame ndasanga onumbi eyi: “Ono imwe yukulihiso yalekisa okuti cisukila okutanga ale okuyeva olonjanja epandu toke kekwi onondovitwe imwe yesilivilo oco tukwate elomboloko lyaswapo lyocina caco.”

Olondaka evi vyetumbangiyo vyapetula eluluvalo lyange. “Ciseteka lumosi. Apako aco akakukomohisa.”

Ame ndayongwile okuciseteka caco kwenda cilo lelitango lyatatu eci cambeta kwenda ame ndayevela ocisola cimwe cinene kUpopeli wetu, cina ame ndasuka vomwenyo wange wosi. Volosāyi vivali ame ndatanga olonjanja epandu kwenje apako aco esilivilo lyalwa.

Ame ndakala ndu vyosi calomboloka, atiñgombi Yesu weya ocituke letu kwenda twavandekela vovaso Aye ocikembe kwenda embembengiyo.

Tunde opo lalimwe eteke ndayongwile vali okukala lekambo lyocisola eci cUpopeli wetu.

Eci ndipasuka lomele ame ñgwata ñgwata enyona lyepuluvi lyocipama cange lomele, ndilinganga otembo yosi okuseteka ukamba la Suku kwenda lutanya eci omele ipwako, ndilomba lomba vokañgunuñgunu oco Esipilitu Likola aňgwatise ko lovisimilo osimbu tulisapela, olumapu lwange osimbu ndilongisa kwenda tusapela.

Eci yumwe omöla akwata eluluvalo liyongwiwa kwenda olinga ovina ndomo calavokawa, oco Suku wanyiha ongusu kwenda ukulihiso wokutata laco.

Tunde opo upange wange weteke leteke wayukisiwa lemoleho Lyululiki. Eye oňgwatasa eci cimolehisa vomwenyo wange weteke leteke. Tunde opo ame lomele kwenda vo kapuluvi amwe, ndilombala epapatiso lEsipilitu Likola. Cikasi atiňgombi okasi ocipepi lokovaylu kwenda citava okuyeva ndomo cikakala oko.

Osimbu ndakala okutanga ocikongamela, ocisimilo cimwe ceya kokwange okuti olondonge vyange kosikola citava ndilyohela lavo oseteko eyi. Ame ndilongasa ava vakwete 10-15 kalima ko Elijah Osikola Yavandevé oko ko Vorarlberg, ko Awstlyá. Omo lyaco, ame ndalomba ku Suku oco anyihe olombuwe. Vokatambo katito ame ndakwata oseteko imwe ikomöhisá, yavelapo vyosi ndakwata vilekisa ndamupi Esipilitu Likola litalavaya kovitima vyamalehe.

ONGANGALA IMWE YALIMA 13 KWENDA ESIPILITU LIKOLA

Kwapita ulima umosi eci oseteko yafetika apahandi lyame okutanga ocikongamela Esipilitu Likola. Ondonge imwe yokaliye yeya kosikola yetu kwenda voloneke vitito osikola yetu yapongolwiwa ocitumälo conjwela. Ukwenje wakwata lika 13 kalima, eye wavelapo olondonge vyosi kocitunga kwenda vo kongusu.

Vyalwa vyalongisiwa osimbu kalima apita okosikola, kaliye amwäwa okulaka okunyelela vepuluvi limosi.

Tweceli eyemwele okucilombolola volondaka vyaye: “Eci Ame ndapitila kosikola eyi yange, ame sasimile eci calaka okwiya. Veteke lyange lyavali kosikola, ame ndasanumwiwa lundululu kwenda ndafetika okulitila lukwetu wange wopokati. Ame ndokapula toke ndakava, ndo’lungula okuti lalimwe eteke sikomöle vali.

Noke ame ndataliliya eponyo lyange kwenje ndapinga ongecelo ndomo ndalingale ale konyima. Noke lyeci ame ndasapela vo lukulu wendamba yokosikola. Vosāyi yakwamamo kwafetikiwa ocicapa cimwe cepindiso lyeponyo lyange.

Cañgoka osōyi ceci okuti ocicapa caco cafetika lika kotembo ndalinga omōla ungombo. Ame kaliye ndafetika okupita otembo yalwa la Yesu.”

Ame yu ndasima okuti umalehe u osukila elahululo limwe lyaposoka. Eye walimbuka eponyo lyaye, wacisumwila kwenda wasima okufetika onjanja ikwavo pole eye kakwatele olohōlo vyaco vomwenyo waye. Tetemwele lakatanga vonjanja imosi lokutatayala catava eye kayongwile vali okulitila pole kamwe kamwe ndayula.

Noke lyolosāyi epandu eye wapopya, wasima ati eci alombelo acikoka okuhutwala ocituke la Suku. Vokatembo katito kolomele wafetika okulombela ongsu. Ovoyaki aye locinyeñgohusa catepuluka.

Cilo kwapita ekwi la umosi kolosāyi tunde eci apitila kosikola yetu, etu tusole okumōla emyoñgolōlo. Pole ocinyeñgowusa caye, atuka, atotāla-totāla momo ovitangi vyaye kavyatavale okuvitetiya otembo yosi.

Cakala lika olohōlo vyaye: eye waseteka okuyula vongsu yayemwele kwenda vukulihiso waye catavale olonjanja vimwe pole vikwavo kacatavalemwele. Alombelo etu asole okulinga cimwe pole isimilo vyaye kavyasungulukale kwenda unene wEspililitu wanyelisawale.

Ciwa cimwe ndati eci omunu yumwe alimbuka aponyo aye, oseteka okutetiya ocituwa caye kwenda kepuluvi likwamako okupuka vali? Kotembo eyi eci ame ndalimbuka okuti ñgasi kesulilo lyongsu yange, ame ndatambula ocikongamela cavangwiwa konano. Eci ceya votembo yasoka. Noke ame ndalimbuka eci cavaliwa letu. Katwakulihile unene wEspililitu Likola. Etu katwakwatale ocituwa cokupinga ekwatiso Lyaye!

Tunde eci ndasangiwa lesapulo lya *Alyanga Andisa Ketumbululo Lyomunu Lomunu*, ame ndalinga epandu lyokupinga kukakwenje nda eye osole okulombela okukwata Espililitu Likola. Cho-eye kala cilinga. Noke ame ndafetika okupetula onjongole yaye kocikongamela. Ame sowihile eci.

Eyemwele ocilikocili wacyiongola. Kwenda lonjanga yalwa eye wapinga ocikongamela.

Onjanja ikwavo volondaka vyaye opopya: “Kuvala kwapupulu, vunyamo 2012 ulongisi wange wanyiha ocikongamela *Alyanga Andisa Ketumbululo Lyomunu Lomunu*. Ame lekwanyu lyalwa ndafetika okucitanga.

Kotembo yaco ocilikocili ame sayongwile okukwata ukulihiso wupange wa Espililitu Likola.”

Veteke lyatete eye wamāla okutanga olomitulwilo vivali, noke wandipula olonjanja viŋgami ame ndatanga eci. Ocipikipiki eye wafetika okupitulula okutanga olomitulwilo atanga ale, eye wayongola okukapako evi ocikongamela cimba onumbi: Okutanga 6 toke 10 kolonjanja.

Tunde opo vyalwa vyapongoloka. Okupisa vosāyi ya Cembanyima, vunyamo wo 2012 kakwakalele vali lahamwe aliyenja ale onjwela-caco salacitava. Akwenje eye apatowāle eteke leteke valinga akamba vaye, vosi yavo etali valiyeva.

Eye wapongolwiwa olumwe-eye walinga embombe kwenda ukwacikembe, ocikembe cosi cavyala po undululu waye wetimba. Vakwetu vaye vokosikola vacimbila uvangi okuti Suku walinga upange waco wok'upongolola. Ove citava otala apako aco eteke leteke. Vesivayo lya Suku njongola okukusapwili okuti ukwenje wanda kepatatiso Kevambi lyunyamo wo 2013. Nda eci hEspilitu Likola-ko nye ...?!

Ame otembo yosi ndasimāle ati nditela okumwisa olondunge omōla umwe. Epandi, elawululo kwenda olombangulo vyalwa citava vilinga cimwe, pole ocolika kacendi kupāla. Suku yu wakwatamo kwenda wandamba ati te lika Espilitu Lyaye litela eci kacitelāwa.

Eteke limwe eci kakwenje u akakala kovaylu, kwenda ame ndikacikuliha okuti Suku eye wacikoka. Eci olohōlo vyukulihiso wange wasula oco candomboloka okuti ame salatela okwendisa, kepuluvi eli oco lika Suku afetika ocipikipiki okutalavaya vokwaye. Eci canyiha ongsusu okukuliha okuti ku Suku kakuli lacimwe kacikwete elavoko. C. P.

Elombelo: A Isya yokovaylu, pandu pandu kekovongo lyonjanga lya Yesu lyokupinga Espilitu Likola. Cambala calwa kwavyosi ndanyelisa omo lyekambo lyEspilitu Likola. Ame ndisukila elikwamo lya Suku oco Yesu akale lunene vokwange. Ame njongola ekwatiso Lyaye kolonele vyosi vyomwenyo wange. Pandu pandu omo Espilitu Likola citava opongolola ocituwa cange kwenda citava ondipongolola eswalāli lyusoma wa Suku. Ame ndilyeca olumwe amewele Kokwove lacosi ŋgwete kwenda cosi ame ŋgasi. Mandula omo wanambula kwenda vo wanyiha asumuluho Ove. Ŋgwatise okukula vukulihiso wEspilitu Likola. Amen.

Ovisimilo Vyomunu Lomunu kwenda Esongolo Lyapulilo

1. Ondaka ipi Yesu afufula vali otembo yosi Eye asokolola kweci catyamela kelombelo? (Luka 11:1-13–Velombelo lya N̄gala, Volusapo, Kekovongo?)

2. Ocitangi cipi volusapo uvangula etongeko velombelo cakoka Yesu okutukovonga oco tupingi Esipilitu Likola?

3. Nye cakuveta vali kekovongo lya Yesu lyokupinga Esipilitu Likola? Nye citava etu okulilongisa kolumapu Aye?

4. Ndamupi likasi elikuminyo lyetu ku Suku vomwenyo wetu weteke leteke?

Epuuvi lyetu Lyelombelo

- Vilikiya ekamaba lyove lyelombelo kwenda lisapeli vyonondovitwe.
- Lomba lakamba lyove lyelombelo ...
 1. Okuti etu eteke leteke tukapetulwiwa kekambo lyetu lyEsipilitu Likola oco tutambuli Eye.
 2. Okukwata “enyona” oco etu otembo yosi twendande kono yomwenyo.
 3. Okukwata otembo yosi oviluvyaluvya vya Yesu kwenda okulilongisa Kokwaye–ndomo etu tukwata elitokeko lyocituke la Isya yetu yokovaylu.

CIPI OCAKATI COVITANGI VYETU?

*Anga he konyima yovitangi vyetu kuli
eko lyomwenyo wesipilitu?
Anga ekambo lyEsipilitu Likola olyo eko?*

MEKONDA LYE KULI EKAMBO LYESIPILITU LIKOLA?

Ekumbululo lyembibiliya lyeli: “Ene kahukwete andi momo kahupingi. Ene upinga pole kahutambola momo upinga lävi. (upingi lovisimilo vyositu Valoma 8:5-7), oco utekuli olonjongole vyene.” Tyaku 4:2,3 NKJV)

Ñgala yetu watuhandeleka locikembe kwenda lelitongeko lyalwa oco tupinge Esipilitu Likola (Luka11:9-13). Catulomboloka okuti te tutongeka okucilinga-nga otembo yosi. Komitulwilo yatatu kovaso tuka cinyanyumula vali ciwa.

“Ovo vavangola kwevi vyatyamela ku Klistu kwenda Esipilitu Likola, pole andi kavalatambula uwa wayo. Ovo kava ecelele omwenyo wavo okwendisiwa kwenda okulaviwa lolondavululi vya Suku.”¹³

Etu twalombela etumbululo lyetu okatembo kamwe. Eci cesilivilo lyolwa. Ellen G. White wapopya ati: “Eli olyo epapatiso ekongelo lisukila etali “epapatiso lyEsipilitu Likola.”¹⁴

¹³ E.G. White, *The Desire of Ages*, p. 672.1 (egwwritings.org)

¹⁴ E.G. White, *Manuscript Releases*, vol. 7, p. 267

“Mekonda lye etu katuvangola kwenda katusukala ocilumba cEspilitu Likola nda eci oco omoko yokutambula unene? Mekonda lye katusapayla vyeci, mekonda lye katulombala kwenda katukundala vyeci?”¹⁵

Ciwa calwa etu okulombela etumbululo, pole katulombi lika–nd’omo Mark Finley acipopya– okuti “**kapiko vo evi vikisikiwa tete vyetumbululo lyembimbiliya.**”¹⁶ Anga citava ame ndukukovonga oco okwate alyanga okuseteka etumbululo lyomunu lomunu? Kwavalwa eci cikandisa kunene kwenda komweyo watelisiwa.

Oco tufetike leci etu tusukila okukonomwisa ocitangi. Etu tuyongola okucilinga ciwa; Ndahacoko kuli ohele etu tusukila nda yisukiliwa ale hayesilivilo ko. Noke lyeci etu tuyongola okulawulula ketetiyo lya Suku lina litwavela esumuluho likomōhisa noke kesulilo lyaco tukuliha ndamupi etu tukapa ko caco eci kwenda ndamupi tuseteka caco.

Ekambo lyetu lyEspilitu Likola kacilomboloka okuti cosi twalinga kwenda tukasi okulinga kacisilivila. Kwapita kwenda kukasi olongombo vyalwa viwa. Ņgala osole okusumulwisa olohōlo vyomanu. Pole nda catanda ndati cosi nda cakwamisiwile ocipepi lEspilitu Likola? Suku lika wacikuliha nd’omo nda cakala.

Ame ndayongwile okusuŋgama ndomo Henry T. Blackaby apopya:

“Eye (Suku) nda walinga vali volosāyi epandu lomanu valyeca Kokwaye ambi valima akwi epandu lava vakasi lekambo Lyaye.”¹⁷

Eli olyo epulilo lyocipikipiki likasi kofela, vongombo yesongolo lya Suku kwenda ikwetepo vali esilivilo. Caco oco cilipita eci etu tuyukisiwa lEspilitu Likola.

Olumapu: Yumwe omunu olinga ohundo. Eye omāla okukunda – pamwe layumwe otava, ale pamwe vamwe vatito lika yava vosi vayeve esapulo. Nda vamwe vatito ale vosi vatava kesapulo kwenda vayikapako oco cesilivilo linene. Eci ocina cimwe cilingiwa lika lEspilitu Likola.

15 E.G. White, *Testimonies for the Church*, vol. 8 (www.egwwritings.org), p. 22

16 Mark A. Finley, *Revive Us Again*, PPPA, 2010

17 Henry T. Blackaby, *Den Willen Gottes erkennen und tun* (Kassel, 2002), S. 31 / *Experiencing God* (Nashville, 1990)

OVIMUKA VITATU VYOMANU KWENDA UKAMBA WAVO WOMUNU LOMUNU LA SUKU

Ondaka ya Suku yitepisa omanu vovimuka vitatu kwenda ukamba wavo womunu lomunu la Suku. Ocimuka locimuka cikwete ovituwa vyaliyekala vyatunda kuva isya yavo, kalongiso vatambula, kovituwa vambata, kapindiso avomwele, kovitunga, koviholo, kalilongiso kwenda vikwavo.

Pole ndaño lalitepo aliyekala kuli lika ovimuka vitatu kovaso a Suku:

- ▶ Yu kakwete ukamba lawumwe la Suku–Embimbiliya licitukula ati omunu **ukwalofeka** ale **ukwalwali**.
- ▶ Yu weyuka to lukamba wocili la Suku–Embimbiliya licitukula ati omunu **ukwesipilitu** ale **wayukisiwa lEsipilitu**.
- ▶ Yu okasi kuvali ale ukamba wombambe–Embimbiliya licilombolola ati omunu **ukwasitu** ale **ukwaloñgeyi vyetimba**.

Olonduko “ukwalofeka”, “ukwesipilitu” kwenda “ukwasitu” Vondaka ya Suku kayikasi okulinga esokiyo lyovituwa; Yinyanyumula lika ekalo lyomunu yumwe la Suku.

Ovimuka evi vitatu vyalombolwiwa kuva 1 Kolindyu 2:14-16 kwenda 1 Kolindyu 3:1-4. Kaliye etu tuyongola lika okukwata onondovitwe omunu ukwalofeka. Eye walipolapo volwali, vya Suku kavyusakalasa. Etaliliyo limwe lyonjanga kovimuka vivali vyekongelo likatukwatisa kelomboloko oku ocitangi casalamisiwa. Cesilivilapo vali kocosi, okukulihã ocimuka cipi amemwele ndilinga onepa. Okukwamamo, ekonomwiso lyetu lalyovo litukwatisa kukulihiso wetumwele. Etu tuyongola okukonomwisa omwenyo wetu mwele hamwenyo ko wakwetu.

Yipi omoko yokutepisa ocimuka cimwe ale cikwavo? Nye cisokiya ocimuka ame ñgasi cilo? Etu tukamõla okuti kovimuka vyosi vitatu elitepo likasi lika kukamba womunu lomunu lEsipilitu Likola.

OMUNU UKWALOFEKA

“Pole omunu ukwalofeka katambola ovina Vyesipilitu lya Suku, momo kokwavo vikasi nduveke; ndaño okuvikuliha cho momo ovyo vitempisiwa lika vesipilitu.” (1 Kolindyu 2:14 NKJV)

Omunu ukwalofeka ocilikocili kakwete ukamba lawumwe lEsipilitu Likola. Eye okasi volwali kwenda kapingi lavimwe vya Suku ale pamwe, olonjanja vimwe ñgo asandiliya lika vya Suku.

VAKWESIPILITU KWENDA VAKWASITU VOSI YAVO VAKASI VEKONGELO

Ovimuka evi vivali vyalombolwiwa ciwa kuva 1 Kolindyu 2 kwenda 3 kwendavo Loma 8:1-17 la Vangalatiya 4 toke 6. Etu tusukila okutaya okuti **omoko yokutepisa ovimuka evi vivali, ekalo lyavo lEsipilitu Likola.** Eci ococo, momo Espipilitu Likola olyo lika lyakapiwako la Suku oco tutokekiwe kovaylu. (*The Desire of Ages*, p 322; Mateho 12:32) “Utima te wahikwiwila unene wEspipilitu Likola ale asumuluho a Suku kaha-katambwiwa.”¹⁸

OCIMATAMATA CEKONGELO CIKASI VESIPILITU

Tutangi 1 Vakolindyu 2:15-16: *“Pole u okasi vesipilitu okonomwisa ovina vyosi, andi lopo lomwe ukwavo otela okuhusombisa. Momo elye wakuliha ocisimilo ca ÑGALA oco eye o ulongise? (Isaya 40:13) Pole etu tukwete ocisimilo ca Klistu.”* (NIV) *“Omunu okwete Espipilitu opanga ovihaso vyacosu, pole omunu waco kakolela kovihaso ale kovisimilo vyañgo vyomanu momo elye wakuliha Ocisimilo ca Ñgala oco owihe onumbi? Pole etu tukwete utwe wa Klistu.”* (NIV)

Omunu ukwesipilitu eye ukwaklistu yocili. Eye otukwiwa “ukwesipilitu” momo wayukisiwa lEspipilitu Likola. Kulovo, ukamba lEspipilitu Likola cikasi omoko isukiliwa yocindekase comunu wesipilitu. Eye okwete ukamba umwe uwa kwenda ukasi okukula lEspipilitu Likola. “Yesu okasi vocakati comwenyo waye”; Etu vo olonjanja vimwe tuvangola ati Yesu oli vovitima vyetu. Omunu ukwesipilitu osole okulyeca eyemwele eteke leteke okulitumbika olumwe ku Yesu omele lomele ndomo akasi kwenda leci cosi eye akwete. Kesapulo lyekongelo lya Lahondiseya vakwaklistu vatukwiwa ati “vatokota” volusapo wa 10 kakāyi valipwa vatukwiwa ati “vakwalondunge”. Loma 8:1-17 kwenda Ngalatiya 5 kuvangula vo vyalwa kwevi vyatyamela kweci. Eye okasi voseteko yomwenyo “wepwiti” (Yohano 10:10) ale ndomo Pahulu acitondongola: *“Okuti ene yukisiwi okuswapo la Suku.”* (Efesu 3:19; Kolosāyi 2:9)

18 Ellen G. White, *Steps to Christ*, 95.1 (egwwritings.org)

OCIMATAMATA CEKONGELO CIKASI VOSITU

Omunu yumwe citava okala ocimatamata okatempo kamwe ale mwele alima alwa, lopo okala ukwaklistu yositu. Nda vepuluvi eli vokutaliliya kwove ocipikipiki walimbuka okuti ove Ukwaklistu yositu ukaciyokokele, apole, cisanjukila momo ove okwete ombuwe yokucipongolola cilomwele. Ove okaseteka esanju lyaswapo vocakati comwenyo lEshipilitu Likola. Ame ndakolāpo okuti valwa Vakwaklistu yositu kavakulihile ekalo lyavo kwenda vakwete onjongole yokuseteka vikwavo vyekolelo lyavo. Ekambo lyukulihiso olyo licikoka otempo yosi eponyo lyavo ko.

Cikapa ko: Ove okaseteka esanju linene vocakati comwenyo umwe la Klistu vutima wove, vocakati cEshipilitu Likola. (Yesu ku Yohano 15:11 ati: “kwenda ocovo esanju lyene liswepo”). Vocakati cepongoloko eli ove okamamako okuseteka omwenyo wepwiti (Yesu ku Yohano 10:10–kovaso eci tukacitondongola vali) kwenda ove okakwata ociseveto celavoko lymwenyo kopwi.

***Elombelo:** A Isya yokovaylu, mange ohenda ñgwatise okulinga epulilo eli amemwele. Nda ame Ndikwaklistu yositu noke mange ohenda ñgwatise okucitetulula cilomwele. Ñgape onjongole yokusola vyosi onjongwila. Mange ohenda songwile komweyo Wukwaklistu yesanju-womweyo wepwiti walikuminyiwa kwenda wenda hu. Mange ohenda myoñgolōla utima wange. Pandu pandu omo watambulula ale elombelo lyange. Amen.*

Tutangi eci upolofeto Pahulu avangula kovimatamata vyonembebe vyositu kuva 1 Kolindyu 3:1-4 (NKJV): “Kwenda ame nda manji yene satelele okukusapwili nda Vakwesipilitu, pole nda Vakwasitu ndoloñgañga mu Klistu. Ame ndakutekuli lasenjele halokulyako kwakōla; momo toke cilo kawalipongihili okutambula eci, ndañgo kaliye kepuluvi lilo kawalipongihili; momo ene andi wukwasitu. Momo kwosi kuli andi onya, unjaki kwenda olonepelele pokati kene kawasitu ko andi, kwenda ovituwa kavyalisetahalele ndomanu vañgo? Momo eci umwe apopya ati ndatyamela ku Pahulu, kwenda ukwavo opopya ati ame ndatyamela ku Apolu kawuwakwasitu ko?”

Calomboloka ciwa okuti omoko yokutepisa ocimuka eci ukamba wavo lika lEshipilitu Likola? Volomita evi vitito upolofeto Pahulu otukula olonjanja vikwāla ati ovo vakwasitu. Ukwasitu cilomboloka nye pwāyi?

Eci cilomboloka okuti: omumu waco yohendela volohōlo vyaye vyositu vina vikasi upange tutela okulinga kwenda olohōlo omunu akwete. Okukwamamo, eci cilomboloka okuti omunu waco kayukisiwile lEsipilitu Likola ale kakwete onjongo yisukiliwa yEsipilitu Likola.

Omanu vamwe vasima okuti ocimuka eci catunga lika lomanu vana vanda vekandu liletiwe la vosi. Pole eyi yikasi űngo yimwe onepa yovituwa vyocimuka eci. Ame njongola okukusalwisi okuti kukasi ovituwa vyaliyekala vocimuka locimuka.

Pahulu wasuűgama kuvakwaklistu yositu ati “*avamanji wasoliwi*”. Eci cilomboloka okuti eye wakwata ocikembe lovimatamata vyekongelo. Kacatavele Pahulu okuvangula lavo ndavakwesipilitu.” Cilomboloka okuti: Ovo kavayukisiwile lEsipilitu Likola ale kavakwatele onjongo yisukiliwa yEsipilitu Likola. “Casukila eye okuvangula lavo ndoloűgaűga mu Klistu.” Eci cilomboloka okuti ovo kavakulile andi vekolelo ndomo cisukiliwa. Omunu yumwe citava okwata ukulihiso Wembimbiliya pole kakulile vesipilitu. Okukula vesipilitu kulingawa vokulyeca kwetu olumwe ku Yesu kwenda omwenyo wetongeko lEsipilitu Likola.

Valwa Vakwaklistu yositu vayeveveva esumwo lokusepwiwa, kavakwete olongombo vakasi űngo, otembo yosi vomwenyo wavo wesipilitu vakenyoha űngo.

Ovimatamata vikwavo vyositu vekongelo visole okukwata ekalo lyavo ale valikandangaya lekalo eli, vayevala ati katutela okulinga ko lacimwe kweci!” Etu tulondingekandu mwele! Katutela okulinga ko lacimwe kweci!”

Ovimatamata vikwavo vyositu visole okusanjukila ekalo lyavo. Vasanjukila ocili Cembimbiliya vakuliha. Ovimatamata vyakwaklistu yositu citava vilinga ciwa ovikele vekongelo lyavo kwenda olonjanja vimwe vasongola mwele ocimuka cimwe vekongelo lyavo vosongo ale kesongolo lyonembele. Ovo citava valingila vyalwa Suku.

Mateho 7:22-23 (NKJV): “Valwa vakandisapwila keteke lyaco ‘A űgala, a űgala anga etu katwalingale upange wuwanji wupolofeto vonduko Yove, katwalupwisile olondele vonduko Yove kwenda katwalingale ovikomo vyalwa vonduko Yove?’ Kwenda Ame ndikavakumbulula ati ene salakukulihili; Tundi kulo ene ulinganga ndeti civi.”

Pi likasi pwāyi eko lyocitangi? Yesu wavakumbulula ati ame sakukulihili. Ovo kavakwatele ukamba wocili la Yesu, pole vakwata űngo ukamba wuhembi. Kavalakwata elikuminyo lyocili ale ndaűngo okutongeka okucilinga. Yesu kakale vovitima vyavo vocakati cEsipilitu Likola. Omolyaco ovo kavakwatele ukamba womunu lomunu la Klistu.” Omolyaco vakwata

lika echetahālo lyukamba la Klistu ...”¹⁹ Tucukuliha ndati okuti Klistu KAKASI vokwetu? Ame ndatanga olondaka vimwe vikoka usumba vyatyamela kweci. Apahandi lyokuvisinumula, ame njongola ok’usapwili okuti etu citava tuyowiwa kwevi nda tukwete omwenyo umwe lEsipilitu Likola:

“Espilitu limwe lyalitamālāla Lesipilitu lya Klistu citava Lyulikala, kacikwatela umesele omunu waco alinga. Omanu citava valikala Klistu vocakati colondaka vivi, citava ovo Volikala vocakati colombangulo vyutende, citava Volikala vocakati colondaka vyuhembi ale vyungangala. Ovo citava Volikala vocakati cokusola ovisimilo vyavomwele, citava ovo Volikala vocakati cokulitavela ovomwele, citava Volikala vocakati cokusola atatahāyi, citava Volikala vocakati cakupa okulevala kwenda ovo citava volikala vocakati cokukala voweleva. **Volonjila vyosi evi ovo yovalekisa ati Klistu kakasi vokwavo.**”²⁰

Vocali ca Suku eci citava okucipongolola lonjanga yalwa. Etu tukacitala vali komitulwilo yatatu kwenda yatālo.

MEKONDA LYE CIKWETELE ESILIVILO LYALWA OKWECA OMWENYO KWENDA OKULINGA ELIKUMINYO LA SUKU?

Ondaka ya Suku yipopya ati: *Omolyaco Ame ndukulivondeleli avamanji vohenda ya Suku okuti tumbiki atimba ene ndocilumba cikola cikasi lomwenyo, cina citaviwa la Suku, cina cikasi efendelo lyolondunge.*” (Valoma 12:1 NKJV)

“Suku oyongola okutukayisa, oyongola vo okutuyovola [kungangala wepela lyetu kwenda kupika wekandu]. Pole oco eci cilingiwe cisukila epongoloko lyosi, etumbululo lyekalo lyetu lyosi, cisukila etu okulyeca olumwe kokwaYe.”²¹ O ame yetu andi yisumwisiwa, andi tukwete esepa, alichochōlo lika, onyeño kwenda vikwavo. Suku oyongola okutupopela kovituwa vyosi evi.

“Eye (Suku) otukovonga okulyeca etumwele Kokwaye oco okuti Eye citava olinga onjongole yaYe vokwetu. Eci catamba kokwetu okunōla

¹⁹ Ellen G. White, *Usoliwi Wapata* (1898), p. 676

²⁰ Ellen G. White, *The Usoliwi Wapata* (1898), p. 357.2 – *Das Leben Jesu*, S. 349 [357]

²¹ Ellen G. White, *Alyanga andisa ku Klistu* (1892), p. 43.2

“*Ame ndukulivondeleli avamanji vocali ca Suku okuti eci atimba ene ndo cilumba cikasi lomwenyo cikola cina citaviwa la Suku ayo ikasi efendelo lyene lyolondunge.*”

nda tukayowiwa kupika wekandu ale cho, okunyamula ulamba weyovo womāla va Suku.”²²

Suku okumbulula elitumbiko lyetu locisila cokucitiwa evali (Yohano 3:1-21). Noke lyeci okulingiwa te okutongeka okulyeca (Yohano 15:1-17). Etu tukacilombolola vali komitulwilo yatatu.

Morris Venden okuvangula kweci catyamela kelitumbiko lyetu ku Suku ati: “Kakuli eci calichetahāla lelitumbiko lyuhembi. Ndomo kacitava okumina űgo okacinimbu, lacovo kacitava okulyeca űgo okacinimbu. Ale okasi, ale kukasi. Kakuli onepa yaűgo.”²³

Ellen White okupopya kweci catyamela kelitumbiko lyeteke leteke ati: “Telika ava vatalavaya kumosi la Klistu, telika ava valinga ati: A űgala cosi űgwete kwenda cosi űgasi cove vakalimbukiwa ndomāla vakwenje kwenda vafeko va Suku.”²⁴

Omolyaco, omunu yumwe citava opanga onepa vekongelo ndocimatamata pole amo anyelela. Cisumwisa ndati! (Olusapo wakwi kakānyi valipwa kwenda esapulo lyekongelo lyo Lahondiseya litusapwila eci.)

MEKONDA LYE VAKWAKLISTU YOSITU VAVALA OKUVATEPISA?

Omo lyomwenyo wakwaklistu yositu weyuka to loviholo “vyelitokeko”, eye katela okulimbuka okuti yo’nyelisa vyesilivilo: Ukamba wocituke kwenda ukamba wuyovola la Suku. Nda Klistu kaceliwa okuvyala omwenyo wetu wosi oco Eye otahilili posamwa puvelo okutotola epito (Esitulwilo 3:20). Kwenda Eye opopya ati: Nda kawapongolokeli Ame ndukusiyili kosamwa.

22 Ellen G. White, *Alyanga Andisa ku Klistu* (1892) p. 43.4

23 Morris Venden, *95 Theses on Righteousness by Faith* (Pacific Press, 1987), p. 63

24 Ellen G. White, *Usoliwi wApata*, p. 523

Andi kuli vali cikwavo cilipita: Vocakati catavo etu ociseveto ana opiwa Kembimbiliya, etu twakōlapo kakulihiso wetu (Vonjanja imosi tusukila vo okukapa utima wetu kwevi vyokaliye). Etu twakōlapo okuti twatava kocili; Opopo pakasi ongusu yetu. Etu tukwete ukulihiso walwa. Etu tuvangola ovina vyasunguluka. Eci oco cikasi okututateka okukonomwisa ovitangi vyositu. Anga ocilikocili ame ndakōlapo okuti ndakala ale IEsipilitu Likola? Nda andi cho, anga nditela okulimbuka etepiso lyayo?

Ungombo yumwe wasoneha: “Ame ndavilikiyiwa la manji yumwe yukāyi wakala okukwata onepa ka 40 Koloneke Elombelo. (Onondovitwe ya 40 Koloneke Yalombelo yikalombolwiwa vali komitulwilo 5). Eye wapopya ati eci capongolola omwenyo waye.

Omwenyo waye wosi etali wasumulwisiwa leci anyelisile womwenyo waye wesipilitu, kaliye eye wakuliha Esipilitu Likola. Ame ndisima okuti ove wakwata ko onepa keyevelelo lyuvangi waye.

Eye wapopya ati walimbuka vonjanja yatete okuti okwete ukamba la Suku vomwenyo waye ... Vakwavo valimbuka vo epongoloko lyomwenyo waye.”²⁵ Etu citava tumōla okuti omunu umwe olimbuka okuti yonyelisa cimwe pole kaci nda nye. Vamwe vakwete onjongole yacimwe cikwavo, pole kaci caco ndanye, kwenda vo kaci ndamupi acikwata.

Ame ndipandula omo 1 Kolindyu 3:1-4 Yipitulula ondaka “andi” olonjanja vitatu. “Momo ene *andi* wukwasitu.” Eci citulekisa okuti omunu ukwasitu citava okala Ukwesipilitu. Lomwe okwete esunga lyokutongeka ukwasitu. U wosi oyongola okupanga onepa kekolelo limwe okwete ombuwe iwa yokupongoloka kwenda okulinga eci. Kovaso tukacinyanyumula vali ndamupi tupongoloka vakwesipilitu.

Onepa ikwavo yisukila etaliliyo onya, okulivela kwenda unjanki ale ndomo epitiyo lyembimbiliya NIV yicilombolola. “Vokati kene *andi* muli onya kwenda *aliyenjo*.” Akalo ava amaha ku Pahulu ati ovimatamata vyositu vyekongelo kavikasi IEsipilitu Iya Suku, pole yovanda volohōlo vyetimba–ndomanu vakwavo. Ovo vanda ndomanu vandela vositu; ndaṅgo yovalisalamela vocikutu Cavakwaklistu. Anga eci cilomboloka okuti asunga aliyenjo vakongelo akokiwa lovimatamata vyositu? (tala Yunda 1:19) Koloneke vya Yesu va Faliseho kwenda Vasanduseho kavalitumbale umwe lukwavo?

25 O Email imwe Helmut Haubeil—atambula kosāyi ya Kayovo keteke 15, vunyamo 2012

Eci cilomboloka okuti konyima kwakala ale aliyenjo pokati kava valava kwenda kwava kavasole oviholo. Ocimuka cimwe cakala colonepele povali kwenda cikwavo cakonomwisile povali lowesi. Apolepo vosi yavo vakolele po okukwata ekonomwiso lyasunguluka Lyembimbiliya kwenda vo ekalo liwa. Pole Yesu watulekisa okuti ovimuka vyosi vyakala vyositu cilomboloka okuti: kavayukisiwile lEsipilitu Likola. “Cimwamwe citava cilipitulula–Vakwaklistu yokulava oviholo citava vo vakala Vakwasitu.

Lesumwo lyalwa etali omanu otembo yosi valuluvala lika kolumwilo lwoviholo ale lwelyanjo,”. Uwa wakwakulava oviholo wowu okuti vakwakulava oviholo vakwete ombuwe yokucichapo. Ndañgo lolonduko evi Vyembimbiliya “vakwasitu ale vakwesipilitu” etu tuvilikihwi okukwata myoñgolōli yesipilitu. Etu nda tucilingila uwa wetumwele. Tukapiko eci Suku atuvangwisa Kuvangalatiya 6:7,8 NKJV: “... *momo così omunu umwe akula acovo akongula; U wosi okula vositu okongula vositu pole u wosi okula Vesipilitu okongula Vesipilitu omwenyo kopwi.*”

Omunu ukwasitu okwete onjongole yokukwama Yesu kwenda okulinga onjongole Yaye, apolepo eye katumbikile omwenyo waye wosi ku Yesu ale watumbikile yu atyukila vali konyima (Vangalatiya 3:3; Esitulwilo 2:4,5).

Eci cilomboloka okuti eye citava kakwete ukulihiso wekalo lyaye, oyongola okwenda ndomo Suku ayongola kwenda **vonjanja imosi** oyongola vo okulinga olonjongole vyayemwele. Pole caco eci kacendi akwetu. Okusula ko eye endela komwenyo wayemwele, volohōlo vyayemwele. Ndomo olusapo lucivangola: Kacitava okutalavayela oloñgala vivali: Lekalo eli citava Suku otuma Esipilitu Likola komunu waco? Tyaku 4:3 NKJV okumbulula ati: “*Ene upinga pole kahutambula momo upinga lāvi.*” Ame ndakwata elomboloko okuti eci cilomboloka okupinga lositu. Nda Suku watambolowale, nda katwatekwale lika epela lyetu? Kesulilo lyaco ovimatamata vye kongelo lyaco vyendela volohōlo vyavo. Kesitulwilo vatukwiwa “*vakalendehuya*” kwenda ku Mateho 25 vatukwiwa ati “*andundulu*”.

MEKONDA LYE YESU AVILIKIYILA EKONGELO LYOSITU ATI VAKALENDEWUYA?

Mekonda lye vakwaklistu valwa vakasi lekambo lyoseteko yEsipilitu Likola? Oco tutambulule epulilo eli, tete te twavanja kekalo lya Lahondiseya. Mekonda lye Yesu avilikiya vakwetavo lekalo lya Lahondiseya ati vakalendehuya? Eye watwiha onjiliko yalomboloka: “*Tala Ame nāhilili*

puvelo okutotola.” (Esitulwilo 3:20) Yesu kakalele vochakati comwenyo wavakwetavo ava, apolepo wakala kosamwa. Eye otayilili puvelo. Mekonda lye Eye kañgililile? Momo Eye kakovongiwire. Eye kakisika okwendela vonjila Yaye momo Eye osumbila elyanjo lyetu kwenda enölo.

Mekonda lye vakwetavo vacha po Yesu kosamwa puvelo? Kuli asunga aliyekala kwenda akoka eci; Vamwe vañgwalañgwala ñgo okukolela kovisimilo vyavo, komwenyo wavo wesipilitu ndusonehi Nikondemu, havyosiko Vyavakwaklistu vyolombolokele. (Linga ovihaso la Yohano 3:1-10). Kuvamwe “*ondando*” yokukwama Yesu yatila calwa, ovo vasukila okuchapo vyalwa ndumalehe “*owasi*” wolusapo (talavo Mateho 19:16-24. Okukwama Yesu cisukila okulitiñgula ovemente kwenda onjongole yalwa yokupongolola omwenyo (tala Mateho 16:24,25) Kwenda okulyeca kwaswapo ku Suku (Valoma 12:1) Okucha Yesu kosamwa kulingawa eci tukwata uchanyi wocili–ecivo cilingawa eci tukasi lekambo lyotembo wukamba la Yesu.

Ame ndicipitulula: Esunga lyukalendewuya Kesitulwilo 3:20 ali: “*Tala Ame nanyilili puvelo.*” Yesu kakasi vocakati comwenyo wavo pole otahilili kosamwa ale kulilo. Omolyaco, ukalendewuya ulombolola ekalo lyomunu la Yesu. Kesulilo lyalilongiso ava katusukila vali okutongeka vakalendewuya.

Olumapu lumwe: Umwe omunu citava otalavaya calwa kupange waye pole ivala ko ukäyi waye. Eye owalisa kupange waye pole lokalendewuya ivala ko ekisika lyaye wuwatepata. Omunu yumwe, citava okala ocimatamata calikapa ko vekongelo, eye citava okala usongwi wekongelo ale ungombo alemwele usongwi kwenda lopo okasi ukwa kalendewuya vukamba waye la Klistu.

Omunu waco olikapa ko calwa kovopange okuti ivala ko ukamba waye la Klistu. **Eci oco ukalendewuya Yesu ayongola okutukula.** Cesumwo lyalwa okuti omunu yumwe olikapa ko kupange wa Suku (kekongelo kwenda kupange wokusandeka ondaka) toke avala ko Ñgala yupange Waco.

OLUSAPO WAKWI AFEKO VALIPWA

Nye olusapo wa Yesu wakwi kafeko valipwa uyongola okutulekisa kweci catyamela kovimatamata vyositu kwenda vyesipilitu?

- ▶ Ekwi lyavo vosi valipwile po
- ▶ Vosi yavo vakwata atavo alipwa Embimbiliya
- ▶ Vosi yavo vakwatele olondiyelo
- ▶ Vosi yavo vakwatele Embimbiliya

- ▶ Vosi yavo valyongolola kokukasanga sandombwa
- ▶ Vosi yavo vavandekela kokwiya kwa Yesu evali
- ▶ Vosi yavo vapekeleleko
- ▶ Vosi yavo vayevea evilikiyo kwenje vapasuka
- ▶ Vosi yavo vapongiyile olondiyelo vyavo
- ▶ Olondiyelo vyavo vyosi vyatamele
- ▶ Vatito yavo valimbuka lika okuti olondiyelo vyavo vyakala okwima

Vosi yavo vapongiyile olondiyelo vyavo kwenda **olondiyelo vyosi vyatamele, apolepo olondiyelo vyatama vimāla ulela. Ongusu yafufwiwa yosi.** Noke lyokatembo katito afeko vamwe vatālo **valimbuka okuti olondiyelo vyavo vyakala okwima.** Olondiyelo vyaveke valipwa vyatamele ñgo okatembo kamwe vitulekisa okuti ovo vakwatele okanjongo kamwe kEsiplitu Likola. Pole kayatelele. Ovo vakwata ñgo okolela katito. **Eci oco cakala ocitangi.**

Eci vatālo vatyuka kokupa yu vapinga oco vañgile, Yesu wavakumbulula ati: **“Ame sakukulihili.”** Ovo veyā vacilwa calwa kokupa ulela, Esiplitu Likola. Epito lyatongeka okuhikiwa.

Yesu vocakati cocindekase eci yotulekisa okuti ukamba wetu womunu lomunu Laye ulingiwa lika lEsiplitu Likola. Wosi kacelela okwendisiwa lEsiplitu Likola kakalimbukiwa la Yesu. Ku Valoma 8:8,9 kupopya ati: *“Ava vakasi vositu kacitava vasanjwisa Suku ... Ndayumwe omunu kakwete Esiplitu Iya Klistu hawayeko.”*

Cilo, etu tukwete **lika** ukamba wocili la Yesu vocakati cEsiplitu Likola. 1 Yohano 3:24 kuvangula ati: *“Omolyaco vocakati ceci Eye (Yesu) okasi vokwete vocakati cEsiplitu una watwihwa Laye.”*

Eci cilomboloka okuti ekolelo lyokuyukisiwa lEsiplitu Likola lyeli okuti vonjanja imosi ame ñgasi mu Yesu kwenda-vo Yesu okasi vokwange.

Eyi oyo-vo oseteko yumwe manji akwata, umwe walinga onepa ka 40 Koloneke Yelombelo. Vocakati cemoleho lyEsiplitu Likola vomwenyo waye eye waseteka ukamba vonjongo itela kwenje vakwavo vamōla epongoloko vomwenyo waye. Yumwe manji yukāyi ko Alemanya Yokombwelo wasoneha eci, noke lyokutanga ocikongamela eci: *“Kumosi locikongamela 40 Koloneke Yelombelo kwenda Ocipama Cokulipongiyila Okwiya Kwavali kwa Yesu casonehiwa la Dennis Smith kwenda ocikongamela eci calunga okukala esumuluho linene ndalavoka osimbu vomwenyo wange. Ndomo vakwetu valwa ovimatamata vyekongelo likwavo kwenda manji yumwe yufeko vonembele yetu*

wasetekavo cimwamwe, cimwe cavaliwa vekolelo lyetu kwenda kaliye etu tukwete ombuwe yokuseteka ndomo Yesu aňgila vomwenyo wetu okufetika okutupongolola. Eye yohotalavaya vokwetu kwenda kamwe kamwe okasi okutunālela Kokwaye.”²⁶

Manji yumwe yulume wasoneha eci: “Ocikongamela *Alyanga Andisa Ketumbululo Lyomunu Lomunu* camongolola ocili. Onondovitwe yakwi kafeko valipwa kwenda okuvelapo vali Kuvaloma 8:9: ‘Omolyaco, ndayumwe kakwete Esipilitu Likola waco hawayeko yambeta calwa kutima. Ocipikipiki ndalimbuka okuti sacikolelelele nda ndakwatele Esipilitu Likola kwenda vo nda Eye watalavaye ale vokwange, momo lesumwo lyalwa sakwatele ‘apako’ asukiliwa vomwenyo wange. Vesambata eli kekumbi ame ndamāla okutanga ocikongamela kwenje esumwo limwe linene lyambeta kutima. Kwenje ame ndatanga elombelo kemela 118 kwenda onjongole imwe inene yambeta oco ndifetike okukwata Esipilitu Likola, oco okuti utima wange upongolwiwe kwenda Suku Isya amongolole vunāvo lonjongole yAye ... tupandula ocikongamela kwenda olondaka, vina vyandituňgunya calwa.” A. P.

Ohele inene Yavakwaklistu yositu yeyi okuti ovo kavakatambula omwenyo kopwi nda kavapongolwile ekalo lyavo. “*Omolyaco, ndayumwe kakwete Esipilitu Likola, waco ha Wayeko.*” (Valoma 8:9)

Kaliye oco tucivakevake pokati: Omoko yetepiso lyocili vocakati covimatamata vyekongelo vyesipilitu kwenda vyositu okukwata Esipilitu Likola. Vakwaklistu Yesipilitu vayukisiwa to lEsipilitu Likola. Ukwaklistu yositu kakwete ale okwete lika onjongo kayitela yEsipilitu Likola.

Anga ove walimbuka okuti ove Ukwaklistu yositu, ukayoko. Suku y’okwavela ocihemba cimwe: Esipilitu Likola.

Cimwamwe vo, olongavelo vimwe vyEsipilitu Likola vitukwawa; kwenda olonjanja vimwe kapuluvi amwe Esipilitu Likola lipembwawa opembwawa. Ņgala yetu wasoliwa atukwatise okupokola Ondaka Yaye Ikola, okuti katukapinyanyuha oku ale kukwavo.

26 O email yeteke 31 yosāyi Yelombo, vunyamo 2013

OLONDA VIKOMOHISA

Ndokopo yovava Atala

Ocikongamela *Alyanga Andisa Ketumbululo Lyomunu Lomunu* cikasi ndokopo yovava atalala yimula enyona. Nda omunu yumwe oyinywa yutulumwinya. Nda ovava aco apeseliwa ku wapekela akotuŋunya-ndongusu yolusu ale yo eletilisindandi. Mandula kusoneyi, ndipandula omo watumisa kekongelo lyetu ocikongamela eci. Amemwele ndopa ko asumuluho alwa kelivulu eli.

T. B. Catunda ko Pakistani, #80

Esipilitu Likola “komangu yangendisi” yipopela “kaponda”

Ame ndatanga *Alyanga Andisa Ketumbululo Lyomunu Lomunu* olonjanja vikwāla kwenda ndikayitanga vali olonjanja vivali. Yandisumulwisa cocili. Ame ndakunda esambata lyapita (ame nduhembi). Ame kaliye ŋgwete elyanjo lyokutanga Vembimbiliya kwenda kovikongamela vya Ellen G. White. Ame ŋgwete ekalo lyalitepa lyokaliye. Ame njongola Esipilitu Likola okutumāla komangu yange yangendisi. Nda ame ndacilingale ale kalima apita “aponda” aŋgami ame nda ndatilisa!

P. M. EE 210719 ko USA, #117

Ulela Vondiyelo

U wosi okwama olonumbi vyocikongamela *Alyanga Andisa Ketumbululo Lyomunu Lomunu* ocilikocili, okwete ulela usukiliwa vondiyelo yaye.

P. H. K. ko Alemana, #73

Tyuki kociseveto

Pandu pandu onjanja ikwavo omo watukwatisa okutyuka kociseveto!

J. S. 231113 omita, #97

*“Te nda olumbeta lwasikiwa
lomwe okalipongiyila uyaki.”*

(Vakolindyu 14,8)

Ovisimilo Vyomunu Lomunu kwenda Esongolo Lyapulilo

1. Cipi cikasi eko lyekambo lyEspililu Likola?

2. Kuli ovimuka vitatu vyomanu vyatepisiwa lekalo lyavo wukamba la Suku. Vipi ovituwa vyocimuka locimuka?

Omunu ukwalofeka: _____

Omunu ukwasitu: _____

Omunu ukwesipililu: _____

3. Omoko yipi yilekisa ocimuka ame ñgasi?

4. Mekonda lye cikwetele esilivilo lyalwa okulitumbika ku Suku?

5. Etepuso lipi likasi pokati kafeko vatālo valipwa vakwete olondunge kwenda afeko vatālo valipwa andundulu?

Epuluvi lyetu Lyelombelo

- Vilikiya ekamba lyove lyelombelo noke lisapeli vyonondovitwe.
- Lomba lekamba lyove lyelombelo ...
 1. Okuti Suku okakulekisi eci ene wasuki.
 2. Okuti ukwata utima wesipililu.
 3. Okuti ukwata unene wokulimbuka kwenda wokwecelela okuti umanu vakwasitu kepuluvi eli kwenda lombeli ekwatiso lya Suku lyepongoloko.

ELINĀLISO: EKONGELO LYATETE KWENDA EKONGELO LYOLOTEMBO VYASULAKO

Eci tulinga ovihaso vyekongelo lyatete lekongelo lyoloneke vyetu, etu tulimbuka okuti ekongelo lyatete lyachatele vali lomanu vesipilitu. Elivulu lyo Vilinga lilekisa okuti eli olyo esunga lyetumbululo lyonjanga yalwa. Ovo kavakwatele uloŋgo ukwavo. Ovo vakwata Esipilitu Likola. Etu tukwete ekwatiso lyalwa lisupa. Pole etu tukwete ekambo lyEsipilitu Likola.

Ivaluki eci A.W.Tozer apopya: “Nda Esipilitu Likola lyopiwa vekongelo lyetu etali, 95% yeci cosi tulinganga cikatongeka pole lomwe okalimbuka ekambo Lyaye. Pole nda Esipilitu Likola lyopiwa Vekongelo lyatete, 95% (cilomboloka okuti cosi) yeci cosi valingale cikalalama kwenda vosi vakalimbuka ekambo Lyaye.”²⁷

ANGA ETU TWALILONGISA OKWENDA LEKAMBO LYA LYESIPILITU LIKOLA? ANGA ETALI EKONGELO LYATUNGA VALI LAVAKWAKLISTU YOSITU?

Anga ndonima yekambo lyeci etu otembo yosi twahongwa ŋgo kwenda etendelo limwe linene kalikwete eyulo vomwenyo wEsipilitu? Anga ekalo lyakwaklistu yositu likwete ko cimwe leci cisukiliwa okuti cilingiwa? Mekonda lye tukwetele lika ekongelo lyahongwa okukula kolonele vyosi? Anga vyalwa ovitangi kolonele vyosi vyatunda kovituwa yavakwaklistu yositu? Etu tukatondongola vali okuti ovitangi vyomunu lomunu kwenda vyavosi vitunda kekambo lyEsipilitu Likola. Vokulinga onepa yomunu lomunu citava okucitetulula lonjanga, lekwatiso lya Suku.

Omita ikasi kovaso yikovonga angombo lomanu vosi. Johannes Mager wapopya: “Pahulu otepisa pokati kavakwaklistu yositu kwenda Yesipilitu, pokati kavana vayukisiwa lEsipilitu Likola kwenda vosi vana kavakwete vovitima vyavo ocitumālo cEsipilitu Likola vomwenyo wavo: Vapapatisiwa lEsipilitu Likola, pole kavayukisiwile lEsipilitu Likola.

27 Dr. S. Joseph Kidder, *Anleitung zum geistlichen Leben* (Univesity Andrews), PPP Folie 2

Ku wosi okasi ungombo eci cilomboloka okuti: Ame citava ndikwata elilongiso lyamako lyotiyolonjiya, citava ndivangula alimi asonehiwa lavo Embimbiliya kwenda nela ekisanjesi (ukulihiso weca asempi kolomita vyembimbiliya); Ame citava nambula ocili cinene cukulihiso wembimbiliya kwenda elomboloko lyalyo kwenda ñgwata ekolelo koviholo vyotiyolonjiya vyovita kalima aliyekala apita. Ame citava ñgwata ongusu yalwa yukulihiso wo homiletika kwenda ndilongisa olohundo vyamako vyocili – andi lopo akulihiso lolongavelo vyange vyosi citava lopo sikwata Espilitu Likola. Alivulu, alilongiso, ovikwata viwa vyelilongiso lyamako, ndaño okalisma (ekalo lyokunāla vakwetu) vyosi evi vikasi okupiñganya omwenyo umwe wayukisiwa lEspilitu.

Okukunda, okulomba kovaso yomanu, okutongeka okupongiya omwenyo wekongelo, okupongiya ovolala vesapulo, okweca alungulo kangombo–vyosi evi citava tuvililongisa kwenda tuhakapa ko lekambo lyEspilitu Likola. Ellen G. White walombolola olohele vyeci cosi ndomo: “Esunga tukwetele ñgo onjongo itito yEspilitu lya Suku lyeli okuti angombo valilongisa okulinga ovina evi vyosi lekambo lyayo.”²⁸ Ndomo elilongiso lyatete likwete esilivilo kwenda ulala wetongeko welilongiso lyohundi yikwetevo esilivilo otembo yosi, cesilivilo povali kokwavomwele okuyukisiwa lEspilitu Likola otembo yosi.²⁹

Okuciteta onimbu: Okukala ukwasitu cilomboloka omwenyo umwe wokulinga cosi volohōlo vyomunu lekambo lyEspilitu Likola, ale okukwata ñgo vomwenyo onjongo itito yEspilitu Likola.

NYE CITATEKA POVALI VAKWAKLISTU YOSITU?

Ocisila cinene Cembimbiliya–cokusola unyāli wove, cokwecela ukwene kapyonyo osi, okuyula ekandu kwenda vikwavo–vyosi evi vitelisiwa lika lunene wEspilitu Likola, ha lolohōlo ko vyomunu. Eci citulombolola okuti ocitangi comwenyo wavakwaklistu yositu cikasi vomwenyo umwe ukasi okukolela volohōlo vyositu. Etu katutela okulinga onjongole ya Suku

28 Ellen G. White, *Ovovangi Okekongelo*, elivulu 1, (1868), p. 383.1

29 Johannes Mager, *Auf den Spuren des Heiligen Geistes* (Okukwama Alyanga Espilitu Likola), (Lüneberg, 1999), S. 102-103. Johannes Mager wakala yumwe ungombo, ngambati yesapulo kwenda hundi yesapulo liwa ulongisi umwe yotiyolonjiya sistematiiki valima alwa. Vupange waye wasulako watalavaya ndusonenyi ndo ministeliyali Etepisio lyoko Aflika - Ulopa (cilo itukwiwa: Etepisio yoko Ulopa Yocakati) ko Mbeleni, Swasilandya.

volohölo vyetumwele. Tutangi otulomita otu Twembimbiliya vonondovitwe eyi:

Isaya 64:6 NKJ: “*Kwenda asunga etu osi asokisiwa ndovinyaña vyumbondo Velasi ati (asunga etu osi asokisiwa ndosonde yukäyi okasi vocituwa ale vofuko).*”

Yelemiya 13:23 NKJV: “*Citava he Ukwetyopya opongolola ekova lyaye, ale ongwé avala aye? Ocovo anga ene utela okulinga wiwa, waki okulinga v`ivi.*”

Esekiyele 36:26-27 NKJV/ESTY: “*Ame ndikakwihi utima wokaliye kwenda esipilitu lyokaliye ... Ame ndikakapa Esipilitu Lyange vokwene kwenda likakwendisi kovisila vyange, lene ukalava ovisila Vyange kwenda okuvikapa ko.*”

Valoma 8:7 NKJV: “*Momo ocisimilo cositu calitamaläla la Suku: Momo kayipokola kocisila ca Suku, **ocilimwele kayicitela.***” Kepitiyo NIV ati: “*Ocisimilo cavyaliwa lositu cilinga esepa la Suku; caco kacipokola ocisila ca Suku, **ocilimwele kayicitela.***”

Ellen G. White wacilombolola ciwa kwenda ococo mwele: “Wosi yuna okasi okusanda ovaylu volohölo vyayemwele okulava ocisila, yo oseteka eci kaciteliwa. Omunu kakapopeliwa nda kapokwile **pole epokolo lyaye kalilingiwa leyemwele; Klistu te watalavayela vokwaye, nda kokulinga nda kokusola onjongole Yaye iwa.**”³⁰

Ame ndisima okuti olomita evi vitulekisa okuswapo okuti etu katucitela okulinga onjongole ya Suku lekambo lyEsipilitu Likola. Esakalalo lyetu levi vyosi oku’sapwili okuti otembo yosi tusukila okulinga enölo lyokulinga onjongole ya Suku, Suku Eyemwele okatwiha ongusu yokucikapako eci. Elomboloko eli lyelilongiso lyesunguluko vocakati cekolelo, lyesilivilo lyasumbiwa kwenda lyeyovo. Apolepo kacitava okuvinyanyumula kulo.

NYE NDA CILIPITA ECI YUMWE ASETEKA OKULINGA CIMWE CIPITAHÄLA OLOHÖLO VYAYE?

Ceci cilipita eci ame ndilimbuka: Ame sitela okulinga eci! Ame ndalweya onjanja ikwavo! Oloseteko evi olonjanja vyalwa vikwamäwa lasumwo.

Ame ndisima okuti ocitangi eci cachata vali kamalehe ambi kakulu. Ovikele vyakulu ndeci okutata epata, alilongiso omäla, ovopange avo asole okuvateywila calwa kokuseteka evi. Omolyaco, kacalelukile ovo okuseteka

30 Ellen G. White, *Review and Herald*, July 1, 1890

apungunjumbwa aco ndamalehe, pole ovitangi vyachata kakulu kwenda k'amalehe. Amalehe valekasa vali eci. Okwendela vomwenyo wekolelo wolohōlo vyavomwele oco ocitangi cachata Kuvakwaklistu yositu vosi, nda vacikuliha eci nda kavacikulihile eci oco ocitangi cachata.

Ndamupi etu tuseteka okutetulula ocitangi eci? Yumwe omunu citava olomba longusu yalwa okupinga ekwatiso lya Suku kwenda onōlapo okuseteka longusu yalwa. Omunu ukwavo citava osima okuti sipingi eci capitahāla olohōlo vyange. Kaliye eye ofetika okulinga ovina lepwelele, okupitaņgo kilu kwenda lelyanjo lyapitahāla. Andi ukwavo ochapo ekolelo lyaye lyosi kwenda citava oliyeva vali velyanjo. Ocitangi ceci cimosi lika okuti atetiyo ava ahociliko, momo onima yaco yikeya mwele lonjanga ale noke. Onjila yasuņgama okukwata ocisila ca Suku locili calwa, momo vyaciwa lo cisola kwenda aciwila uwa wetumwele. Ocilikocili etu oco tucisokisepo tusukila unene wa Suku. Onjila yasuņgama okukala lunene wEsipilitu Likola lesanju lyalwa, lonjongole, longusu, lapako kwenda eyulo.

OCITANGI CAPYĀLAPO

Ame ndisima okuti etu twacilimbuka okuti eci cachata okukala Vakwaklistu yositu. Kacalombolokele mekonda lye Yesu kayongola oloņgwame vyokalendewuya? Ovo kavakwete omwenyo wepwiti ndomo Suku atuyongwila kwenda ovo vakasi ongangu ivi yokukwama otembo yosi, nda vacikuliha nda kavacikulihile eci ovo vakasi ongangu ivi. Ocitangi eci cilinga usumba nda kawacikulihili. “Vakwaklistu vasumwa vāvi, vapyalāpo olondingāvi; momo olondaka vyavo vyuhembi kwenda ekalo lyavo lyetatahayi vokulitumbika lipinyanywisa valwa”³¹

Velivulu *Christ our Righteousness (Klistu Esunguluko Lyetu)* lya Arthur G. Daniells etu tutangako eti: “Pole ekisika (formalism) lyapyalāpo vali kwenda cinyōla. Eli oloye ewe lyasalamiwa tunde kolotembo vyapita, ayo kayisimiwa yina okuti vokupita kwalima ekongelo lilipundokako ciwa. Pahulu otulungula: “Lesetahālo lya Suku pole vakasi lekambo lyunene wa Suku, cikakala vo olohele vyoloneke vyasulako kwenda otulungula okutila kakalo ava enyelelo kovina vyuwanga (okuliloha / okulilyangula).”³²

31 EGW Letter 44, 1903, copiwa *Kesembi Lyembimbiliya Lyondeve*, elivulu 7, p. 963 on Rev. 3: 15,16

32 Arthur G. Daniells, *Christ our Righteousness*, p. 30, *Christus unsere Gerechtigkeit* (Hamburg 1962), S.20

VIMWE VISONGWILA KOMWENYO WAKWAKLISTU YOSITU

Ovipito ale asunga ava ovo akasi ovina vina vitava visongwila kekalo lya Vakwaklistu yositu:

Ovina evi ovyo vikoka ale ovyo esunga lyekalo Lyavakwaklistu yositu:

1. **Onumbi yukulihiso**—Etu katwakapele ko etumwele eluluvalo litela konondovitwe “omwenyo lEshipilitu Likola“ ale etu katwasangele osapi yokucikapako.
2. **Ekambo lyekolelo ale Ekolelo Litito**—Ekisika lyatete oco tuyukisiwe lEshipilitu Likola, cikasi okutumbika omwenyo wosi ku Yesu Klistu. Ekambo lyokulyeca kwetu olumwe kulipita ñgo omo lyekambo lyukulihiso, ale citava mekonda lyusumba wetu wokusongwiwa la Ñgala lelitepo lyachata. Cilomboloka okuti etu katwakolelele calwa kocisola kwenda kukulihiso usule wa Suku.
3. **Akulihiso Apenga**—Omunu yumwe citava osima okuti weyuka to lEshipilitu Likola, otembo yosi kavasokolola okuti kavakwete ale eci vakwete kacitela. Ecivo cisoale okumwiwa ndocitangi cachata.
4. **Okukala lupange Walwa**—Omanu vasima okuti veyuka to lovikele okuti kavakwete ndañgo kamwe ale otembo itela yukamba umwe la Klistu. Ale ovo vakwata mwele otembo, pole kavakuli velitokeko la Suku.
5. **Akandu Asalamisiwa**—Ekandu katwalitavelele kwenda katwalikekembele, pamwemwele lyavaliwa okulicha-po, citava likala ndulilo umwe, cilomboloka vo okuti kakuli elitokeko lalimwe lunene wa Suku.
6. **Usumba Womanu**—Omunu yumwe citava oyuka to loviholo vyolotembo vyaye okuti kakwata vali ongusu yokukapa ko alilongiso ekolelo.
7. **Okulinga vyosi okuvityamisa kovisimilo vyaye**—Ondaka ya Suku yipopya ati: “Ondingesunga yikasi vekolelo.” Ame ndilinga ovina okukolela kovisimilo vyange ale ndomo Suku ayongola? Olondaka evi vya Roger Morneau ocilikocili vyambeta kutima: “Ovilulu citava visongola omanu okukolela kovisimilo vyavo ambi kondaka ya Klistu kwenda kapolofeto Vaye. Kakuli onjila yavelapo ndeyi okuti ovilulu vikwata esongolo lyomwenyo womanu vekambo lyovo okucikuliha ndomo caco cilipita.”³³,

33 Roger Morneau, *Ungende umwe kwevi Havyeluliko ko*, Review and Herald 1982, p. 43

MEKONDA LYE AME MINGILA ESIPILITU LIKOLA? NDA AME NDACITAMBULA ALE VETEKE LYANGE LYEPAPATISO. OCO LOPO TE NDAPINGA VALI?

Cikulihiwe okuti Esipilitu Likola lyaciwa kokwetu oco litunge vo vokwetu. Oco atongeke vokwetu etu tusukila okupinga otembo yosi Esipilitu Likola vocakati cekolelo. Ndamupi tutela okutetulula emolehiso eli lyekatanga?

Tetemwele:

Yesu wapopya ku Yohano 14:17 NKJV: “*Momo Eye [Esipilitu Likola] likasi lene kwenda okakala vokwene.*” Ovilinga 2:38 NKJV Kupopya vo: “*Likekembeli, kwenda enevosi papatisiwi ... noke ene ukatambula ocilumba cEsipilitu Likola.*”

Cikwamako:

Eci Yesu alongisa kweci catyamela kelombelo, Eye wapopya ku Luka 11:9-13 (NKJV) “... *pingi, kwenje cikakwihiwi; ... Isya yokovaylu kavelelepo ene okuti okaca Esipilitu Likola kuvana vosi vopinga!*” Efesu 5:18 “*Yukisiwi lEsipilitu.*” Kolonjanja vyosi velimi Lyelasi omita yikasi ati, tongeki okupinga.

Etetiyo:

Ellen G. White wapopya: “Andi upange wEsipilitu otembo yosi wendela kumosi locisonewa. Cikale vekalo lyomunu, cikale komwenyo wesipilitu. Omwenyo weluliko wutekwiwa epuluvu lepulu lunene wa Suku, ndaŋgo lyoco kayitekwiwa locikomo citunda kovaylu, pole lasumuluhu akasilili ombwendo yetu. Cimosi aco lomwenyo wesipilitu, utekwiwa vo vokukapa ko ovina vyapongihwila tete. ‘*Nda oŋgwame ya Klistu iyongola okukula toke ocitunga casoka, ocitunga calipwa ca Klistu*’ (Efesu 4:13), oyo te yalya ombolo yomwenyo kwenda te yanywa kovava esumuluhu. Eye te olawulula, olomba kwenda otalavaya kovina vyosi, eye te wakwata utate wokuvikwamisa londaka ya Suku.”³⁴

Etu twatambula omwenyo wetu pokucitiwa. Kaliye oco tutekule omwenyo waco etu tusukila okulya, okunywa, okulisenga-senga, kwenda vikwavo. Cimosi aco lomwenyo wetu wesipilitu. Etu twatambula Esipilitu Likola vocakati cepapatiso lyetu vocakati covava kwenda Esipilitu (“eci

34 Ellen G. White, *Ovilinga vyApolofeto* (1911), p. 284.2

twacitiwa evali”) oco vo omwenyo wetu wesipilitu utongeke vokwetu, vomwenyo wetu wosi. Oco tutekule omwenyo owu, cisukila okukapako evi Suku atupongiyila: Esipilitu Likola, Ondaka ya Suku, elombelo, ovovangi etu, vikwavo.

Yesu wapopya ku Yohano 15:4: “*Kali vokwange, kwenda Ame vokwene*” Ellen G. White okupopya kwevi vyatyamēla kweci: “Okukala mu Klistu cilomboloka okutambola otembo yosi Esipilitu Lyaye kwenda omwenyo wokulyeca olumwe kupange waYe.”³⁵

Olyo esunga etu tusukila okupinga eteke leteke Esipilitu Likola kwenda okulyeca etumwēle ku Ŋgala omēle lomele la cosi tukwete kwenda tukasi.

PI NĀYILILI?

Kaliye cesilivilo povali okukuliha ocimuka ame ŋgasi. Pi ame nayilili?

Eci ina yange akwata 20 kalima wakumbulula epulilo lyulume umwe volondaka evi ati sikwete onjongole yovina vya Suku. Eye yu wopula: Nda etali luteke kufa waveta onjo yove he? Olondaka evi vyoveta calwa kutima. Pole vyokwatisa calwa. Eci cowendisa kokulinga enōlo lyaye ku Yesu kwenda ekongelo lyaYe. Pamwe epulilo eli likakukwatisavo:

*Sokolola...nda etali ove ofa ...! (luveyi wutima? leponda? luwanga)
Oco he ove okakwata omwenyo kopwi la Yesu Klistu?
Ukatongeke latatahāyi.*

ESANJU LYETU LYATAMBA KWECI

Ame mba candisalwisa calwa eci ndafetika okukwata elomboloko lyunene wocitangi eci. Ame ndasima kwenda ndacilombela nda ndivokiya ale syo omita eyi. Ame yu ndanōla-po okucilinga osimbu eci cikasi onondovitwe yesanju lyomwenyo wokaliye kwenda omwenyo wenda hu kwenda-vo esilivilo likwete volowela, kapata cikale vekongelo kwenda kovitumālo ovopange etu. Ame sakulihili u okasangiwa leci. Pole ame njongola okukwatisa omanu vakwete ekambo lyeci, ndomo caŋgwatisa-vo. Cesilivilo lyalwa okuti wosi ukwasitu te watetulula ocitangi eci ale eye kakatela okupinga ekwatiso lya Suku lyokupongoloka. Suku vocisola caYe oyongola

35 Ellen G. White, *The Desire of Ages* (1898), p. 676.2

okutuyukisa la sumuluho Aye vocakati cukamba wocituke la Yesu Klistu vocakati cEsipilitu Likola. Kwenje ndepako lyaco ekambo linene citava litepulwiwa kwenda citava okuti asumuluho kahatendawa asetekiwa. Eci cikomohisa vali ceci okuti lekwatiso Iya Suku tukwete etetulwilo lyonjanga lyovitangi evi. (Oco okwate elombolwilo likwavo tala komitulwilo 3 kwenda 5)

Ocitangi cakwaklistu yositu calombolwiwa volonjila vyaliyekala Kembimbiliya. Ocimuka locimuka lekalo lyayo lyaliyekala, pole ocitangi cavosi cimwämwe. Alolombolwilo avo aliyekala ava:

- ▶ **“ukwasitu ale ukwaloñgeyi vyetimba”**–Valoma 8:1-17; 1 Vakolindyu 3:1-4; Vangalatiya 5:16-21 kwenda olomita vikwavo.
- ▶ **“aveke ale andundulu”**–Olusapo wakwi kakäyi valipwa–Mateho 25:1-13 “Ekalo Lyekongelo lyasokisiwavo nda käyi valipwa andundulu lyasokisiwa vo ndekalo Lyukalendewuya.”³⁶
- ▶ **“Ukalendewuya”**–Ukanda woko Lahondiseya Esitulwilo 3:14-21 “Ame ndukuyongwila ombambi ale okutokota” (Esitulwilo 3:15) kacikomohisa eci? Yesu onölapo ombambi ale okutokota ambi ukalendewuya. Esunga Iye anölapo eci? “Isya onöläpo olondingävi ambi Vakwaklistu vasumwa; momo olondaka vyavo vyuhembi kwenda ekalo lyavo lipinyanywisa valwa. Uhembi ulekisa akova ayo. Vakwaklistu Yombambe vo valinga cimwämwe. Eye uwako ocilikocili, ukwalwaliko wocili kwenda vo ukwaklistu ko wocili. Satana ufufula oco alinge upange una okuti lomwe vali otela okuwulinga.”³⁷
- ▶ **Kacitiwile “evali” ale kasilepo ocituwa caye**–Yohano 3:1-21 “Okucitiwa evali cikasi oseteko imwe kayacatele kotembo ilo yolwali. Eli oIyo esunga lyakatanga alwa vakongelo. Vatito kwenda vatito calwa vambata onduko ya Suku pole ovo kavakolisiwile kwenda kavalitepele; Ovo vapapatisiwa pole vakendiwa lomwenyo. Ohame kayafile, omolyaco ovo kavachitiwile evali komweyo wokaliye mu Klistu.”³⁸
- ▶ **Esetahälo lyuwa**–“Vakwete esetahälo lyuwa pole valikala unene waco.” (2 Timoteho 3:5) Lutule G. Daniells opopya kweci catyamela kwevi ...” Pole Ociholo (Formalism) cimwe cinyelisa kwenda cinyöla calwa.

36 Ellen G. White, *Review and Herald*, Aug. 19, 1890

37 Ellen G. White, Letter 44, 1903, vyopiwa *Kasembi Embimbiliya Lyakwelavoko Lyepandu Vali*, elivulu 7, p. 963 on Rev 3:15,16

38 Ellen G. White, MS 148, 1897, vyopiwa *Kasembi Embimbiliya Lyakwelavoko Lyepandu Vali*, elivulu 6, p. 1075, Many buried alive

Calisalama ohele imwe kayisimiwa, ina isole okusalwasa okunyānyōla ekongelo olotembo vyosi vokupita kwovita vyalima. Pahulu otulungula ati ‘vakwesetahālo lyuwa’ (2 Timoteho 3:5) lekambo lyunene wa Suku [ekambo lyokuyukisiwa [Esiplitu Likola] vikakala vo vimwe kolohele vyoloneke vyasulako kwenje watulungula okukwata utate leci, ocituwa cokulikembisa ovemwele.³⁹

Kuli vali olondaka vikwavo vya Ellen G. White vyambeta kutima:

► **Vatito calwa**

“Vonjoyi yange ndavululi yumwe watalamela puvelo yonjo imwe yesilivilo lyalwa kwenje wapulale kuwosi weyilila okuñgila, watambula ale Esiplitu Likola? Ombweti imwe yomesalo yakala peka lyaye kwenje vatito calwa vaceliwa okuñgila Vonjo.”⁴⁰

► **Layumwe pokati kakwi avali walipongiya**

“Elungulo limwe lyesumbilo lyalwa ame ndalinga kekongelo, okuti layumwe pokati kakwi avali kwava vasonehiwa valivulu akongelo, walipongiya okutelisa ocisipulwi caye vongongo, vakasi ndavana kavakwete Suku kwenda kavakwete elavoko volwali vakasi ndolondingekandu vyachata.”⁴¹

► **Mekonda lye tusuñgilila calwa?**

Mekonda lye aswalāli a Klistu vasuñgilila calwa lokukala ñgo? Momo ovo vakwete elitokeko litito la Klistu; momo ovo vatokoka ko kEsiplitu Lyaye.”⁴²

► **Ohele imwe inene**

“Ame sikakala vokanepa katito kamwe komwenyo; pole kuli ohele yapyālapo vyosi–ohele imwe kayalombolokele ciwa–okucilwa okutava kondaka yumbombe yEsiplitu Likola lya Suku, pokunōla po omwenyo wekandu; momo ovohembi aco achata.”⁴³ Lipi eko lyekandu? “*Momo ovo ocilikocili kavakolelele kokwAnge.*” (Yohano 16:9) Ondimbu yocili yokumaha okuti etumwele tukolela kwenda tutava Yesu, okulyeca kwetu olumwe kokwaYe. Eci cilingiwa vokulyeca kwetu olumwe; Elipongiyo lyetu lyokukwama kovina vyosi.

39 A. G. Daniells, *Christ our Righteousness*, p. 20

40 Ellen G. White, *Selected Messages*, vol. 1 (1958), p. 109.2

41 Ellen G. White, *Christian Service* (1925), p. 41.1

42 Ellen G. White, *The Great Controversy* (1911), p. 507.3

43 Ellen G. White, *Selected Messages*, vol. 1 (1958), p. 109.2

Ame njongola okupitulula eci onjanja ikwavo: Ame njongola okukwata ombuwe yepulvi eli, okuvokiyako lomita eyi yesilivilo lyalwa momo eci cikwatela esanju lyetu lyomunu lomunu volwali lulo kwenda komwenyo kopwi. Ecivo ocina cimwe cesilivilo lyalwa ndomo twendisavakwetu, capyalā vali volowela vyetu, vapata etu, vimbo lyetu kwenda vakongelo.

APULILO KWENDA APULILO VALI

Epulilo lyavelapo osi lyeli: Ene wayukisiwi lEsipilitu Likola, ale cho? Vipi vyatete visukiliwa? Api apako ataviwa vomwenyo lEsipilitu Likola?

Vipi vilipita eci ame lokulweya ndisima ati ndeyuka to lEsipilitu Likola?

PANDULI OLONDIMBU

Panduli Ņgala momo etu twanōlapo eluluvalo lyonondovitwe yetumbululo. Ame ndisima okuti Suku yetu unene kwenda wocikomo okwete asunga esilivilo vokulekisa okweca kokwetu onjongole yetumbululo vocakati cEsipilitu Likola. Citava okuti ava vakala asunga?

- ▶ Eye oyongola okutumbulula kulema wetu kwenda okutupa vekalo lyetu lyo Lahondiseya.
- ▶ Eye oyongola okutupaŅginyila okwiya kwa Yesu evali kwenda epulvi lyaposoka, apahandi lyokwiya kwaYe.
- ▶ Eye oyongola okutusongwila kwevi vyatyamela ketumbululo linene lyamako (Esitulwilo 18:1-2) volwali vocakati “*cavana valava Ovihandeleko vya Suku kwenda vakwete Uwanji wa Yesu Klistu*” kwenda “*vakwete ekolelo Iya Yesu*” (Esitulwilo 12:17 NKJV).

Tupanduli Suku momo vosi vakwaklistu yositu citava vakala vakwaklistu yesipilitu. Kwenda vo, vosi vakwete Esipilitu Likola vomwenyo wavo citava vakulila mu Yesu toke valichetahāla laYe. Eci oco cikala upange wetu kovaso, kulo kukasi oseteko ikwavo tusula layo omitulwilo eyi:

ONJONGOLE YOKALIYE KWENDA ESANJU LYOVUTIMA

“Manji yumwe yukāyi vekongelo wanyiha ocikongamēla *Alyanga Andisa Ketumbululo Lyomunu Lomunu*. Olonondovitwe vyocikongamela vyambeta kutima. Ame ota ndacisinja osimbu eci, kwenda etali ndacisiŅga. Omolyaco ame ndafetika okwangiliya omwenyo wange wesipilitu noke ame ndalimbuka okuti Ņgwete cimwe ndisukila okulinga: Ame ndaca cosi cange

ku Yesu. Okupisa opo Ñgala wamasola olomele vyosi kwenda wanyiha epuluvu lyovipama vyange lomele. Eteke leteke ame ndatangale omitulwilo imosi yelivulu 40 Koloneke. Ame ndalimbuka ciwa okuti ukamba wange la Yesu wakula cocili calwa. Calinga cocili calwa kwenda cukamba wocituke. Esipilitu Likola lyatalavaya vokwange. Noke lyelivulu 40 Koloneke ame ndatanga elivulu lyavali la 40 Koloneke. Tunde opo ame ndatanga alivulu ava osi olonjanja vikwāla. Ame salatela okulinga vyosi pole eteke leteke ndapingale ukamba wange la Suku. Apako aco akomohisa, momo onjongole yange yokaliye kwenda esanju lyovutima kayasalamisiwile vali. Otembo yosi eyi ame ndakwata ombuwe yoloseteko vyalwa la Suku. Amevo ndasandale apuluvu okulyohela oloseteko vyange lakwetu. Ukamba umwe wocituke la Yesu ukoka ekambo lyesilivilo lyovina vyosi, asakalalo osi atetulwiwa. Ame ndavoka kwenda ndilomba oco okuti omanu walwa vakwate oseteko eyi ame ndakwata, ombuwe yokukwata eci.” H. S.

OLONDAKA VIKOMOHISA

Esipilitu Likola: Cavelapo olongavelo vyosi

Eye [Yesu] wayolela omo lyekwatiso lyalwa Eye apongiyila ekongelo lyaYe. Esipilitu Likola likasi ongavelo yavelapo vyosi Eye apinga ku Tate yaYe oco owiñgi waYe utumbangiwiwe.

(Ellen G. White, *Desire of Ages*, p. 671. 2; *Usoliwi Wapata* emela 671.2)

Atatahāyi kahakwete asunga lahamwe

Ame ndatambula *Alyanga Andisa Ketumbululo Lyomunu Lomunu* ko Swedish volosumanu vitito vyapita kwenda ame ndiyisole! Ame ndiyitanga onjanja yatatu. Ame sikwete atahāyi okuti elivulu eli lyasongwiwa ocilikocili lEsipilitu Likola. Tunde kunyamo 1960s elivulu ndeli kayakulihwiile ko Sweden. Kotembo yaco yumwe ungombo wamāla okulilongisa watukwiwa Arazola wasoneha cimwe calichetahāla, pole kayopale atatahāyi alwa kwenda kayamālāle asunga osi. T. J. EE100319 ko Sweden, #93

Omwenyo wange wapongolwiwa wosi

Ndona yange lame twatanga o e-book lyove *Alyanga Andisa Ketumbululo Lyomunu Lomunu*. Ene Esitulwilo lya Suku ndati kwenda ongsusu ndati! Etu twandisiwa, twasumulwisiwa kwenda twasindiwa. Omwenyo wange wosi wapongolwiwa. Ndapandula. Etu tuyongola apata etu kwenda ofeka yetu ilo yo Aflika Yokombwelo okukwata alivulu ava. Valwa vavo kavakwete epondolo lyokuñgila vo internet kwenda e-books (alivulu ovikwata vyotekinolonjiya). Ndamupi etu twenda leci?

EE200619 LB voko Aflika Yokombwelo, #87

Esanju lyepongoloko

Ame, ocilikocili ndinyamula epongoloko likasi okupita kwenda ñgwete vomwenyo wange vocakati cocikongamela *Alyanga Andisa Ketumbululo Lyomunu Lomunu*. Mandula upanga unene wavelapo Esipilitu Likola likasi okulinga vomwenyo wange. Olonjila viñgi-viñgi vyokweca uvangi vyahikwiwa lEsipilitu Likola. Ovitwava vyosimbu vyanda kupāla.–Ame kolohundo vyange ndisole okufufula esapulo lyatete lyolohundo vya Dwight kweci catyamela kEsipilitu Likola kwenda ndisole okumōla omanu okutumbika omwenyo wavo ku Yesu, vocakati cEsipilitu Likola. [Olohundo 3 vya Dwight Nelson vyokuyukisiwa lEsipilitu Likola visañgiwa ko–www.steps-to-personal-revival.info]

Umwe manji mu Ñgala wapongolwiwa. C. H. EE300119 vyoko USA, #85

“Omolyaco, u wosi oyeva olondaka evi vyange kwenda ovikapa ko, osetahāswa ndulume ukwalondunge una watunga onjo yaye kilu lyewe.”

(Mateho 7:24)

Ovisimilo Vyomunu Lomunu kwenda Esongolo Lyapulilo

1. *Cipi ocitangi catete cavakwaklistu yositu?*

2. *Nye cilipita eci etu tuseteka okulinga cimwe cikasi ocipāla colohōlo vyetu?*

3. *Vipi ovina vikoka ekalo lyavakwaklistu yositu?*

4. *Nye ndilombela Espilitu Likola, nda ndatambula ale eci ndapapatisiwa?*

Epuluvi Lyetu Lyelombelo

- Vilikiya ekamba lyove yelombelo kwenda lisapeli vyo nondovitwe..
- Lomba lakamba lyove yelombelo...
 1. Oco okuti vosi yetu tuyukisiwa la Suku vocakati cEspilitu Likola Lyaye.
 2. Oco tukwate asumuluho a Suku okwenda kwetu laYe.
 3. Okupinga onumbi ya yEspilitu Likola otembo yosi.

OVITANGI VYETU VIKWETE ETETULWILO

*Lipi etetulwilo lya Suku lyovitangi vyetu?
Ndamupi tukula oco tusanjuka kwenda
tukale Vakwaklistu vapama?*

Yesu wapopya ati: “Kali vokwange kwenda Ame vo akala vokwene.” (Yohano 15:4 NIRV) “Okukala mu Klistu cilomboloka okutongeka okutambola Espililitu Lyaye otembo yosi, kwenda omwenyo umwe wokulyeca olumwe kupange Waye.”⁴⁴

Olonepa evi vivali vyetetiyo lya Suku lyovitangi vyetu vinene, vonjanja imosi vikasi vo onjila yomwenyo wesanju lya Vakwaklistu. Mekonda lye? Yesu wahandeka volondaka evi: “Ovina evi Ame ndakuvisapwili, oco okuti ocisola Cange citongeke vokwene kwenda esanju lyene liswepo.” (Yohano 15:11 NKJV). Vocakati calyanga ava avalali (etongeko lyokutambola Espililitu Likola kwenda okulyeca olumwe kupange waye) Klistu okala vokwetu kwenje eyi oyo onjila yesanju lyaswapo. Vakolosayi 1:27 Kupopya vimwe vyuwasi wulamba waco: Klistu vokwove. Eci kacikomohisa, okuti Yesu watwavela olusapo wovinya vocakati celikuminyo lyEspililitu Likola ku Yohano 14 kwenda upange wEspililitu Likola ku Yohano 16?

⁴⁴ Ellen G. White, *Usoliwi Wapata* (1898), p. 676.2

Cesilivilo lyalwa palo ceci okuti etu (ndocihandeleko) eteke leteke tusukila okulyeca olumwe ku Suku kwenda tweca ovina vyosi tukwete la vyosi watuwa, oco okuti etu vo eteke leteke vocakati cekolelo tutambula ombela yEspilitu Likola.

MEKONDA LYE CISUKILIWA ETUMWELE OKULYECA KU YESU ETEKE LETEKE?

Yesu ku Luka 9:23 wapopya ati: “*Nda yumwe oyongola okundikwama, alitiñgule eyemwele kwenda atikule ekulusu lyaye eteke leteke a ñkwame.*” Yesu wapopya ati okukala ondonge ocikele cimwe ceteke leteke. Okulitiñgula ovemwele cilomboloka okwecelela Yesu okulava vomwenyo wange wosi. Okwambata ekulusu kacilomboloka okuti etu tukakwata atateko ale ovitangi oloneke vyosi. Omita eyi, okulitiñgula ovemwele cilomboloka okuti: tuchapo ohame yetu tulyeca ku Yesu lesanju lyalwandomo Pahulu a cilombolola kweci catyamela kokwayemwele ati: “Ame ndifa eteke leteke.” Kotembo ya Yesu eci yumwe ambata ekulusu lyaye oco eye wasombisiwa okufa kwenda yo’songwiwa oku akapondiwa. Omolyaco eci cisetahalisiwa lovitangi vifetaka vokukwama Yesu.

Etu twatambula etimba lyetu vokucitiwa. Oco tutekule omwenyo wetu, oco tukwate ongusu kwenda uhayele etu si te twalya eteke leteke? Etu twatambula omwenyo wetu wesipilitu eci twacitiwa evali. Oco tutekule omwenyo wetu wesipilitu oco tukwate ongusu lu hayele cisukila okulava omwenyo wetu **eteke leteke**. Nda katwakapele ko eci vokwenda kwetu kwenda vo vomwenyo wetu wesipilitu, tuhongwa, cikoka okuvela ale kesulilo lyaco tufa mwele. Etu katucitela okulya onjanja imosi ondilwa yoloneke vikeya, lacovo katucitela okwongolola vosila Espilitu Likola.

Elivulu *Acts of the Apostles (Ovilinga Vyapolofeto)* lyeca alungulo ava: “Ndomo cilipita vomwenyo weluliko, acovo vomwenyo wesipilitu. Ovimwenyo vyeluliko vitekwiwa epuluvu lepuluvu lunene wa Suku; eluliko kalikasi okutekwiwa locikomo citunda kovaylu, pole lasumuluhho atwihiwa luwasi wasumuluhho etu. Omolyaco, omwenyo wesipilitu utekwiwa vokukapako ateku atupongiyiwila.”⁴⁵

45 Ellen G. White, *The Acts of the Apostles*, (1911), p. 284.2

Omita eyi *The Desire of Ages* (*Usoliwi Wolotembo Vyosi*) ocilikocili yambeta kutima. “Etu tusukila okukwama Klistu eteke leteke. Suku kaci etali kokwetu okulya kwahela.”⁴⁶

Ellen White wapopya ati: “Okukwama Yesu cisukila elitumbiko lyutima wosi pokufetika kwenda okucipitulula eteke leteke.”⁴⁷ “Nda twasokisapo lika elitumbiko lyomwenyo wosi veteke limosi lika apolepo katucipitulula oloneke vyosi, kacikakwata esilivilo lalimwe ...”⁴⁸ “Litumbika ovemente ku Suku omele lomele; eci cikale upange wove watete eteke leteke. Elombelo lyove likale: “Ŋgwate wosi a Ŋgala la vyosi vyanditamba. Ame numbika olongombo vyange kovolu Ove. Ndifufule kupange Wove etali. Kala lame ecelela ovopange ange okulingiwa vovaso Ove. Eci ocikele ceteke leteke. Omele lomele litumbika ovemente ku Suku keteke lyaco. Eca olongombo vyove vyosi kokwaye okulipolapo okuviyenja, okukolela katato Eye apongiyila Vaye. Ndepako lyaco eteke leteke ove okatambola omwenyo wove kovaka a Yesu kwenje omwenyo wove ukalichetahāla kamwe kamwe lomwenyo wa Yesu.”⁴⁹

Morris Venden wapopya ati: “Nda ove andi kwalimbukile esukilo lyokulyeca eteke leteke eci cikasi ukulihiso wavelapo vomwenyo wove. *Thoughts from The Mount of Blessing*, emela 101 (Ovisimilo Vyokolomunda Vyesumuluho vemela 101), kuli elikuminyo eli: ‘Nda ove osanda Ŋgala kwenda olitumbika kokwaye eteke leteke ... Aliyenja osi akapwa, ovitangi vyosi vikapwa, ovitangi vyosi vikasi okupitiwa cilo vikatetulwiwa.’”⁵⁰

Okutongeka la Yesu kulingawa vocakati cokulyeca eteke leteke kokwaye kukwete esilivilo limwamwe ndokulyeca Kokwaye onjanja yatete.

Morris Venden ocivangula vulelwo owu ati: “Ukamba wosimbu weteke leteke la Suku usongola kokulyeca kwenda hu epuluvu lepuluvu okutyama kokwaYe.”⁵¹

Etu citava tukulāpo okuti: Eci etu lomele ko tulyeca etumwele ku Yesu omele lomele, oco tukasi okulinga eci Eye atuyongwila okulinga, momo Eye wapopya ati: “*Enjwi kokwange ...*” (Mateho 11:28 NKJV) kwenda wapopya

46 Ellen G. White, *The Desire of Ages* (1898), p. 313.4

47 Editor Francis D. Nichol, *Esembi Lyembimbiliya Lyavandevu, elivulu 1* (Review and Herald, 1976), p. 1113

48 Ellen G. White, *Review and Herald*, Jan. 6, 1885

49 Ellen G. White, *Steps to Christ* (1892), p. 70.1

50 Morris Venden, *95 Theses on Righteousness by Faith* (Pacific Press, 1987), p. 96

51 Morris Venden, *95 Theses on Righteousness by Faith* (Pacific Press, 1987), p. 233

vo ati: "... wosi wiya kokwAnge Ame lalimwe eteke ndikonasila kosamwa." (Yohano 6:37 NKJV)

"Ñgala oyongola okutulingilako ovina vinene. Etu katukayula vocakati catendelo, pole vocakati cokweca olumwe ocimwenyo cetu ku Yesu. Etu yotwamamako vocakati congusu yaYe, okukolela ku Suku Tõlo ya Isaleli ..." ⁵²

Ekwatiso linene citava Suku alinga vocakati cetu te ñgo etumwele okutumbika cosi kokwaYe; ndomo calombolwiwa la John Wesley ati: "Suku citava olinga vyalwa lomunu umosi walyeca 100% kokwaYe ambi la'swalãli valume valyeca lika 99% ku Suku." ⁵³

Ellen White wasoneha: "Te lika vana vakala ekamba kupange la Klistu, te lika vana vavangula ati a Ñgala cosi ñgwete kwenda cosi ñgasi Cove", vakalimbukiwa ndomãla vakwenje kwenda ndomãla vafeko va Suku. " ⁵⁴ U wosi waca ocimwenyo caye, etimba lyaye kwenda esipilitu lyaye ku Suku eye lika okatambula otembo yosi vetimba kwenda vutwe ocilumba cunene ... Esipilitu Likola lyeca ongsu Yaye yalwa oco yitalavaye vutima kwenda lovutwe. Ocali ca Suku cinãla kwenda civokiya vo olohõlo vyavo kwenda ekalo lyaswapo lya Suku yivakwama kupange wokuyovola ovimwenyo ... Kwenda vehongwo lyavo ovo vapongiyiwa okulinga upange Ukwonene Wosi." ⁵⁵

MEKONDA LYE CISUKILIWA OMUNU ETEKE LETEKE OKUPINGA EPAPATISO LYESIPILITU LIKOLA?

Epingilo lyokuyukisiwa lEsipilitu Likola likasi vo epingilo lya Yesu, kali Lame. Momo Eye okasi vokwange vocakati cEsipilitu Likola. Pole mekonda lye cisukiliwa eteke leteke?

Ellen G. White wapopya ati kelivulu Acts of the Apostles (Ovilinga Vyapolofeto): kondingupange ya lyeca kuli embembengiyo likomohisa wukulihiso okuti Klistu osimbu akala kulo, omwenyo Waye volwali wasandale lya Yaye eteke leteke etulumwinyo lyovyali visukiliwa vyocali ... Olumapu lwayemwele lukasi ocikolo cetu cocili colukandi wokutongeka vekolelo lya Suku–ekolelo lyambatisa okuñgila kokulityama ku Suku,

52 Ellen G. White, *Sons and Daughters of God*, p. 279

53 Dr. S. Joseph Kidder, *Anleitung zum geistlichen Leben* (Andrews University), PPP slide 14

54 Ellen G. White, *The Desire of Ages* (1898), p. 523.1

55 Ellen G. White, *The Desire of Ages* (1898), p. 827.3

okululuvala kwaswapo kupange Waye–yikakukwatisa kokutwala ekwatiso lyEshipilitu Likola kuyaki wokulitamalālā lekandu.⁵⁶

Nda Yesu wasukila eci eteke leteke oco pwāyi etu katucisukila okuvelapo? Vakolindyu 4:16 NKJV kukasi ovihandeleko vyesilivilo: “... *Andilopo utima womunu utumbulwiwa eteke leteke.*”

Utima wetu usukila etato oloneke vyosi. Ndamupi etumbululo eli lyeteke leteke lilingiwa? Efesu 3:16-17,19 NKJV ati eci cilingawa vocakati cEshipilitu Likola: “*Oco okuti Eye okakwihi vonjongo yuwasi waye vocakati cekolelo lyuwasi wulamba waye, oco okuti ene uyukisiwa kwenda yikateliwa locisola ... oco okuti Klistu otunga vovitima vyene vocakati cekolelo; oco okuti ene vokuyukisiwa kwenda okupamisiwa lekolelo ... usokisiwa lavyosi vya Suku.*”

Omolyaco:

- ▶ Ndocisila cisukila okulombela eteke leteke etumbululo lyEshipilitu Likola.
- ▶ Ndepako lyaco Suku otunga vokwetu.
- ▶ Eye otwavela kutima unene wasumuluho oowasi ulamba waYe. Unene wa Suku umwe wapitahāla vyeluliko, pole kacitava etu okuciyeva. Ululiki citava olinga upange lokangusu katito calwa (olumapu lwaciwa: elulumo lyongusu yolusu vetimba lyetu. Etu katucitela okuciyeva pole nda kacikasi ko tulinga ovivimbi)
- ▶ Kwenje ocisola ca Suku cikapiwa kovitima vyetu.
- ▶ Kwenda eyi oyo onjila yomwenyo umwe “*wayukisiwa la Suku*”. (tala Yohano10:10; Vakolosāyi 2:10)

Omita ikwavo yesilivilo yisangiwa ku Efesu 5:18 NKJV: “... *yukisiwi lEshipilitu.*” Cikapiko okuti eci cavelapo elungulo. Eci Ocihandeleko ca Suku. Suku yetu otuyongwila ekalo lyomwenyo lEshipilitu Likola. Elaka eli kelimi Lyelasi yamako vali okuteta onimbu–Ame ndipita volomita vya Johannes Mager vipopya: “Toñgomāli enemwele kwenda pitulwiwi okuyukisiwa olonjanja vyosi lEshipilitu.”⁵⁷

Ocipama cetu calilongiso capopya: “Epatiso lEshipilitu Likola cilomboloka okwendisiwa okuswapo lEshipilitu Likola – “okuyukisiwa” to

⁵⁶ Ellen G. White, *Acts of the Apostles* (1911), p. 56.1

⁵⁷ Editor Werner E. Lange, *Unser größtes Bedürfnis* (Lüneburg, 2011), S. 42

Laye. Eci haseteko-ko yonjanja imosi, ocina cimwe cipitulwiwa ndomo Pahulu aca olumapu ku Efesu 5:18 lohundilo yapama Kelasi ‘yukisiwi.’”⁵⁸

Upolofeto Pahulu wasoneha eci ku Efesu 5, otembo yosi eye wasoneha eci cikwāyimo komita 1:13: “... ku wosi watava, wasitikiwa ale lEsipilitu Likola” va Efesu vatambwile mwele Esipilitu Likola. Apolepo kokwavo casukilile: “Okutōlisiwa lunene vocakati cEsipilitu Likola Lyaye” kwenje oco oyukisiwe lEsipilitu “kwenda enemwele toñgomāli kwenda tongeki okutumbulwisiwa lEsipilitu” ku Efesu 4:30 eye otulungula ati katukasumwisi ale katukalevi Esipilitu Likola.

Ellen G. White wapopya: “Vocakati cepapatiso ceteke leteke lyEsipilitu ondingupange londingupange citava yeca epingilo lyaye ku Suku.”⁵⁹

“Acovo nda etu tuyongola okukwata esunga lya Klistu tusukila eteke leteke okupongolwiwa lunene lyEsipilitu, okulinga onepa kekalo lya Suku. Upange wEsipilitu Likola wokutelisa onjongole yaco oco utima usumulwisiwe oco omunu wosi apokolwisiwe.”⁶⁰

Ñgala wapopya vali kepuluvi likwavo vocakati caye: “Vosi walambiwa Lovisonewa Vikola ndo ndaka ya Suku kwenda vayongola okukwama alongiso ayo, vakasi okulilongisa **eteke leteke**, okutumbulula **eteke leteke** ombili lunene Wesipilitu, una usetekawa lonāve yocili kolongavelo vyEsipilitu Likola.”⁶¹

Okoviya ko eye wapopya: “Etu tukwama Klistu eteke leteke. Suku ka katwavela ekwatiso lyahela.”⁶²

Kwenda kolonele vikwavo ati: “Elitokeko limwe lyelikwamo lya Suku epuluvi lepuluvi lisukiliwila okukula kwetu. Etu citava tukwata onjongo yimwe Yesipilitu lya Suku, pole vocakati cokulomba lekolelo **etu tutongeka okusandiliya vali Esipilitu.**”⁶³

Ame ndasanga vo olusapo owu ukomohisa ati: “**Ene usukila epapatiso lyeteke leteke lyocisola** okuti voloneke vyapolofeto yovalinga omunga vosi yavo ndomanu vamosi.”⁶⁴

58 *Ocipama Cosikola Yesambata Yevambi* 17, vunyamo 2014

59 Ellen G. White, *Ovilinga Vyapolofeto* (1911), p. 50.2

60 Ellen G. White, *Selected Messages 1* (1958), p. 374.1

61 Ellen G. White, *The Signs of the Times*, March 8, 1910, par. 1

62 Ellen G. White, *Usoliwi Wapata* (1898), p. 313.4

63 Ellen G. White, *The Review and Herald*, March 2, 1897, par. 5

64 Ellen G. White, *Testimonies to the Church* (1904), vol. 8, p. 191

Loma 5:5 otulekisa okuti ocisola ca Suku cikapiwa kovitima vyetu lEsipilitu Likola. Etu tusanga cimwamwe ku Efesu 3:17. Epatatiso lyeteke leteke lEsipilitu Likola (okuyukisiwa lEsipilitu Likola) Cikoka vonjanja imosi epatatiso lyocisola (okuyukisiwa locisola ca Suku citukwiwa àngape). Okuvokiya ko Ngalatiya 5:16 kwenda Loma 8:2, ati ndonima yaco unene wekandu uteyiwa. (Vikwavo kemela 119 kuli vali lonondovitwe “Citava yumwe otongeka Ukwesipilitu?”)

ESILIVILO LYEFENDELO LYOMUNU LOMUNU

Esilivilo lipi likwete efendelo lyomunu lomunu nda cesilivilo lyalwa okweca cosi ku Yesu eteke leteke kwenda okupinga okuyukisiwa lEsipilitu Likola?

Efendelo lyeteke leteke kwenda okulava esambata, vyosi evi vikasi ociseveto comwenyo umwe wesipilitu.

Etu tusole okutanga olomita Vyembibiliya kwenda olomita vyalwa vitulekasa okuti utima womunu umwe utumbulwiwa eteke leteke. Eci citwiha elomboloko lyalipwa lyesilivilo linene lyefendelo lyomunu lomunu eteke leteke.

Ociseveto cosi cupange wefendelo votenda, cakala lomele kwenda kokuñgila kwekumbi. Kesambata kwatepiwile vo epulvi lyokutimiha ombanjale (Etendelo 28:4,10). Esilivilo lipi cikwete ocilumba cetimiho?

“Ocilumba cetimiho calekasale okulyeca kwondingekandu ku Ñgala. Kulo omunu kasolekele lacimwe volohôlo vyayemwele pole ovilumba vyaye vyosi vyatundale ku Suku.”⁶⁵

“Olohola vyanôliwile efendelo lomele kwenda efendelo koñgolosi vyalaviwile ndepulvi likola, olohola vyaco vyalaviwile lowiñgi Woyundeya ... Kocituwa eci Cakwaklistu kuli olumapu wokulomba lomele kwenda luteke. Osimbu Suku apisa epokolo lyañgo lyefendelo lekambo lyefendelo lyesipilitu, Eye oluluvala lonjongole inene kuvana vosole, okukekama kolongolo omele lomele kwenda uteke luteke okusanda ongecelo yekandu alinga kwenda okulekisa apingilo avo asumuluho asukiliwa.”⁶⁶

Ove wacilimbuka kaliye okuti efendelo lyeteke leteke lyalitokeka lohusa Wesambata ndociseveto comwenyo wetu wesipilitu? Okuvokiyamo eci

65 Fritz Rienecker, *Lexikon zur Bibel* (Wuppertal, 1964), S. 1017

66 Ellen G. White, *Patriarchs and Prophets* (1890), p. 353.3

“Oco etu tukwate esunga lya Klistu tusukila okupongolwiwa eteke leteke vocakati cesongolo lye Sipilitu, okulinga onepa yeluliko lya Suku.”

kacilomboloka okuti tusukila okulyeca eteke leteke ku Yesu Klistu, una wakovonga Esipilitu Likola oco likale vokwetu.

Anga ove wapanga ocihandeleko cesipilitu cesilivilo lyalwa lyovemwele: Okweca ku Suku epuluvu lyatete apahandi lyacosi eteke leteke? Yesu wapopya kohundo Yomunda: “Sandiliyi tete usoma wa Suku kwenda esunga lyaye, kwenda ovina vyosi evi vikakwihiwi.” (Mateho 6:33 NKJV)

Usoma wa Suku ceci etu tukwata Klistu vutima cilomwele. Omwenyo wa Yesu wakala usoma wa Suku (Maluku 10:15; Luka 17:20-21). Eli olyo esunga cisukiliwa etu eteke leteke okulyeca kwenda okupinga Esipilitu Likola kepuluvu lyefendelo lyetu. Epuluvu lyesilivilo lyalwa likakala lina etu tatalama kovaso a Suku. Etu tukwete ukamba womunu lomunu la Klistu una uyovola kwenda etu tukasi Vokwaye? (tala Yohano 15:1-17) Kukasi okukevelela osimbu – esokiso lyunene wekolelo?

U wosi opita okatembo katito la Suku ale okwete ñgo pamwe okatembo kefeldelo kakataviwa, citava okapamisiwa lika lumosi ale luvali vosumanu. Calisoka lu olyalya lika lumosi ale luvali vosumanu.

Tulingi elinālisō: Uveke ko ovemwele okuyongola okulitekula lumosi lika vosumanu? Kacalombolokele okuti Ukwaklistu kakwete efendelo lyomele ukwasitu?

Ecivo cilomboloka okuti nda eye osañgiwa vekalo eli kaka popeliwa. Eci etu tulinga vakwaklistu yositu efendelo likakala lika ekisika. Eci etu tulinga vakwaklistu yesipilitu efendelo lilinga esukililo kwenda lyesanju. Likakala vali esukililo kwenda ocisola.

Alima apita ame ndatanga ocikongamēla ca Jim Vaus: Ame ndakala ocingumba. Eye wakala ombandi kaliye walikekembela. Eye lutima waye wosi walitavela akandu aye – ndolumapu uvangi wuhembi uminyo etc. Eye waseteka unene ukomohisa wa Suku. Eci cambeta calwa kutima. Yu ndapopya kokwangemwele: Ame ndilinganga ovina viwa olojanja vyosi pole sala seteka eci: Kwenje ndalomba ku Ñgala: “A Isya yokovaylu, ame vo njongola okulitavela akandu ange osi ndakuliha kwenda osi ana Ove

okandekisa. Kwenje lomele ame ndikatepa ohola imosi oco nditange Embimbiliya kwenda ndilomba. Kwenje ndikamōlavo nda okapongolola cimwe vomwenyo wange.”

Sivayi Suku! Eye wapongolola omwenyo wange. Tunde opo efendelo lyange lyomele kumosi Lesambata visole okukala ociseveto comwenyo wange la Suku.

Vocakati cokulyeca eteke leteke kwenda lokuyukisiwa lEsipilitu Likola, omwenyo wetu ukapongolwiwa leposo lyalwa. Ndepako lyaco omwenyo wetu wokaliye “mu Klistu” ukalaviwa kwenda ukaca apako alwa. Eci cilipita lika kepuluvi lyetu lyefendelo.

NYE ANGOMBO VAVANGOLA (ONEPA 1)

Etu katutela okulinga lacimwe

Etu tululuvala katetiyo osi awa aliyekala, pole etu katutela okulinga lacimwe: Pingi omoko yEspilitu Likola. Ekongelo liya lipatuluka kotulo twaye, kehongwo lyayo komanu. Eye vo osima okuti unene waye wocili wo unyeliyiwa. Okusima andi kunene waye eye cilo yoseteka kwenda yolinga cosi pole cimosi oco kakasi okulinga, okusanda unene wEspilitu Likola.

M.L.-J., Telos 385

Tyuki kocisola catete

Vocakati cekisika lyEspilitu Likola ame ndendisiwa vokwenda ocituke la Yesu, ndaseteka okutyukila “*kocisola catete*” ca Ñgala yetu kwenda Upopeli Yesu Klistu. Epongoloko lyomunu lomunu lyafetika lame pole vitepisiwa lika lunene wEspilitu Iya Suku. Vupange wange ame ndafetika okuyeya unene chala mōla tete.

D. S.

Ocilumba cokovaylu

Ocisonewa cove elivulu Alyanga Andisa Ketumbululo Lyomunu Lomunu, ocilikocili ocilumba cimwe catunda kovaylu, ceyilila ove tete noke yapa vyosi olonangi. Ndaño koloneke evi vvasulako alivulu alwa eya vekongelo, ocikongamela eci kacisetekiwa. Omo onondovitwe eyi yalombolwiwa ciwa vokaciña aka, onjila yokuyukisiwa lEspilitu Likola yalekisiwa. Vosi vatanga kavatela okuyikwatisa pole vatela okukwata ekalo lyavo lyesipilitu lokulinga enōlo lyavo.

H. H. 010512

Ame ndanyelisa otembo okuvangola vyesilivilo ndovina vvasunguluka

Ame ñgasi okutanga Alyanga Andisa Ketumbululo Lyomunu Lomunu velimi lyo Esipanyo onjanja yatatu. Ame ndakwata elomboloko lyotembo ndanyelisa ndocimatamata vekongelo kwenda ndingombo Yavandevu okuvangola cesilivilo ndovina vvasuñgama vomwenyo wange la Yesu. Elivulu lyeya kokwange vepuluvu lyasoka lyomwenyo wange kwenda upange wange. Cosi nela okuvangula ceci okuti ame ndinyamula esumuluhō vocakati cEspilitu Likola vomwenyo wange, oseteko yaco yalitepa. Onondovitwe yelivulu yalinga ocili cimwe vomwenyo wange.

E. L., EE 300319 yoko USA #92

“Eci ene uyongola kacikateliwa lolohōlo vyeswalāli lalilimwe ha lunene ko womunu cho, Espilitu lyAnge olyo likacilinga! Ame Ñgala Suku Ukwalohoka ndicilikuminya.” (Sakaliya 4:6)

Ovisimilo Vyomunu Lomunu kwenda Esongolo Lyapulilo

1. *Alyanga api esilivilo atusongwila okukala mu Yesu?*

2. *Mekonda lye cisukiliwa okulyeca ku Yesu eteke leteke?*

3. *Mekonda lye cisukila ove onjanja lonjanja eteke leteke okulombela okuyukisiwa lEsipilitu Likola?*

4. *Mekonda lye efendelo lyeteke leteke / epuluvi limwe lyunjuke la Suku wesilivilo lyalwa?*

Epuluvi lyetu Lyelombelo

- Vilikiya ekamba lyove lyelombelo kwenje lisapeli vyonondovitwe.
- Lomba lekamba lyove lyelombelo ...
 1. Oco okuti ene ukayukisiwi lEsipilitu Likola.
 2. Oco okuti Ŋgala okakuyukisi lonjongole yalwa yefendelo lyene lyeteke leteke.
 3. Oco okuti ekalo lya Klistu likakula vokwene.

Ukamba upi ukasi pokati hepapatiso kwenda Esipilitu Likola?

EFENDELO VESIPILITU KWENDA VOCILI

Ongombo yavela po yefendelo okuhumba Suku. Esapulo lyasulako lya Suku komanu vosi litata vyokufendela Ululiki, okulitamalāla lefendelo lyocinyama (Esitulwilo 14:6-12). Ondimbu yavelapo yefendelo Esambata (okufendela Ululiki). Ekalo lyocili lyefendelo lyalekisiwa ku Yohano 4:23-24: *“Otembo yo iya kwenda yeya ale yina okuti vakwefendelo lyocili vakafendela Isya vesipilitu kwenda vocili; Momo Tate yo’sandiliya vana vofendela omo. Suku Esipilitu kwenda vosi Vofendela te vofendela vEsipilitu kwenda vocili.”*

Okufendela Vesipilitu ocilikocili cilomboloka efendelo lolondunge, apolepo vokuyukisiwa vo lEsipilitu Likola. **Okufendela vocili cilomboloka** okulyeca olumwe ku Yesu una okasi ocili vomunu. Yesu wapopya: *“Ame Cili.”* (Yohano 14:6). Eci cilomboloka okukala mu Yesu vocakati cokwenda ndomo ovisonewa vyeca onumbi, momo Eye wapopya ati: *“Ondaka yaYe oyo ocili.”* (Yohano 17:17) kwenda Olosamo 119:142 ati: *“Ocisila cove ocili.”* Nda etu katukwete efendelo lyocili cilo oco etu katukasi kohele yokuponya kotembo yehunguhungu? Eci cikakala ocitangi cinene Kuvakwaklistu vosi yositu.

Ame ndisima okuti vosi yetu tuyongola okwamamako lekwatiso lya Suku kwenda okukula vukulihiso. Eci cilomboloka okuti, etavo lyombambe likasi epungunjumbwa ale ekatanga kuvamwe vayongola okwamama ko.

EPAPATISO KWENDA ESIPILITU LIKOLA

Omanu vamwe vasima okuti vayukisiwa ale lEsipilitu Likola momo ovo vapapatisiwa ale, kokwavo vyosi vikasi ciwa kwenda ovo kavasukila vali lacimwe. D. L. Moody, wamba ko asempi ava oyevala ati: *“Valwa vasima okuti momo ovo vayukisiwa onjanja imwe, vayukisiwila otembo yenda hu. Ekamba lyange mba cikuliha etu tulombya vyokukapa; cisukila etu okutongeka kono oco tuyukisiwi.”*⁶⁷

⁶⁷ D. L. Moody, *They Found the Secret*, pp. 85, 86; vyopiwa ka 10 *Koloneke-Alombelo kwenda Ovipama ...* vya Dennis Smith, p. 23

Joseph H. Waggoner wapopya: “Olonjanja vyosi epapatiso limwiwa ndoseteko yongavelo yEspilitu Likola, ondingekandu yalikekembela yayukisiwa lolohölo vyositu.”⁶⁸

Eye likalyaye okolela lika kepapatiso lyaye ndondimbu yocali ca Suku. Okolela lika kepapatiso hakEspilitu Likola-ko **vutima waye**, eci oco cikala lika ondimbu yaye.”

Epatatiso ocilikocili likasi enölo lyesilivilo lyalwa; eci cilikwata lonjongole ya Suku. Eci cikwete kwenda cikala cesilivilo linene. Pole kacitava okuti etu tuvandekela kocipito capita casala konyima ndoncimäho okuti twayukisiwa lEspilitu Likola. Pole citava tutala etali okuti twayukisiwa lEspilitu Likola. Omanu vamwe vatambula ale Espilitu Likola apahandi lyokupapatisiwa – oseteko ya Kolonelyu lonjo yaye ale Pahulu yitulekisa okuti vamwe vatambula tete, vakwavo noke. Vakwavo vatambula Espilitu Likola noke lyovo okupapatisiwa – ndolumapu lwa Vasamaliya ale 12 kalume ko Efesu. Pole nda okutambula tete nda okutambula noke lyepapatiso cosi cimwämwe. Citukwatela nye okutambula Espilitu Likola kefetikilo lyacosi nda etu katucikwete vovitima vyetu cilo – etali! Eci kacikwatela nda calipita konyima ale cho pole cikwatela ceci okuti ndamupi cikasi cilo – etali!

Ekkerhardt Müller wapopya: “Eci munu yumwe aca cosi ku Suku eyemwele kekumbululo lyevilikiyo lyaYe, ecitiwo lyavali kwenda epapatiso lyEspilitu Likola lilipita vonjanja imosi. Kwendavo, eci citava ucikapiko vutwe okuti okutungwa kwEspilitu Likola vomunu kulikwama lecitiwo lyavali, pole acina cimweko ciyaya ocipikipiki. Ukamba te upitulwiwa eteke leteke.”⁶⁹

Ame njongola okukwivalwisa onjanja ikwavo: Etu twatambula etimba lyetu vokucitiwa. Omwenyo wetu utekwiwa lokulya eteke leteke, okunywa, okulisengasenga, lepyuko, etc. Nda hacoko etu katukala otembo yalwa. Ovisila evi vimwamwe visilivila vo vomwenyo wetu wesipilitu. Etu twatambula omwenyo wokaliye vocakati cEspilitu Likola okucitukula ceci twalyeca etumwele ku Klistu. Omwenyo wetu wesipilitu utekwiwa vocakati cEspilitu Likola, vocakati cokulomba, condaka ya Suku, etc. Ellen G. White wapopya: “Omwenyo weluliko utekwiwa epuluvu lepulivi lunene wa Suku; pole kahutekwiwa locikomo citunda kovaylu pole vocakati casumuluhu

68 Joseph H. Waggoner, *The Spirit of God* (Battle Creek, Michigan 1877), p. 35f, quoted in Garrie F. Williams, *Erfüllt vom Heiligen Geist* (Lüneburg, 2007), S. 58

69 Ekkehard Müller, *Die Lehre von Gott: Biblischer Befund und Theologische Herausforderung*, Bogenhofen 2010, S. 224

asangiwa letu. Omolyaco, omwenyo wesipilitu utekwiwa vo eci tukapako vyosi vatupongiyila ndovikulya.”⁷⁰

Nda omwenyo wetimba, nda wesipilitu kawukasilisi etongeko lyocikomo cokovaylu kokwetu. Cisukila okufufula ateku Suku atupongiyila.

Eci Cilomboloka okuti: Eci etu tucitiwa evali Espilitu Likola litwihiwa oco likale vokwetu. Apolepo oco eye litongeke te twafufula vina Ŋgala atupongiyila. Api apako akeya nda katwafufwile “ateku”?

Espilitu Likola lyavelapo “ateku” osi. Okukwamamo, elombelo lyesilivilo lyalwa okulitokeka la Suku vocakati condaka yaYe, okukwata onepa kovopange efendelo kwenda ovina vikwavo.

Ame ndisima okuti etu tulitava okuti ndocisila cisukila ekwatiso lyeteke leteke lyomunu lomunu. Nda etu katwasetekele eci tukaseteka onima yokukupuka. Etu katutela okulitekula oco hela katukali vali, ndaŋgo okusoleka Espilitu Likola kacitava vo. “Suku katulikuminyile okutwavela okulya kwa hela.”⁷¹ Ame ndisima okuti celomboloko liwa kwavosi okulyeca eteke leteke ku Yesu, cisukiliwa kwenda etu te twavilikiya Espilitu Likola vomwenyo wetu.

Ovina vyosi evi vikwete ongombo imosi – vikasi ndolonele vivali vyolombongo; okukwata ukamba wocituke la Klistu. Ame ndalyeca amemwele kokwaYe vocakati cokulyeca kwenda cokupinga Espilitu Likola ame ndukovongela kutima wange. Vocakati colomita vikwavo Vyembibiliya kukasi 1 Yohano 3:24 (tala vo Yohano 14:17, 23) vitulekisa ati Yesu otunga vokwetu vocakati cEspilitu Likola: “Kwenda tuci okuti Eye oli vokwetu vocakati cEspilitu una Eye atwavela.”

APAKO ESIPILITU LIKOLA

Eci Espilitu Likola Likala vokwange Eye osokisa po eci Klistu atelisa. Loma 8:2 ati: “Momo ocisila Cesipilitu comwenyo mu Yesu Klistu canjovola vocisila cekandu kwenda olofa” Loma 8:4: “*Oco onjongole yocisila yitelisiwe kokwetu, okuchapo okukala vana vandela vositu okukala vana vandela vesipilitu.*” Etu citava tulombolola ati “ocisila Cesipilitu” cikasi onjila Espilitu Likola atalavaya vutima waca cosi ku Suku. Eci omwenyo umwe weca unene wEspilitu Likola. “Espilitu Likola olyo lika litela okunena vomwenyo wange eci Klistu atelisa. Ellen G. White ocilombolola ciwa: “**Espilitu Likola lyaciwila ndUpopeli,**

⁷⁰ Ellen G. White, *The Acts of the Apostles* (1911), p. 284.2

⁷¹ Ellen G. White, *The Desire of Ages* (1898), p. 313.4

lekambo lyaYe ocilumba ca Klistu kacikwata esilivilo lalimwe ... Esipilitu likapako eci catwaliwa Lupopeli. Telika vocakati cEsipilitu utima uyelisiwa. Vocakati Cesipilitu oloñgwame vikapongoloka okulinga onepa yekalo lyomwenyo wa Suku ... Unene wa Suku ukevelela ekisika lyavo kwenda ekumbululo.”⁷²

Thomas A. Davis wacilombolola ndomo: “Eci Cilomboloka okuti otembo yosi ojongole ya Klistu komanu, Esipilitu Likola litela lika okucitelisa. Lekambo lyaYe vyosi Yesu alinga okupisa volwali–Konjesemani, kekulusu, kepinduko kwenda kupange waYe womitakati kovaylu kawukwete esilivilo lalimwe. Apako upange wa Klistu nda kawasilivilile okuvelapo akongelo aliyekala ale asongwi ovituwa. Pole ndañgo Klistu wavelapo vyosi evi, Eye nda kapopelele olwali lika lyaye vocakati columapu kwenda alongiso Aye. Oco omanu vapongolwiwe casukila okutalavaya vokwavo. Upange owu wulingiwa lika lEsipilitu Likola, lina lyatumiwa okulinga eci vovitima vyomanu cina Yesu atelisa.”⁷³

Eci esunga ko litela lyokutala kweci okuti ove wayukisiwa lEsipilitu Likola? “Eci Esipilitu lya Suku livyala utima, caco cipongolola omwenyo. Ovisimilo vyekandu vinasiwa kosamwa, ovilinga vivi vichiwa ko; ocisola, umbombe kwenda esanju vipiñganya onyeño, onya lunjaki. Esanju lipiñgaya esumwo kwenje upolo ulekisa ocinyi cokovaylu.”⁷⁴

Kuli vali apako alwa akwavo komwenyo akasi lEsipilitu Likola pole kuli vo ovitangi vyalwa kwenda anyelelo alwa vekambo lyaYe. Etepisu vocakati comwenyo lEsipilitu Likola kwenda omwenyo lekambo lyaye cikalombolwiwa vali ciwa komitulwilo 4.

AME ANGA NDAYUKISIWA LESIPILITU LIKOLA?

Panga ohenda lilinga ovemwele apulilo ava kweci catyamela kokuyukisiwa lEsipilitu Likola:⁷⁵

- ▶ Kuletiwe amwe apako Esipilitu Likola vomwenyo wange? Ndolumapu Eye yokumwisa ocili kwenda unene wa Yesu? (Yohano 15:16)

72 Ellen G. White, *Usoliwi Wapata* (1898) pp. 671.2, 672.1

73 Thomas A. Davis, *Als Christ siegreich leben* (HW-Verlag), S. 43 / Ndamupi citava okukala Ukwaklistu weyulo, R&H.

74 Ellen G. White, *Usoliwi Wapata* (1898), p. 173.1

75 Catherine Marshall, *Der Helfer* (Erzhausen, 2002), S. 24

- ▶ Ame ndafetika okuyeva kwenda okukwata elomboloko lyondaka Usoliwi Wapata? Citava Eye ongendisa kanölo ange, nda anene ale atito omwenyo wange? (Valoma 8:14)
- ▶ Vokwange kwamoleha he ocisola cimwe ndikwetele omanu? Esipilitu Likola lyanyiha ocikembe calwa comanu vana ame sachatele okutenda ndakamba? (Ngalatiya 5:22; Tyaku 2:8,9)
- ▶ Ame ndaseteka olonjanja vyosi ndomo Esipilitu Likola lyañgwatisa okulyohela lavakwetu vange omanu? Wanyiha olondaka vyangunguluka vyokusiña utima womunu weyuka lasakalalo kwenda ovopange?
- ▶ Esipilitu Likola linyihãha he ongsu yokulyohela kwenda yokusongwila vakwetu kokwaYe?
- ▶ Ame ndaseteka ndamupi Eye añgwatisa vomwenyo wange welombelo kwenda ndamupi añgwatisa okulekisa ovisimilo vyutima wange ku Suku?

Eci etu tusima apulilo ava, etu tulimbuka esukilo linene tukwete lyokukula vEsipilitu Likola, okuhukuliha vali ciwa kwenda okuhusola vali.

Manji yumwe yukwenje wasonehela: Tate yange lame twalitetiya. Noke lyokutanga *Alyanga Andisa Ketumbululo Lyomunu Lomunu* kwenda elivulu 40 *Koloneke* onjanja yatete kwenda yavali, ame ndakwata oseteko ikomohisa yokuyukisiwa lEsipilitu Likola. Eci canditokotisa calwa okuseteka ndomo Esipilitu Likola litalavaya kwenda ayongola okutalavaya volonele vyosi vyomwenyo wange.

ETETIYO LYA ISYA KWENDA OMÖLA

Ukamba wange la isya otembo yosi wakatangale ñgo. Olonjongole kwenda alombelo ange vutilla kwenda vukwenje wakala ñgo okukwata ukamba wavelapo la tate yange. Pole otembo yosi capyãlele ñgo. Kwenje epandu toke epandu vali kalima apita ñgo ombamba. Suku wayukisa upolokoso wakala vutima wange. Osimbu ndakala okutanga kwenda okulombela okukwata Esipilitu Likola, ina kwenda ndona yange lame twakwata oseteko inene la Suku. Etu twalombela ko epata lyetu okuvelapo isya yange. Votembo eyi ame ndatambula unene wokaliye wokusola tate yange. Ame ndatela okuwecela kwavyosi kavyandale ciwa vukamba wetu okupisa vutilla (eci ndakala omöla). Tate yange lame kaliye twalinga akamba. Eyevo wafetika okukala vali vomwenyo wesipilitu kwenda vo wafetika okusapwilako omanu vakwavo vya Suku. Kaliye noke yalima avali ukamba la isya yange ukasi calwa

ciwa. Ame ndipandula Suku koseteko eyi. Ame ndaliyevale calwa lehongwo kwenda olonjanja vyalwa ndaliyevale ñgo ulika. Pole tunde eci ame ndafetika okulomba eteke leteke okukwata Espilitu Likola, Ame ndiseteka cilo, ekalo limwe lyomwenyo wokaliye ukomohisa kwenda ukamba la Suku. (Onduko kayakulihwile lusoneyi).

Elombelo: A Ñgala Yesu, ame ndukupandula momo oyongola okutongeka vokwange vocakati cEspilitu Likola. Pandu pandu momo vocakati cokulyeca eteke leteke ekolelo lyetu kwenda ukamba wocisola ukasi okukula. A Ñgala, ñgwatise okukuliha ciwa Espilitu Likola kwenda upange waYe. Ame cilo ñgwete onjongole yokukuliha eci Eye ayongola okundingila, okulingila epata, ekongelo lyange kwenda ndamupi etu tukulāpo okuti tutambula Espilitu Likola eci etu eteke leteke tupinga. Pandu kwevi vyosi. Amen.

Ellen G. White wapopya: “Espilitu Likola lyaciwa ku Yesu vonjongo kayitendiwa. Kwenda okaciwa vo koñgwame yosi ya Klistu eci atumbika utima waye wosi oco Eye atunge vokwaye. Ñgala yetu Eyemwele waca ocihandeleko, “Yukisiwi lEspilitu” (Efesu 5:18), ocihandeleko eci vo cikasi elikuminyo lyokucitelisa laYe. Eyi yakala onjongole iwa ya Isya okuti mu Klistu citava “eyukiso lyosi litunga,” kwenda “vokwaYe vosi vayukisiwa”.⁷⁶ A Isya yetu, etu tukupinga vonduko ya Yesu tutelise “*layukiso osi a Suku*” (Efesu 3:19).

ESEMBI KU EFESU 5:18 – “YUKISIWI LESIPILITU!”

Etu kaliye citava tutala omita ya Efesu 5:18 Vongesi okuti ekovongo eli lyalingiwa vocihandeleko ocikundi. Okucilombolola, etu citava tuleta ocihandeleko catumisiwa kwavosi. Kwendavo citava tutala okuti ekisika lyetu okupinga eyukiso lyEspilitu Likola. Pole omita yatete Kelasi yalomboloka ciwa.

76 Ellen G. White, *Thoughts from the Mount of Blessings*, p. 20.3

Johannes Mager wamba ko asembi ava: “Kuwale Wokaliye vovisonewa kuli lika omita imosi yiteta onimbu, okutuma okuyukisiwa lEsipilitu Likola: ‘Yukisiwi lEsipilitu’ (Efesu 5:18) Kelivulu lyo Vilinga etu tusanga okuchekekiwa lEsipilitu Likola ocilumba cimwe cesilivilo cifufwiwa kapuluvi asuŋgama. Omo lyaco ku Pahulu okuyukisiwa lEsipilitu Likola cikasi ocihandeleko cimwe, kacikwatela nda tukasi ndati vomwenyo kwenda ocihandeleko eci casuŋgamisiwa vo koloŋgwame vyosi vya Yesu. Okacihandeleko aka katito pole kesilivilo, kalombolola olonepa vimwe vikwāla vyeluluvalo:

1. Ohundilo “yuka” (pleleyn) ikasi vonumisilo ale ndocihandeleko. Vomita eyi Pahulu kakasi okulinga ocikundi cimwe ale epingilo limwe lyukamba. Eye kakasi okwimba onumbi okuti munu umwe citava otava ale olikala. Eye yo otuma ndupolofeto okwete unene. Ocihandeleko cimwe otembo yosi cikisika onjongole yomunu umwe. Nda ukwaklistu yumwe wayukisiwa lEsipilitu Likola, eye oco, olinga onepa kocisoko cavelapo eyemwele. **Vakwaklistu vakwete ekisika lyokuyaka oco vayukisiwa lEsipilitu Likola.** Ekisika lyetu ndomanu okuyukisiwa lEsipilitu Likola.
2. Ohundilo ikasi volulwo. Ocihandeleko kacasuŋgamele komunu umwe olinga onepa vonembele imwe, una okwete ovikele vimwe vyaposoka. Okuyukisiwa lEsipilitu Likola hambuwe ko yomanu vamwe yasuŋgamisiwa. **Evilikiyo lyalungula vosi vatyama kekongelo limwe-otembo yosi kwenda kakongelo osi kolwali lwosi.** Kakuli olonepele. Ku Pahulu eci camwiwāle ciwa okuti vosi vakwaklistu vayukisiwa lEsipilitu Likola.
3. Ohundilo ikasi velityamo. Kayikasi okupopya ati: “Liyukisi enemwele lEsipilitu Likola! Pole eceleli ‘Okuyukisiwa lEsipilitu Likola! Layumwe omunu otela okuliyukisa eyemwele lEsipilitu Likola. Owu upange wEsipilitu Likola lika. Upange owu waye lunene wosi. **Apole po omunu te wasokisa po vyosi vikisikiwa oco Esipilitu Likola litunge mweye. Lekambo lyonjongole yove yokucikwata, Esipilitu Likola kakatalavaya kokwove.**
4. Velasi, ocihandeleko cikasi kekisika. Ekisika eli kolutete litulombolola ocipito cimwe cikasi okupitulwiwa otembo yosi okulitamālāla lohundilo vonumisilo, cilomboloka upange wepuluvu limwe. Ndomo calekisiwa, okuyukisiwa lEsipilitu Likola haseteko ko imwe yonjanja imosi, pole ungende umwe utongeka kwenda wokwamama ko. Ukwaklistu kakasi ndocitele cimwe ciyukisiwila lumosi lika, pole oyukisiwa “otembo yosi”. Omita citava ipitulwiwa ndomo: **“Enemwele tongenki kwenda pitolwawi okuyukisiwa otembo yosi lEsipilitu!”**

Okuyukisiwa lEsipilitu Likola, cina ceciwa kepatatiso [capongiwiwila vana vapapatisiwa vovava kwenda Vesipilitu valyeca olumwe], **citava cinyelisiwa eci eyukiso lyetu lyaciwa kayilaviwa**. Nda canyelisiwa eci citava cisangiwa evali. Okuyukisiwa lEsipilitu te capitolwawa oco okuti Esipilitu Likola lipiŋganya olonele vyosi vyomwenyo wetu. Kwenje omwenyo wetu wesipilitu kawukakavala okuhongwa. Okuyukisiwa lEsipilitu Likola kacilomboloka okuti etu tukwata onjongo yaswapo yaYe, pole Esipilitu litukwetelele ko onjanja konjanja. **Olyo esunga Pahulu atumila oloŋgwame vyosi okuyukisiwa otembo yosi lEsipilitu**. Eli olyo ekalo litaviwa lya vakwaklistu. Okuti epapatiso onjanja imosi lika pole okuyukisiwa lEsipilitu Likola te olonjanja vyaliyekala.”⁷⁷

“Ŋgala Eyemwele waca Ocihandeleko: *

Eceleli enemwele otembo yosi kwenda olonjanja vyaliyekala
okuyukisiwa lEsipilitu! **

77 Johannes Mager wakala ungombo yumwe, ukwandaka iwa kwenda valima alwa ko Univesiti ndanumili yosistematik yotiyolonjiya. Otembo yilo eye wakala utwe wupange wolonyapa Ketepiso lyoko Ulopa-Yoko Aflika ko Beln, Swasilandya (cilo itukwiwa Etepišo Lyolwali Lwosi lwoko Ulopa). Cilo eye watumalisiwa kwenda watunga ko Fliendensawu. Omita eyi yatunda kelivulu lyaye: *Auf den Spuren des Heiligen Geistes*, (Lüneburg, 1999) p. 100f (letavo lyonjo yalaleko) *

* Ellen G. White, *Omunda Yesumulaho*, MB 20.3 (egwwritings.org)

** Johannes Mager, *Auf den Spuren des Heiligen Geistes* (Lüneburg, 1999), S. 101

Ovisimilo Vyomunu Lomunu kwenda Esongolo Lyapulilo

1. Nye cilomboloka “okufendela vesipilitu kwenda vocili”?

2. Eponyo lipi tukasi lokulinga eci tutenda epapatiso lyetu ndokuyukisiwa lEsipilitu Likola?

3. Akisika api ocilumba ca Yesu cikwete vomwenyo wange eci ame sayukisiwile lEsipilitu Likola?

4. “Yukisiwi lEsipilitu” (tala ku Efesu 5:18). Api atosi akwāla esilivilo citava asangiwa valungulo a Pahulu?

Epuluvi lyetu Lyelombelo

- Vilikiya ekamba lyove lyelombelo kwenda lipuli vyonondovitwe ...
- Lomba lekamba lyove..
 1. Okuti Ŋgala etali akuyukisi lEsipilitu Likola Lyaye.
 2. Okuti etu eteke leteke te kwasanda tete usoma wa Suku-cilomboloka okweca cosi tukwete kwenda tukasi ku Yesu.
 3. Okuti Yesu okapongolola omwenyo wetu.

ATEPISO API ATAVA ETU OKUHALAVOKA?

*Ovowa api tukwata lomwenyo wayukisiwa
l'Esipilitu Likola?*

ELINĀLISO LIMWE POKATI KAVA KWAKLISTU YOSITU KWENDA YESIPILITU

Onima Yavakwaklistu ‘yositu’ yililekisa vomwenyo wetu pole vomunu lomunu atondongwiwa ndomo:

- ▶ Omuu kapopeliwile vekalo lyaco eli (Loma 8:6-8; Esitulwilo 3:16).
- ▶ Ocisola ca Suku–Ocisola àngape–kacikasi vomunu (Valoma 5:5; Vangalatiya 5:22); Ovo vakwete ñgo ocisola cavo comunu; onjongole yositu kayopwile (Ngalatiya 5:16).
- ▶ Munu kakolele po lunene wEsipilitu (Efesu 3:16-17).
- ▶ Klistu katungile vomwenyo wawo (1 Yohano 3:24; Efesu 3:16,17.)
- ▶ Munu katambwile unene wokutumbangiya Klistu (Ovilinga 1:8)
- ▶ Olinga vyosi volohölo vyomunu (1 Kolindyu 3:3) cina citela okunena “lulelu walwa ovonyāli kwenda atepiso.
- ▶ Ndocisila kokwavo catila calwa komanu ava okutava elungulo limwe.
- ▶ Omwenyo wawo welombelo kawasungulukile.
- ▶ Omuu waco okwete lika olohölo vyositu vyokwecela kwenda kayenjeke avalo.
- ▶ Omuu waco kasetekele epongoloko lisukiliwa lyocituwa (2 Kolindyu 5:17).

- Eci Yesu atelisa kokwavo calinga ñgo ombangulo; caco kacachatele kokwavo. (Loma 8:1-4).

Ukwaklistu yositu olonjanja vyalwa olikandangiya ndakwalofeka. Pahulu ati: *“Kawuvakwasitu ko, oco kawukasi okwenda ndomanu vaño.”* (1 Kolindyu 3:3 NKJV). Olonjanja vimwe ovituwa vyavo vikasi ndavakwesipilitu, ndañgo vanda vocakati colohōlo vyavo lakulihiso avomwele aliha kwenda amwiwa lävi calwa.

Pole Ukwaklistu yesipilitu wayukisiwa okuswapo la Suku: *“Oco okuti Eye citava okulikuminyi vocakati covokwasi ulamba waYe, okuhupamisi vutima lunene oco okuti Klistu otunga vovitima vyene vocakati cekolelo; Oco okuti ove okōlisiwa kwenda okalisiwa vocisola, oco uteli okulombolola lolosandu vokukula, vokulepa londongosi-okukuliha ocisola ca Klistu cina cikasi okutanda kwenda okukala kwenda ondongosi locitunga-cokukuliha ocisola ca Klistu cina ceca ukulihiso; okuti ene uyukisiwa lolonjongo vyosi vyaswapo vya Suku. Kaliye ku Yuna otela okulinga okuvelapo calwa kilu lyacosi cina tupinga ale tusima, vocakati cunene utalavaya vokwetu, kokwaYe eci ulamba kekongelo vocakati ca Yesu Klistu kapata osi olotembo vyosi. Amen.”* (Efesu 3:16-21 NKJV)

APAKO AKWAKLISTU YOSITU

Ame cambala calwa kwevi ndanyelisa vepata lyange kwenda vekongelo ndatalavaya ndungombo, epako lyekambo lyEsiipilitu Likola vomwenyo wange. Ocilimwele okuti etu katukandisa layumwe vonjila yina etumwele katwala endela. Etu vo tusukila okulinga okuti ovolema omunu lomunu vEsiipilitu Likola vomunu lomunu, vepata limwe kwenda vekongelo limwe lilivokiya kwenda alilwisa.

OMĀLA KWENDA AMALEHE

Omwenyo ukwaklistu yositu uhikula epito litwala komwenyo umwe welyanjo lyapitahāla. Omanu lekambo lyukulihiso vakwata ocisimilo ciwa cokulinga eci kavatela noke vasiña onjila imwe ayoko. Anga olyo esunga tunyelāsa amalehe vetu valwa? Anga vekambo lyukulihiso ale asunga akwavo twecaca ongangu ivi komāla kwenda kamalehe yavakwaklistu yositu? Ndonima yaco ovo valinga Vakwaklistu yositu kwenda omolyaco

vatatayala lowesi (ekambo lyongusu)? Olyo esunga valwa kavakwata eci locili calwa ale kaveya vali vekongelo ale vachapo ekongelo?

Akwapitile otembo yalwa eci umwe manji yosimbu apopya kweci catyamela kekongelo ati: “Eli olyo esunga lyovitangi tukwete etali vyomwenyo wetu mwele kwenda omwenyo wamalehe vetu: ombuto yosimbu yaponya oco civalomboloke upange (okutalavaya) kwEsipilitu Likola kwenda okuyukisiwa laYe.”⁷⁸

Kelivulu (Chist’s Object Lessons/Ongombo Yovipama vya Klistu) tutanga ati: “Vatito vayeve olohundo vyondaka ya Suku casukila onondovitwe okupopya lāvi (okusepula) Kolonjo ... Ovina evi vyachata okupopiwa lolonjali vatwi omāla vavo ... Omolyaco kolonjo yava valitukula ati Vakwaklistu akwenje valwa valongisiwa okukala vuhembi.”⁷⁹

Ndukwivalwisi vali, onima yukalendehuya (okulyeca kakwasokele po ku Klistu) leci ati: “Vakwaklistu vasumwa vapyālapo olondingāvi: momo olondaka vyavo vyuhembi lekalo lyavo okuti kavalikapele ko lisongwila valwa kenyelelo. Olondingāvi vilekisa oivalo vyavo. Pole vakwaklistu yukalendewuya lavo vo valikemba ovomwele. Eye ukwalwaliko inene kwenda ukwaklistu ko inene vo. Satana ovafufula okulinga upange una okuti layumwe owutela okuwulinga.”⁸⁰

Pole ndatukasi vesipilitu etu citava tulekisa ko omāla vetu ndamupi tukwata unene kwenda ekwatiso lya Suku. Ellen G. White wapopya cimwe cikomohisa calwa: “Pindisi omāla vene okuti ombuwe yavo okutambola eteke leteke epapatiso lyEsipilitu Likola. Eceleli Klistu okukusanga lekwatiso lyaye oco ulingi ovina dongombo yAye. Vocakati calombelo ove citava okwata oseteko yimwe okuti yikalinga upange wove komāla vove, eyulo lyaswapo.”⁸¹

Etu tulongasa omāla vetu okulomba. Pole tuvalongasa okulombela eteke leteke Espilitu Likola? Ale etumwele katucitela okucilinga? Ame landona yange otembo imwe katwacikulihile vo caco. Ame ndipandula ocikembe Suku akwete momo ekambo lyetu lyukulihiso owu vyulomboloka cocili. Pole ndonima yaco viñgami twanyelisa?

78 Garrie F. Williams, *Erfülltsein vom Heiligen Geist – Wie erfahren wir das?* (Lüneburg 2007), S. 8

79 Ellen G. White, *Christ’s Object Lessons*, p. 45.1-46.1

80 *EGW Letter 44*, 1903, quoted in *Adventist Bible Commentary*, vol.7, p.963 on Rev 3:15-16

81 Ellen G. White, *Child Guidance* (1954), p. 69

Omāla vaco vakakomohisa ndati nda va isya eteke leteke pokulyeca ovomwele ku Yesu vakovonga omāla vavo okulomba oco vosi yavo vakwate Esipilitu Likola.

OFELA- OCISOLA CA SUKU ALE EKALO LIWA LIKA LAVAKWETU?

Etepišo lipi likamwiwa kolofela vyolowatepata, vakongelo, ava tulisungwe, vakongelo osongo kwenda lyolwali lwoši la Vakwaklistu yesipilitu ale yositu yotembo ilo? Nye cilipita nda unene wa Suku unyelisiwa lomwenyo umwe hawepokolo ko, nda ocisola ca Suku cinyelisiwa kwenda unene wekandu kawunyoliwa? Omwenyo vosi weyuka to lovina evi ocali ca Suku lalimwe eteke cikakwatiwa.

Vakwaklistu yositu vana valava lika oviholo, vasole okupisa lāvi vakwavo. Eci aciwa ko. Ndañgo etu twachata okupopya vuywa wa Suku, etu vonjanja imosi tusole okulimbuka okuti epongoloko lycililikalipita lika eci litunda vutima womunu.

Vakwepwelele vachata okulinga ovina lepwelele, okunōlapo ovituwa vyolwali. Suku lalimwe eteke asumulwisa caco.

Joseph Kidder walombolola ndomo ekalo lyekongelo etali: “yikasi lociteke”, yeyuka to lombambe, yeyuka luhembi, locituwa cakwalofeka, lekambolyocikembe, lungangala, angombo vakavañgo, akwenjeyovachapo ekongelo, ehongwo lyokutongomāla lyalwa, yeyuka lolongombo kavitundi ocili, yeyuka ñgo lasinumwilo omanu vahongwa kwenda kavalilumbile.”⁸²

Esunga lyovitangi vyetu ekambo lyelitokeko lyetu la Suku (Yohano 15:1-5) kwenda ekalo lyalwa kolohōlo vyomanu (Sakaliya 4:6). Kidder olimbuka vo okuti etetiyo lyomwenyo umwe okuyukisiwa lEsipilitu Likola (Ovilinga 1:8).

Yesu watwiha ocihandeleko cimwe cokaliye: “*Ocihandeleko cimwe cokaliye Ame nducihi; ati soli ukwene; ndeci Ame ndakusolili, ene soli vo vakwene. Vocakati ceci vosi vakakuliha okuti Ene ulondonge vyange, nda ene ulisola pokati.*” (Yohano 13:34,35 NKJV)

Okusola nda Yesu kacilomboloka ati tusola locisola ca Suku (agape). Etu tucitela lika okulinga eci ndatwayukisiwa lEsipilitu Likola.

82 Dr. S. Joseph Kidder, *Anleitung zum geistlichen Leben* (Univesity Andrews), PPP Folie 3+4

“Ocisola cavyalapo cosi ca Suku kwenda ocisola atepelako kakwetu – eci oco ocilumba cavelapo vyosi, cina Isya yetu yokovaylu citava atwavela (...) Ocisola eci acisimilo ko cimwe, pole ocisola ca Suku, unene umwe kahutokoka. Utima kawalilumbile wosi [wayumwe kayukisiwile IEsipilitu Likola] kawutela okweca eci ale kaweci epako eli. Te lika vutima mwatunga Yesu musangiwa eci.”⁸³

Ame ndisima okuti kuli etepiso linene pokati kokukala ukwaklistu “uwa” lomanu lakwetu kwenda okukala ukwaklistu osole locisola ca Suku. Ellen G. White otwiha ondumbu yelomboloko: “Vokulekisa ekalo lychetahālo wuwalo wumbombe kwenda.”⁸⁴

Ondaka ya Suku yeca onumbi kuva Tesalonika 4:3-8 kweci catyamela komwenyo wovitele ale wovina. Vokati kovina vikwavo olomita vivangula kweci catyamela okukala vomwenyo ukola kwenda wesumbilo lowatepata. Calitamālāla locisola cokulivela kwavakwalofeka. Osimbu eci cisukila omwenyo wokulomba olonjanja vitatu kwenda vo okukwata Esipilitu Likola, etu twanolāpo omwenyo umwe IEsipilitu Likola utela kwenda upongolola ulamba wetu wotatepata uwa. Suku oyongola okutusapwila okukwata esanju linene kwenda omwenyo waswapo wuwasi. Kacikasi okutulekisa okuti Suku oyongola okutukwatisa calwa locisola civeta ambi lepwiti lepela?

Yesu walombela omunga yolondonge vyaye: “*Oco okuti vosi yavo vakale vamosi, ndomo Ove a Isya okasi vokwange kwenda Ame Vokwove, oco ovo vo citave vakale vamosi vokwetu, okuti olwali lutava okuti Ove wanuma.*” (Yohano 17:21 NKJV)

William G. Johnsson wapopya ati: “Valwa vandeve te vakwata elombolwilo lyokukala umosi la Klistu. Kosimbu etu katwacele esilivilo lyalwa kweci ale okumāla laponyo (lūvi).”⁸⁵

Klistu okasi vokwetu eci etu tuyukisiwa IEsipilitu Likola. Okukala Ukwaklistu Wesipilitu citukwatisa okukwata akumbululo alombelo etu la Ņgala. Ellen G. White ati: “Eci owiñgi wa Suku ukasi umosi komunga IEsipilitu, Ufaliseu wosi, asunga etumwele osi ana akala ekandu lyavayundeya anasiwa kovitima vyosi ... Suku okalekisa uloñgo una wasalamisiwa olotembo vyosi. Eye okatulekisa “ovowasi ulamba uloñgo

⁸³ Ellen G. White, *Acts of the Apostles* (1911), p. 551.2

⁸⁴ Ellen G. White, *Testimonies for the Church*, vol. 4, p. 348.3

⁸⁵ William G. Johnsson, *Adventgemeinde in der Zerreißprobe* (Lüneburg 1996), S. 118

“ Eci owiñgi wa Suku ulinga umosi vomunga, yesipilitu, Ufaliseho wosi, esunga lyetu lyosi, cina cakala ekandu lyava Yundeya likanasiwa kovitima vyosi. ”

pokati Kavakwalofeka; cina cikasi Klistu vokwove, elavoko lyulamba; (Vakolosäyi 1:27).⁸⁶

ETEPISO POKATI KONGECELO YOCILI KWENDA USUMBA WAÑGO WOKUPISIWA

Ame ndatambula ukanda owu: “Ame ndatatayala calwa kupange wokulikekembela cocili la Isya yange kwenda ndisima okuti ndaciyula. Pole eci ndatanga ocikongamela (*Alyanga Andisa Ketumbululo Lyomunu Lomunu*) Esipilitu Likola lyandekisa vondongosi onyeñgo ndambata ndasimāle ati ndayiyula. Olonjanja vyalwa etu tusole okukwata esuvuko ndelombolwilo lyeponyo vatulingila. Pole ame ndalilongisa ati tusukila okuchapo isimilo evi, nda tuyongola okutambula Esipilitu lya Suku okuswapo. Ame cañgoka kokulinga enōlo lyokuvichapo. Vocali ca Suku utima wange watuñgunywiwa locikembe calwa ca isya yange ndomunu wanyelela kwenje ame ndafetika oku ulombela ko longusu yalwa. Kakwapitile otembo yalwa, isya yange wavilikiya manji yange yufeko kwenda vaswelela wosapwila ko ati ‘pwāyi Yesu osole ame, Yesu ondisole’. Eye wosapwila ko ati watanga elivulu lya Yohano kwenda lyoveta calwa kutima okuti Yesu wofila eye. U wosi wokuliha osimbu citava opopya: “ngandi ayeko vali!” Pole ame ndici okuti Suku wakumbulula calwa ciwa alombelo ange.”

“Vakwaklistu yositu, vana kavakwete ale vakwete onjongo itito yEsipilitu Likola, vakwete lika olohōlo vyokwecela pole kavakwete eci citela okumāla eko lyutima. Esipilitu Likola lyeca ongecelo yaswapo kwenda elyanjo liwa ndolohōlo vyokusola una otunyale.”⁸⁷

⁸⁶ Ellen G. White, *Selected Messages*, book 1 (1958), p. 386.1

⁸⁷ Excerpt from the General Conference Prayer Letter Number 148)

EPINDISO LILONGA

Cikaca he uwa umwe eci empindiso lilingiwa lekambo lyocisola ca Suku ale lilingiwa lungangala? Anölo api ekongelo likalinga nda lyeyuka to lovimatamata ale langombo asongwi vakasi vakwaklistu yositu? Eci ame ndisokolola upange wange wokonyima ndungombo, Ame ndikwete ocisimilo okuti ekongelo likwete ovimatamata vyesipilitu visole okupetula ovimatamata vikwavo keponyo okuvatwala vovolu a Yesu onjanja ikwavo. Kwenda eci omunu aliekembela kwenda alitavela akandu aye ku Suku, oco elungulo lyatelisa ongombo yayo. Olonjanja vimwe vakwaklistu yositu vasole okutala epindiso ndekangiso kwenda otembo yosi vapondola okukapa ko ongusu yavo (1 Kolindyu 3:1-4; 2 Kolindyu 10:3; Yunda 1:19).

OLONDAKA VYUWANJI WUPOLOFETO VOLONEKE VYASULAKO

Suku okwete ocituwa cokulekisa ko vyesilivilo kapolofeto Aye (Amosi 3:7). Eye waca asapulo esinumwilo lyesilivilo lyalwa vyoloneke vyasulako vocakati ca Ellen G. White. Tunde opo vyalwa ovina vyalitepa okuvelapo olotembo vyapita, cesilivilo kwenda cisukiliwa calwa okuvokiya ko asapulo esilivilo atunda ku Suku. Etali etu citava tucivilikiya ati “cokaliye” “vimwe vyokaliye”. Ndomo Ellen G. White acipopya okuti asapulo ava esilivilo lyalwa toke eci Yesu akeya onjanja yavali. Tunde eci alungulo aye ekalo lyomwenyo waye wepongoloko afetika, apiso aye, alungulo aye kwenda vikwavo, omunu ukwesipilitu culelukapo vali ambi ukwasitu okutava alongiso aco. (Pole nda yumwe omunu okapako alungulo ava locili calwa eci kacilomboloka okuti okupisa oko walinga ukwesipilitu.) Cesilivilo okusima vyatyamela kolondaka Vyesinumwilo 18:19 NKJV: “*Kwenje cikakala okuti u wosi kakayeva ondaka yange, yina eye (upolofeto) avangula vonduko yange, ame ndikoyipinga.*”

Eci citulombolola okuti esapulo lyupolofeto wacilo kayatundile komunu waco, pole Suku eye mwele yesapulo lyaco. Ndamupi tukacikuliha nda yumwe upolofeto wocili? Ondaka ya Suku yitwiha atosi atälo oseteko.

1. Ekalo lyavo lyomwenyo—“*Omolyaco, vocakati capako avo ove okavakuliha.*” (Mateho 7:15-20)
2. Okulipita kwesapulo lyaco: Esinumwilo 18:21-22 (okupa ko uwanji wupolofeto watyama kumwe—olumapu wa Yona yatyamela kekalo lyomanu noke yelungulo.

3. Yivilikiya locili calwa okuloŋga ku Suku (londaka ya Suku) (Esinumwilo 13:1-5).
4. Yilimbuka Yesu ndomunu yumwe wocili kwenda Suku yocili (1 Yohano 4:1-3).
5. Alongiso aye aliloŋga Lebimbiliya (Yohano 17:17).

Ovihandeleko vyosi vya Suku, alungulo Aye osi alingiwa lapolofeto, akasilili uwa wetu. Eli olyo esunga vikwetelele esilivilo lyaposoka. Apolepo te lika omanu vakwesipilitu vatela okupokola longusu ya Suku, lesanju kwenda vakuliha okuti eci cikwatisa komwenyo una wama ko. “Koleli ku Ŋgala Suku yene, kwenda ene ukatunga; Tavi kapolofeto Aye kwenje ene ukamama ko.” (2 Asapulo 20:20 (NKJV))

Ocipama Cosikola yetu Yesambata cilombolola eci kwevi vyosi vyatyamela kukamba womwenyo umwe lEsipilitu Likola kwenda ondaka yupolofeto wotembo ilo: “U wosi olikala ondaka yuwanji wupolofeto ale esitulwilo lyupolofeto, yolikapa ocipala eyemwele cesongolo lyEsipilitu Likola. Onima yaco ayalitepele okupyalāpo eci yakala, omolyaco okanyelisa–ukamba la Suku okutyama kokukwata onjongole yovina vivi.”⁸⁸

Nye eci cikasilili oco? Ŋgala citava otwiha Esipilitu Likola eci etu tulikala ocilumba cEsipilitu Likola–Ondaka yuwanji wupolofeto?

OKULINGA ONGOMBO / ULOŊGO

Ongombo imwe yesilivilo okusandiliya ongombo iwa kwenda olonjila vyokwendisa ongombo yekongelo kwenda upange waye. Eli epulilo lyongombo kwenda ovoloŋgo etu. Eci cavelapo kokupamisa ekongelo vesipilitu kwenda okutavisapo vali ovimwenyo.

Ame ndapapatisiwa kwapita alima 65 kwenda ndakala ungombo eci cisoka 43 kalima. Etu twalinga ovolala alwa kwenda olongombo. Etu twalinga olongunja. Evi vyaŋgoka okusima vali olondaka vya Dwight Nelson kelisango lyekuta Lyolwali lwosi vunyamo wo 2005.

“Ekongelo lyetu lyalinga olonjila vyalwa, ovolala vyalwa eci cikomohisa, olongombo kwenda ovolala aliyekala, pole nda kesulilo lyaco katwecelela ekambo lyetu lyEsipilitu Likola, cina cikwatakwata valwa, angombo

88 *Studienanleitung* Standardausgabe, Philip G. Samaan, 10.11.1989, to question 8

vetu, asongwi vetu vosi, etu lalimwe eteke tukandela vonjiliko twavotwiwa.”⁸⁹

Vocisimilo cimwamwe, Dennis Smith ovangula vali evi: “Ame sinyale olongombo vyalingiwa ale ovolala lolonjila vyayo. Pole ciŋgoka usumba ceci okuti etu otembo yosi tukolela lika kovina evi oco twamamaseko upange wa Suku. Olongombo, ovolala lolonjila vyosi kavikatelisa upange wa Suku. Undi inene, ocimuka Covisungo Vikomohisa Cavakwaklistu, ovisunji vyo sateliti kavikatelisa upange wa Suku. Espilitu lya Suku okatelisa upange–Espilitu lya Suku okavangula kwenda okatalavaya vocakati calume la kāyi vayukisiwa to lEspilitu.”⁹⁰

EPAPATISO / OKUYOVOLA OVIMWENYO

Embimbiliya litulekisa okuti Espilitu Likola cikasi eci cisukiliwa tete kokupopela omanu mu Klistu (tala elivulu lyo Vilinga). Ko Alemanya etu tukwete akongelo avela po akongelo osi kokukula kwenda akongelo akasi okukupuka. Volwali lwosi etendelo lyovimatamata vekongelo lyetu lisukila okupitahala akwi kalima 60 ava asulako. Etu citava tutondongola asunga ocitangi eci ko Alemanya. Pole ocina cimosi candomboloka: Esunga lyeci cosi okulipita ekambo lyEspilitu Likola. Ocilimwele ocitangi eci cisole okutusakalasa calwa. Etu tusole okukwata olongombo kwenda ovolala alwa.

Tusole okutala okuti ekambo lyEspilitu Likola vonjongo inene yisokwambata valwa kenyelelo olotembo vyosi, etu tusima okuti havyesilivilo ko ale eci kacitwala kumwe. Ovisimilo vimwe vivali vyopiwa ku Ellen G. White, vilekisa ekalo eli ati: “Ŋgala kakasi cilo okutalavayela okunena ovimwenyo vyalwa ko cili omo lyovimatamata vyekongelo kavyalatava kwenda vina vyatavele onjanja imwe pole vapinyanyuha vali. Esilivilo lipi ovimatamata kavyalilumbile lutima wosi [Vakwaklistu Yositu] vakwete kuvana vatava ndopwilo?”⁹¹

89 Helmut Haubeil (Hrsg.), *Missionsbrief* Nr. 34, (Bad Aibling, 2011) p. 3

90 Dennis Smith, *40 Koloneke – Alombelo kwenda Afendelo Elipongiyo Okwiya Kwavali* (Wien, 2012), p. 88

91 Ellen G. White, *Testimonies for the Church*, vol. 6 (1901), p. 370.3

“Nda etu twaliketisile vovolu a Suku, kwenda twakalele vakwacikembe, twakalele vakwembombe, nda kukala ovita vyava vatava ndopo kuna etali kakuli ndaño umosi.”⁹²

Ciletiwe lavosi okuti etu tupapatisa omanu kavapile okulipongiya citela. Ellen G. White wapopya: “Okucitiwa evali oseteko imwe kayachatele otembo ilo volwali. Olyo esunga tukwetele ovitangi vyalwa vakongelo. Vatito, vatito calwa vatukwiwa ati Vakwaklistu kavalilumbile kwenda kavakoli. Ovo vapapatisiwa pole vakendiwa lomwenyo. Epela kalyafile, omolyaco ovo kavafetikile omwenyo wokaliye la Klistu.”⁹³

Eci casonehiwa vunyamo 1897. Lipi ekalo lyetali? Ocitangi aci: Wosi kacitiwile evali kayukisiwile lEsipilitu Likola. Yesu wapopya ati: “*Te nda yumwe wacitiwa evali kovava kwenda Espilitu, nda aco ko kakañgila kusoma wa Suku.*” (Yohano 3:5 NKJV) hocili ko okuti etu twasiñgiwa lekambo lyEspilitu Likola kolonele vyosi?

ESIPILITU LIKOLA KWENDA OHUNDO

Suku otusapwila evi kweci catyamela kelomboloko lyEspilitu Likola kwenda okukunda ati: “Okukunda ondaka kacikakwata esilivilo nda calingiwa lekambo lyekwatiso lyEspilitu Likola otembo yosi. Eyelika Ulongisi weyulo lycili ca Suku. Telika eci ocili cikwamwiwa toke kutima lEspilitu Likola, ocisimilo cikayaywisa ko kokupongolola omwenyo. Yumwe citava okunda ciwa Ondaka ya Suku, citava okuti ondaka yilekisiwa, eye citava okuliha ciwa alikuminyo osi Embimbiliya; te nda Espilitu Likola lyakapa ocili kutima, lacimwe ocimwenyo cikakupukila Kewe okulitetula. Layimwe onjongo yelilongiso, lalimwe esilivilo cikwete, nda katalavayele kumosi lEspilitu lya Suku.”⁹⁴

Ohundo kayikwete onepa lika kepuluvi lyohundo, pole valilongisa Embimbiliya kwenda volohongele kwenda loko vitundo vyokutata vakwetu ale kolonjila vikwavo!

Randy Maxwell ati: “Ocilikocili tukasi lokufa lenyona lyokukala la Suku yomwenyo!”⁹⁵

92 Ellen G. White, *Testimonies for the Church*, vol. 9 (1909), p. 189.4

93 Ellen G. White, *MS 148* (1897)

94 Ellen G. White, *The Desire of Ages* (1898), p. 671.4

95 Randy Maxwell, *If my people pray* (Pacific Press, 1995), p. 11

Anga vo ekambo lyEsipilitu Likola litusalwisa? Emilio Knechtle wakwata esunga eci apopya ati: “Mekonda lye katutelela okupongolola olwali olwo lwavola ndeti lovolu kilu? Cimwe kacikasi ciwa lovisimilo vyetu. Etu tukwete usumba wuyaki, tukwete usumba wokulyatiwa, tukwete usumba wokunyelisa upange (ocipato cetu), tukwete usumba wokunyelisa esumbilo lyetu, tukwete usumba wokunyelisa omwenyo wetu. Omolyaco, tutongeka vokuha kwenda okulisalama. Omolyeci tukwete usumba kwenda tulisalama okusandeka esapulo kolwali lwosi longusu kwenda onjongole cho.”⁹⁶

Etetiyo lyocitangi eci cisañgiwa ko Vilinga 4:31 NKJV: “*Kwenda noke lyovo okulomba osi apa valyongolwila yatuñgunyiwa; Kwenje vosi yavo vayukisiwa to lEsipilitu Likola, kweje vasandeka ondaka ya Suku lu tōyi.*”

ESIPILITU LIKOLA KWENDA OVIKONGAMELA VYETU

Eci civangula kweci catyamela kovisonewa ati: “Nda epopelo lya Suku likasi lusoneyi wopapelo, esipilitu lyaco likakalavo lu okayitanga. Okacinimbu kasonehiwa Vesipilitu lya Suku, angelo akatungunya vo ava vakayitanga. Pole opapelo yasonehiwa lusoneyi kayukisiwile lEsipilitu lulamba wa Suku kalilumbile vo olumwe kokwaye, angelo vayeve ekambo lesumwo. Ovo vamba onyima kweci, kavapetula ava vakasi lokutanga ocisonewa caco momo Suku kwenda Esipilitu kavakasi mweci. Olondaka viwa pole kavikwete ongusu yEsipilitu Likola. Tala Etundilo 31:1-5; 35:30; Valoma 8:9 kwenda Ovilinga 1:8.”⁹⁷

Elomboloko lipi eci cikwete kokutepisa ovisonewa vyetu?

Ame njongola okucipitulula vali: Vekalo lyetu havyosiko etu tulinganga vyaliponya. Ocilikocili cho. Etu twamyoñgolōla viwa kwenda viwa calwa. Suku ocilikocili wasumulwisa olohōlo vyetu ndomo citela. Pole epulilo lyesilivilo lyeli: Etu tusokisa akisika ava ndesipilitu ale ndakwasitu? Cimosi cimwe cocili: Eci etu tutatayala okusanga atetiyo ovitangi vitito vyositu, etu twiya tunyelisa otembo yalwa elivova; etu twiya tukalinga upange walwa una kahukasilivila.

⁹⁶ CD *Die letzte Vorbereitung*, Teil 6

⁹⁷ Ellen G. White, *PH 016*, p. 29.1

Ovisimilo Vyomunu Lomunu kwenda Esongolo Lyapulilo

1. *Api apako akwaklistu yositu?*

2. *Mekonda lye esumwo lyutima likasi ocitangi Cinene?*

3. *Nye tukanyelisa eci etu tulikala asapulo ocili uwanji wupolofeto?*

4. *Mekonda lye Esipilitu Likola likwetele esilivilo lyalwa kupange wokukunda, cikale kovisonëwa vyetu cikale kolomultimidyä?*

Epuuvi lyetu Lyelombelo

- Vilikiya ekamba lyove lyelombelo sapeli vyonondovitwe.
- Lomba lekamba lyove lyelombelo.
 1. Oco Ñgala akuyukisi lEsipilitu Likola etali.
 2. Oco etu tumãle atatahãyi ocipito okuti Suku Eyemwele opopya kokwetu vocakati capolofeto ocili.
 3. Oco cilomboloke okuti okukunda lekambo lyEsipilitu Likola cinena lika apako omanu.

*Nye etu tunyelisa eci
katulombela Esipilitu Likola?*

**ESIPILITU LIKOLA: NDA KAKULI OMBELA YOKUKULA
OMBUTO KAKULI VO OMBELA YOKUMISA APAKO**

“Ombela yokukula, okuyukisiwa lEsipilitu Likola yitwiha utunga wesipilitu usukiliwa, oco tulikwatise layo kombela yokumisa.”⁹⁸

“Ombela yokungula ikulisa eluliko lyongongo, yilekisa ocali cesipilitu cina cipongiya ekongelo kokwiya Kwomōla omunu. *Pole te ñgo nda ombela yokutundisa ombuto yawa, kakukakala omwenyo; emela litalala kalikamoleha.* Nda ombela yatete kayalingile upange waye, ombela yokumisa ovikula kayikatelisa upange wayo.”⁹⁹

ESIPILITU LIKOLA KWENDA OKUKOLA KWEMBIMBILIYA

“Upange owu (okukola kwembimbiliya) citava utelisiwa lika vocakati cekolelo mu Klistu, vocakati cunene wokukala lEsipilitu lya Suku.”¹⁰⁰

UPANGE UNENE LEKAMBO LYESIPILITU LIKOLA WENDA?

Citava olonjo vinene vyelilongiso, ovolala asapulo aswapo kwenda ovoloño ocikundi camako lekambo lyEsipilitu Likola? Andrew Murray ngambati yesapulo yinene yoko Aflika Yokombwelo wacikulihile yu wakumbulula okuti citeliwa kwenda ocilikocili cusoma wa Suku citava cenda ndaño lekambo lyEsipilitu, eci eye asoneha aci:

“Ame citava ndikunda ale ndisoneha ale ndisokolola, kwenda ñgwata ombili yokulitateka lovina vyalivulu a Suku kwenda vyusoma wa Suku; andilopo unene wEsipilitu Likola kahukalapo. Ame ndisima okuti nda

⁹⁸ Elivulu 2 lya Dennis Smith, *40 Koloneke – Elombelo kwenda Ocipama cokutumbulula Oseteko yove la Suku.* (Vienna, 2013), p. 175

⁹⁹ Ellen G. White, *The Faith I live By* (1958), p. 333.3

¹⁰⁰ Ellen G. White, *The Great Controversy* (1911), p. 469.3

ove okunda vocakati cekongelo lya Klistu kwenda opula nye kukasilili esumwo lyalwa! Okangusu katito lika kamwiwa kokukunda Ondaka, Mekonda lye kukasilili upange walwa pole citito lika twongula cocomwenyo kopwi? Nye Ondaka ya Suku yikasilili lika lunene utito kokutumbulula oloñgwame komwenyo ukola kwenda wokulyeca olumwe–ekumbululo lyeli: cosi eci ekambo lyunene wEshipilitu Likola. Kwenje mekonda lye eci? Kakuli esunga limwe likwavo pole apako etimba lyositu [tala Vangalatiya 3:3] unene womunu owo wapiñganya ocitumālo cEshipilitu Likola.”¹⁰¹

ESIPILITU LIKOLA KWENDA UHAYELE

“Omolyaco avamanji valume kwenda avamanji vafeko, vohenda ya Suku ame ndukuhandeki okuti eci atimba ene ndocilumba cikasi lomwenyo, cina cikola kwenda cisoliwe la Suku aco ocili cove kwenda efendelo lyaco.” (Valoma 12:1)

“Ene kawacikuhili okuti ene unembele ya Suku kwenda Eshipilitu lya Suku litunga vokwene? Nda yumwe wanyola onembele ya Suku, Suku iya unyolā vo. Momo onembele ya Suku ikola, ene wunembele yaco.” (1 Vakolindyu 3:16-17 KJNV)

“Ale ene kawacikuhili okuti etimba lyene likasi onembele yEshipilitu Likola lina likasi vokwene, lina ene watambuli ku Suku, hanga ene kawacikuhili kawatyameli kokwenemwele? Momo ene walandiwi londando imwe; omolyaco eci ulamba sivayi Suku vatimba ene kwenda vesipilitu lyene vina vikasi vya Suku.” (1 Vakolindyu 6:19-20; talavo: Etundilo 15:26)

Omanu vayukisiwa lEshipilitu Likola ovo vakasi lika onembele ya Suku. Ove watalamele he okusima esilivilo lyeci cikwete komwenyo wove? Onembele ocitumālo Suku akala. Suku wapopya ku Mose ati: *“Nungiliko ocitumālo cikola oco nditunge lene.”* (Etundilo 25:8)

Nda etu tukapako ovilongwa evi locili cosi kwenje tutata uhayele kwenda ekalo lyomwenyo wetu cikaleluka okulinga onepa vomwenyo wetu woñgwame. Etimba lyetu lyatamba ku Suku. Ove oyongola okukovonga Suku ndomo casoka? Oco, etu tuyongola okutata etimba lyetu ciwa kwenda ndomo alilongiso a Suku aca onumbi! Ekisika eli likoka epokwiso lyalwa. U wosi wayukisiwa lEshipilitu Likola okakapako akisika osi lesanju. Omina yaco uhayele vetimba, uhayele vesipilitu kwenda vomwenyo. Wosi

101 Randy Maxwell, *If My People Pray* (Pacific Press 1995), p. 145

kayukisiwile lEspilitu Likola okatatayala kwenda okatala ohali lolohela. Suku otuyongwila etongeko lyuhayele wetimba lyetu kwenda wesipilitu kulamba waYe, ociyongwila upange waYe kwenda esanju lyetu mwele. Konepa eyi kakuli lacimwe cipiņganya okuyukisiwa lEspilitu Likola. Eci Yesu akala vokwetu vocakati cEspilitu Likola, Eye okala-vo “*Ńgala okatukayisa*.” (Etundilo 15:26) Ekayiso otembo yosi yalekasawa vonjila imwe yavelapo komunu waco kwenda vo cilingawa ulamba wa Suku. Eci citava cipetula epulilo: Anga ndotolo yokovaylu otela okukayisa wosi?

“Ukulu yumwe ndona Kambondiyani (woko Kambondya), watilila kosipitali yetu yepya limwe lina lyakala kocilombo cokutilila oko Kotaylandya. Eye wawalele uwalo wakāyi ava Mbundista. Eye wapinga okutatiwa landotolo Yesu. Kwenje ovo vosapwilako vya Yesu. Eye waca ekolelo lyaye ku Yesu kwenje etimba lyaye kwenda omwenyo waye wakayisiwa mwele. Eci eye akwata ongusu yokutyukila ko Kambondya watela okutwala 37 komanu kovolu a Klistu.”¹⁰²

Eci Soma yocili Esekiya avela Ńgala wotumisa esapulo limwe: “*Ocilikocili Ame ndikakukayisa*.” (2 Olosoma 20-1-11) Pwāyi mekonda lye Ńgala kokayisile londaka, pole wokisika okukapa ovipeta vyukuyu? Kacilomboloka he okuti Ńgala okevelela etu okulinga onepa yetu oco apongolole ovikulya, akulisengasenga etu, oco tusokise epuyuko lyetu kwenda vikwavo? Mekonda lye Suku kakayisile Pahulu, pole wo ecelela “lolusongo vetimba lyaye”? Yu Pahulo eyemwele apopya ati: “*Suku wacelela eci oco ame sikalitunule mekonda Lyonjongo yasitulwilo andilekisiwa*.” (2 Vakolindyu 12:7-10) Ndaņgo Ellen G. White otucisapwila ati: “Unene wEspilitu lya Suku ocihemba cavelapo vyosi okuti citava citambwiwa lulume ale lukāyi ovela. Ovaylu osi uhayele lika; kwenda upange wongusu yokovaylu wavelapo walingawa calwa oco yikale ekayiso yolonāve ilema.”¹⁰³

Hacesilivilo ko kwenda hacokwivaluka ko eci ulume umwe ukwamilu asoneha? Eye wasoneha mekonda lye alilongiso osi uhayele kaholingile uwa lawumwe. Pole tunde eci eye afetika okulomba eteke leteke oco akwate Espilitu Likola wapongoloka wosi kekalo lyuhayele kwenda wanōlapo okulyalya vyeluliko.¹⁰⁴ Eci kacitulekisa okuti okuyukisiwa lEspilitu Likola

¹⁰² Usovoli kakulihwile, *Our Daily Bread—Elivulu lyevendelo* (RBC Ministries), 26. Nov. 1993

¹⁰³ Ellen G. White, *Medical Ministries* (1932), p.12.3

¹⁰⁴ oEmail yeteke 7.3.2013

citava citwiha ongusu lonjongole yokwamama ko lonjolela yokutava ekalo lyokulya kwuhayeleye?

Manji yumwe yufeko watanga ocisipulwi eci. Eye wasoneha ati: Vocakati cokulyeca kwange olumwe ku Yesu, Suku wamongolola okuswapo vonjanja imosi. Noke lyelombelo lyange lyokulyeca olumwe, lomele eci ndaŋgila kociwo ndamēla komakina yokulinga okafe, ndatuŋgunya utwe wange kwenda ndapopya kokwangemwele ati: Cho, ame sinywi vali o kafe. Konyima eci kacalamwiwa momo eci ndasetekele okutalama okunywa o kafe ame candisakalalale calwa, oloneke vitālo vyakala vyevalo lyalwa okusokolola okucichapo. Onjanja eyi ame sasimile kolohela vikeya pokucichapo. Ame ndici lika okuti siyongola vali okuyuvila o kafe. Etali ame sikwete vali onjongole yo kafe¹⁰⁵ Eci cakala kamwe katondongwiwa kapongoloko alwa omwenyo waye. (Ame ndukwimbili onumbi yokutanga ocikongamela “Ukanda wa Andelenyi 5”) kwevi vyatyamela keyulo lyakaya kwenda owalende koholwa yosi iyongola okupopeliwa kwevi vyosi vikolwisa. Eci cilombolola lokutanda kwalwa ndamupi cikapiwa-ko vocakati calombelo lalikuminyo [cikasi lika kelimi lyo Alemanya, Oputu kwenda Ongelesi yikasi okupitiyiwa vo kelimi Lyumbundu]¹⁰⁶

Omweno ukasi lEsipilitu Likola ukanena calwa etumbululo lyuhayeleye. Esapulo lyuhayeleye lyalitokeka lunene wepongoloko. Don Mackintosh, Usongwi wo Newstart Global, Weimar, CA, wapopya: Eci cisukiliwa calwa koloneke vyetu elilongiso ko lika lyuhayeleye—etu tukwete alilongiso amamako calwa. Eci cisukiliwa alilongiso aleluka uhayeleye lunene wokucikapako cina cikasi unene wepongoloko.”¹⁰⁷

Ndotolo Tim Howe wapopya vo: “Elilongiso lyuhayeleye lika kalineni uhayeleye. Elilongiso lyuhayeleye kalineni uhayeleye okuvelapo ocisila ca Suku cepopelo. Oco kwiye uhayeleye ale epopelo unene wa Suku wepongoloko te wasetekiwa.”¹⁰⁸

Kesulilo lyaco, ame ndayongwile okulinga epulilo: Oyongola akayiso ekolelo? Citava yumwe ocikevelela lekambo lyEsipilitu Likola? (Tala Maluku 16:17-18; Tyangu 5:14-16)

105 oEmail yosāsi Yacembanyima 18, 2014 Yamanji yumwe yufeko M.

106 *Ukanda Wandelenyi Etendelo 5*, Eyulo Lyakaya kwenda Owalende, [www.https://steps-to-personal-revival.info](https://steps-to-personal-revival.info), silā olumbutāwu: Victory over Tobacco and Alcohol.

107 Dave Fiedler, *D’Sozo* (Remnant Publications), Forword

108 Dave Fiedler, *D’Sozo* (Remnant Publications), Forword

ELIPONGIYO LYOKWIYA KWAVALI KWA YESU

Kakuli eci cipiņganya Esipilitu Likola kukamba wocituke la Yesu welipongiyilo Lyokwiya Kwavali kwa Yesu. Eci Klistu akasi vokwange vocakati cEsipilitu Likola, oco ame ndalipongiya vocakati cocali Caye. Olenele vitatu vikwāyi ko citava vilekisa eci. (Eci cilombolwiwa ciwa Kepapatiso lyEsipilitu kwenda kovipito vyasulako vyongongo vya Dennis Smith.)

Ukamba Womunu Lomunu la Klistu

Yesu wapopya: “Kwenda eci oco omwenyo kopwi okuti ovo citava vakukuliha Ove Suku ulika wocili kwenda Yesu Klistu una Ove watuma.” (Yohano 17:3 NKJV) “Okukuliha” cikwete elomboloko lyondongosi Yembimbiliya okuvela po etali velimi Lyongeesi. Eci Vembimbiliya cilomboloka elikuminyo lyocisola caswapo kwenda locikembe. Cikasi lika vomwenyo lEsipilitu Likola.. Ocisimilo eci calombolwiwa vomita eyi: “Etu tusukila elitokeko lyesilivilo la Suku. Etu tusukila okukala ocituke lunene wokovaylu vocakati cepapatiso lyEsipilitu Likola, oco okuti etu tutela okusiņga ocisila cavela po momo kakuli ekwatiso likwa vo ndeli.”¹⁰⁹ Volusapo wakwi valipwa Yesu wasapwila kafeko aveke: “Ame sakukulihili. Lipi lyakala esunga? Ekambo lyulela cina cilomboloka ekambo lyEsipilitu Likola (Mateho 25:1-13). Alume vavalela Yesu vakwata ukulihiso walwa Wuwale Wosimbu. Pole mekonda lyelomboloko lyuhembi ovo vakwatele, kavavandeketelele kesapulo lyukamba womunu lomunu la Yesu. Anga etu twacikuliha ale okuti omanu voloneke vyasulako omo lyakatanga oloneke vyasulako vakasukila elitokeko limwe lycituke la Suku?

Esunga vocakati Cekolelo

Esapulo lyasulako lya Suku komanu vosi “lyangelo atatu” lilinga epulilo lyokusandeka “*esapulo lyenda hu*” (Esitulwilo 14:6-7). Cipi cesilivilo cesapulo eli, olwali lwosi te lwayeva, anga lukaciyeva mwele? Esunga lika lyaswapo vocakati cocali lekolelo mu Yesu Klistu eci cikateliwa (Efesu 2:8-9). Vosi vana vasandeka esapulo eli lyoloneke vyasulako lunene, vasukila tete okuseteka ovomwele unene wesapulo lyaco. Ovo vasukila okukuliha kwenda okuseteka esunga vocakati cekolelo lya Yesu una okasi ulika kokwecela kwenda kokupopela kekandu. Eci citeliwa lika vocakati

¹⁰⁹ Ellen G. White, *Review and Herald*, April 5, 1892

komwenyo wayukisiwa lEsipilitu Likola vocakati ca Yesu Klistu otutelisa okupokola. Yesu watunga lika vokwetu nda tupokola ovihandeleko vyosi vya Suku. Olwali lukamilihiyiwa lesapulo eli (Esitulwilo 18:1).

Okusola Ocili

Etepuso lipi likwamwiwa etali komwenyo wetu ndatukasi ale katukasi lomwenyo umwe wayukisiwa lEsipilitu Likola kweci catyamela **kokusola ocili, kwenda okutunga ondaka ya Suku lokukapa ko ocili vomwenyo wetu?** 2 Vatesalonika 2:10 NKJV kupopya ati “... *vana vakasi okunyenlela momo ovo kavatambwile ocisila cocili vovitima vyavo oco vapopeliwe vo*”. Vosi vana kavateliwa okukembiwa vakwete ocisila cocili vovitima vyavo. Ndamupi pwāyi etu tutambula ocisila eci? Etu tukwata lika eci la Yesu Klistu vokwetu vocakati cEsipilitu Likola. Kuva Loma 5:5 kupopya ati ocisola vovitima vyetu cikapiwa ko cikapiwako lEsipilitu Likola. Efesu 3:17 kutusapwila vo ati etu katukayukisiwa kwenda tukatumālisiwa vocisola” vocakati cEsipilitu Likola.

Ku Yohano 16:13 Esipilitu Likola livilikiyiwa “Esipilitu Lyocili”. Eci citulekisa ciwa okuti cisukila okukala Ukwaklistu wesipilitu oco tukwate ocisola kocili. Etu etali anga tukwete ovitangi vyokukwata ocisola kocili, ocisola kondaka ya Suku, ocitangi cokusola ovisonewa vuyuwangi wupolofeto (alivulu a Ellen G. White)? Kapiko otembo etu tukasi: Te lika olonangi vyo visonewa kwenda vana vatambula ocisola kocili vakalaviwa kunene wesanda una usole okukapa olwali kupika ... Anga cilo owiñgi wa Suku yowukapa ko eluluvalo lyavo lutōyi walwa kondaka yaYe oco ovo kavakakokiwe lovisimilo vovitima vyavo?”¹¹⁰

Suku kakatupula nda etu twalimbuka ocili cosi, Eye okatupula nda tusole ocili.

APAKO ESIPILITU ALE APAKO OSITU

Unene wEsipilitu Likola omwenyo wa Klistu vocimwenyo. Etu katulete Klistu oco nda tu vangwise, pole Esipilitu Likola lyaYe likasi ocipepi letu kolonele vyosi ale kukwavo. Eci citalavaya lika komanu kwenda vocakati cu wosi otambula Klistu. **Vosi vana vakuliha okukala kwEsipilitu valekisa apako Esipilitu ...**¹¹¹

¹¹⁰ Ellen G. White, *Ema Linene* (1911), p. 625.3

¹¹¹ Editor Francis D. Nichol, *Esembi Lyembimbiliya Lyondeve*, vol. 6 (Hagerstown, 1980), p. 11

Vangalatiya 5:22 NKJV: Ocisola, esanju, epandi lyalwa, ocikembe, ohenda, esunguluko, esunga, ekolelo, elikandangiyu. Efesu 5:9 NKJV: ovowa osi esunga kwenda ocili.

Vangalatiya 5:16-21 KKJV, kutulekisa ati unene wekandu ukatetwiwa kokwetu vocakati cEsipilitu Likola.”

“... endeli Vesipilitu, kwenje ene kawukatelisa olonjongole vyetimba. Momo ositu ziyaka kelitamälälo lesipilitu kwenda esipilitu lositu; kwenda ovyo vyalitamäläla omunu lokwavo oco okuti ene kahukalingi ovina vyolonjongole vyene. Pole nda ene endisiwi lEsipilitu ene kahukasi vemehi lyo cisila.” (tala vo Valoma 7:23 + 8:1) “Kaliye apako ositu akulihwiwa ana akasi: Uvasi, eviho, ohumba, oviteka, ovombanda, asuvu, ovayma, asepa, olonyeño, akulipatäla, olonamaläla, olonepele, olonya, ovoholwa, ayele, usapanu kwenda vikwavo vyalichetahäla; vina ame ndukulemeli kwendavo eci ndakusapwili ale kosimbu okuti vosi vana valinga ovina evi kavakapiñganya usoma wa Suku.”

OVILUMBA VYESIPILITU

Kovilumba Vyesipilitu tuvangula olongavelo vyEsipilitu Likola, ndomo vyalombolwiwa kuva Kolindyu 12:28 kwenda ku Efesu 4:11: Umesele wupolofeto, umesele wohundi, umesele wulongisi, umesele wakwavikomo, umesele wovimbanda, umesele wokukwatasa, umesele wukaleyí, umesele walimi alwa. Olongavelo evi vipongiya olosandu vyupange wokukunda ... Evi vyeca esumbilo kuvangi wekongelo kwenda vyeca esongolo lonumbi vo.”¹¹² Esipilitu Likola lyeca vo olongavelo vikwavo vyeciwa upange wayo: “vukulihiso kwenda lovopange osi omanu valinga” (Etundilo 31:2-6) ale umesele wakitetula (1 Alusapo 28:12,19).

Eci etu tuyongola okukala olondonge vya Yesu etu tweca cosi tukwete kwenda cosi tukasi kokwAye. Cikale olongavelo vyetu vyosi, cikale ovopange ateliwa, cikale ava vakapiñganya, cikale eci valilongisa vikasilili upange waYe.

Eye citava otuvokiya ko olongavelo kwenda Eye citava vo oyelisa ovoloño etu. Citava etu tukwata olongavelo Vyesipilitu eci etu tukasi lekambo lyEsipilitu Likola?

112 Hrs. Gerhard Rempel, Schlüsselbegriffe adventistischer Glaubenslehre (Hamburg), S.44

ENÖLO LYA SUKU ALE ENÖLO LYOMANU?

Etu tukwete ulala welyanjo lyekongelo kolwali lwosi. Pole eci kacalasi miwa ndelyanjo lyomanu vosi. Ongombo yocili yocela cetu omunu lomunu okulinga enölo lyaye vocakati cokuyeva ondaka ya Suku kwenda ndomo casunguluka. Vocakati cokuyeva ondaka ya Suku olinga enölo lyaye ndonjongole ya Suku. Etu tulomba apahandi lyokufetika ulala umwe valisañgo. Otembo yosi kalisañgo lyovisunji / vofela, apahandi lyomunu okulikuminya cimwe olomba oco cilomboloke ndomo Suku ayongola enölo lyaye. Nehemiya ati: “*Noke Suku yange wañgapa eci vutima ...*”(Nehemiya 7:5) kwenda Ellen G. White wapopya ati kweci catyamela koseteko ya Nehemiya komitulwilo 1: “kwenda eci eye alikutilila ongombo imwe ikola yalitunga vutwe waye”¹¹³

Ukwaklistu yositu anga okayeva ondaka ya Suku? Nda eye kakwete ukulihiso wolondunge kwenda kalyecele olumwe ku Ñgala kakakwata ekumbululo lalimwe (Olosamo 66:18; Olosamo 25:12). Nda yumwe Ukwaklistu yositu onöla locili kwenda lukulihiso wavelapo wutima waye, olombangulo vyukwasitu vikasi ciwa kokwaye. Pole kepuluvi lyokusuñgamisa olondaka vyokutava, kokwaye cikamwiwa ndekisika kwenda ekandu.

Asongwi vakwete unene umwe unene kupange wa Suku. Eci ocilikocili cilinga etepiso limwe linene kwenda citava cikwata onima inene nda vamanji yakwenje kwenda yafeko vasongwiwa okuvilikihwa la Suku ale vana vanöla lika lukulihiso womunu.

Osimbu ndakala okutanga elivuvu limwe vocakati celombelo, ame ndanölapo okupinga Suku oco atulekise onjila ipi etu twendela (Olosamo 32:8). Eyevelelo lyondaka yokañgunu-ñgunu ya Suku lyapongolola omwenyo wange wosi. Ame ndalombolola oseteko eyi kevanganduko (onondovitwe itukwiwa “From Business Representative to Pastor” (Kusongwi Yolomilu toke Kungombo) yikasi lika kelimi lyo Alemaniya.¹¹⁴ Kulivo ohundo imwe iwa oco iyeviwe ya Kurt Hasel” How can I make the right decisions? (Ndamupi ndilinga enölo lyasunguluka?) “Layovo ikasi lika velimi lyo Alemaniya.¹¹⁵ Kwenda kulivo ohundo inene yokutanga yalima

113 Ellen G. White, *Southern Watchman* (www.egwwritings.org), March 1, 1904

114 www.gotterfahren.info—Gott verändert Leben—Vom Prokurist zum Prediger

115 www.gotterfahren.info—Wege zum Ziel: Gott erfahren—Gottes Botschaft für unsere Zeit—Thema Nr. 11

okonyima yapita ya Henry Drummond: “Ndamupi ame ndikuliha onjongole ya Suku?” (ikasi lika velimi lyo Alemanya) ¹¹⁶

Ame ndakolāpo okuti etu tukavilikiya vali alungulo a Suku koloneke evi vyasulako.

Yoheli 2:28-29 yilekisa eci: Ellen G. White eca asempi: “Etu omunu lomunu tusukila okuyevelela Eye okuvangwila vutima wetu. Eci ondaka imwe ikwavo yitalamisiwa kwenje vokuha etu ocituke laYe tukevelela kokwaYe, vokuha kwomwenyo kuyeviwa vali ciwa ondaka ya Suku. Eye otumbembengiya ati Unjuki kwenda kulih okuti Ame Suku (Olosamo 46:10).” ¹¹⁷

OLOMBONGO

Atepiaso api akasi pokati kavakwaklistu yesipilitu kwenda vakwaklistu yositu eci vakwata olombongo? Etu tusole okuliyeva ndamwele yovipako vyetu ale ndavakaleyi ka Suku? “Okusola olombongo kwenda okusola okucitepasa cisole okupongolola olwali olu eleva lyavakaminyo kwenda lyovingumba. Ovisonewa vilekasa ocipululu kwenda uchichame ukachata volwali apahandi yokwiya Kwavali kwa Klistu.” ¹¹⁸

ANGELO A SUKU ATEYWILA OWIŃGI USUMBA SUKU

Angelo a Suku ateywila owiŃgi usumba Suku. “*Ungelo wa Ńgala otunga ocingonja kwavosi vana vosumbila kwenda ovayovola.*” (Olosamo 34:7) “Ungelo ndavi onōliwila oŃgwame loŃgwame ya Klistu. Olondawululi evi vyokovaylu vityewila vakwesunga kunene wolondingāvi.” ¹¹⁹ Eci Embimbiliya livangula vyomanu vasumba Suku, oloŃgwame vya Klistu kwenda omanu vakwesunga vakasi keteywilo lya Suku anga eci cikwatela kwavosi vana valitukula ovomwele nda Vakwaklistu? Ecivo anga cikwatela vosi vana andi kavacele olumwe omwenyo wavo ku Suku? Ocili komāla momo Yesu wapopya ku Mateho 18:10 NKJV:

¹¹⁶ *Missionsbrief.de*—Predigten lesen—Henry Drummond: Wie erkenne ich den Willen Gottes? (Deutsch und Englisch)

¹¹⁷ Ellen G. White, *The Desire of Ages* (1898), p. 363.3

¹¹⁸ Ellen G. White, *Prophet and Kings* (1917), p. 651.1

¹¹⁹ Ellen G. White, *The Great Controversy* (1911), p. 512.2

“Kwati utate oco okuti ene kahukapembuli umwe omōla utito momo ndusapwili okuti kovaylu angelo vavo otembo yosi valete upolo wa Isya yange una okasi kovaylu.” Ndaviti una wakolelele omwenyo waye wosi ku Suku wakulihile okuti eye kakwatele ocitililo (osi yokusalamela). Eye wapopya ati: *“Ŋgala ocinyi cange kwenda epopelo lyange; elye ndikatila? Ŋgala Eye lohōlo vyomwenyo wange; Elye ame ndikasalukila?”* (Olosamo 27:1).

(ame ndukwimbili onumbi oco utangi onepa yatyamela kelivulu *The Great Controversy* komitulwilo 31 Upange wangelo Awa yelivulu Ema Linene). Eli olyo esanju linene komōla wosi wa Suku.

ASEMBI OKUHIKA

Etu twalamba lika kotulonepa tumwe. Kuli olonele vyalwa vyomwenyo kwenda ekolelo vina vitava okuvivokiya. Kwevi vyosi evi vikwāyi ko vyocili: Eci etu tutaliliya etepiso, kaliye kakuli onele layimwe kayikwete esilivilo vocakati comwenyo lEsipilitu Likola. Kwenda onepa ikwavo yeyi kakuli onepa layimwe vomwenyo wetu ikwete esilivilo nda kukasi ekambo lyEspilitu Likola. Kaceci ongusu inene kokwetu yokulilumba eteke leteke oco tutumbike omwenyo wetu ku Suku kwenda okupinga okuyukisiwa lEspilitu Likola eteke leteke?

“Anyamo amwe konyima Mbwenge 707 walinga ungende umwe okutunda kombapolo yo Tokyo okuloŋga ko London. Lyavotoka ciwa. Eteke lyaco ilu lyayelete kayakwatele alende kwenda utanya walwile. Vokatemo katito olongende vyatela okululuvala **Omunda Funji** yakulihwa calwa ko Njapāwu. Ocipikipiki pilotu wakwata ocisimilo cokuŋgala ocingonja omunda oco olondonge vinyamule upolo owu kawachatele.

Eye wachapo etapalo lyanjilikiwila ombalāwu kwenda watehela konele yeluluvalo lyo munda. Osimbu vapalalele okulawulula Omunda Funji, pilotu wachapo ndawululi yoposi kwenje watyama lika kwevi akala okulawulula. Pilotu waluluvala omunda okulihika vemehi laye. Alitimetulu (omesalo yaye yutungu) yalekisa 4000 kalyanga. Eci eye kamwile okukupuka kwavava kwenda olosolo vyofela vyaŋgala ocingonja Omunda Funji. Mbwenge 707 kakalele vali vofela. Ombalāwu yatetoka vilu, yanyanyōha yosi kwenda olongende vyosi vyafa.”¹²⁰

Ukwaklistu yositu watuwa oco “okwendela vesokiyo ale vocituwa cokupalāla vesongolo lyovaso vaye.” Eye olinga eyemwele anōlo osi. Kovisimilo vyaye viwa eye okaputusukako. Ukwaklistu yesipilitu okasi vocakati cEspilitu Likola vukamba wekolelo lyocisola la Ņgala yaye, okasi okuwendisa kesulilo lyekolelo lipopela.

Elombelo: A Isya yokovaylu, pandu pandu omo Yesu okukala vokwetu vochakati cEspilitu Likola cilinga etepiso lisukiliwa vokwetu kwenda vupange wetu. Mange ohenda petula ovaso ange kupange wEspilitu Likola. Mange ohenda njukise omwenyo vocakati caYe lacina Yesu ayongola okutwavela. Mange ohenda űgwatise okulimbuka osapi yokutetiya ocitangi eci komitulwilo ikwāyiko kwenda okucikapako. Pandu pandu. Amen

*Ame ndeyilila okutwala
ondalu vongongo.
Ndamupi ame ndiyongola ale
okuti ondalū yukufetiki!*

Yesu wacipopya ku Luka 12:49 NIRV

Ovisimilo Vyomunu Lomunu kwenda Esongolo Lyapulilo

1. *Citava-vo okuti upange unene wenda lekambo lyEspilitu Likola? Ndamupi ceca apako?*

2. *Upange we ukwete Espilitu Likola vekalo lyomwenyo wange? (Kakuṅgwala-ṅgwala kweteke leteke, kuhayele, kuwalo, akamba)*

3. *Esilivilo lye “ocisola cocili” cikwete vomwenyo wange?*

4. *Vipi olongavelo vyesipilitu?*

Epuluvi lyetu Lyelombelo

- Vilikiya ekamba lyove lyelombelo kwenda lisapeli vyo nondovitwe.
- Lomba lakamba lyove lyelombelo ...
 1. Oco okuti ṅgala okuyukisi lEspilitu Likola.
 2. Oco okuti ene ulimbuka mekonda lye ocitumbulukilo eci cotembo yasulako cisukilila onjongo imwe yaposoka yEspilitu Likola.
 3. Oco tutetiye ciwa olombongo vonjila okuti tsumulwisiwa la Suku.

OSAPI YOKUKAPA KO OSETEKO: YOKULOMBA LALIKUMINYO

*Ndamupi ndikapako kwenda ndiseteka
atetiyo a Suku vovitangi vyange?*

OKULOMBA KWENDA OKUYUKISIWA LESIPILITU LIKOLA

Cesilivilo okuti tulimbamo vungende owu wokupinga Esipilitu Likola lekolelo. Cilomboloka okuti noke lyokulombela Esipilitu Likola etu tusukila okukōla po okuti Ñgala otambulula elombelo lyetu kwenda osimbu tulomba Eye watwavela ale Esipilitu Likola.

Vangalatiya 3:14 NKJV ati: “... okuti etu te twatambula elikuminyo lyEsipilitu vocakati cekolelo.” Epitiyo likwavo (NIRV) ati: “... okuti etu tusukila okutambula elikuminyo lyEsipilitu Likola vocakati cokatava ku Klistu.”

Ñgala watwiha ekwatiso linene oco okuti etu lululo walwa tukolela ku Isya yetu yokovaylu. Etu eci tucivilikiya ati “okulomba la likuminyo”. “Okuhuvalisa alikuminyo a Suku Vembimbiliya calisoka lokuseteka okuhuvalisa ekumbi kilu ... Suku wacha alikuminyo Aye Vondaka yaYe oco atwendise kokukwata ekolelo lyAye.”¹²¹

121 Ellen G. White *My Life Today*, p. 338.2

OKULOMBA LALIKUMINYO

Tete mwele, kulo kuli olumapu lumwe lwekwatiso: Nditave okuti omöla wange kosikola kakasi ciwa kelimi lyo Falansesi. Ame njongola okweca ongusu komöla wange oco alinge epandi ko Falansesi. Ame ndilikuminya ati nda eye wapita koseteko eyi eye okatambula kokwange 8,000 kolokwanja. Kwenda omöla okuciyeva ofetika okutanga longusu yalwa.

Ame vo ndu ukwatisa ko lo Falansesi kwenje ocilikocili wakwata etosi liwa opita kocisoko cikwavo. Nye cikalipita kaliye? Eci omöla atyuka kosikola oloŋga konjo, ocituke lepito ovilikiya lolukandi walwa:

“A tate 8,000 kolokwanja vyange vipi!” Mekonda lye acikolela ati 8,000 kolokwanja vyalinga vyaye? Mekonda lyelikuminyo limwe lyalingiwa kwenda eye watelisa evi vyakisikiwa. Ocilikocili eci cachata okulingiwa lomanu etali.

Pole citava okuti kepuluvi lyaco ame sikwete a 8,000 kolokwanja. Anga citava cilipita vo la Yesu okuti Suku kakwata vo lacimwe kwevi Eye alikuminya? Lalimwe eteke! (Atendelo 23:19)

Ale pamwe citava vo okuti ame ndilityukamo lelikuminyo lyange kwenda ndipopya ati: “Ame ndatanga velivulu limwe lyelilongiso lyapopya ati ove kacitava okuti ofufula olombongo oco ece ongusu yokutanga komäla. Omolyaco ame sikakwiha a 8,000 kolokwanja.” Anga Suku olityuka mo vo lalikuminyo Aye? Lalimwe eteke!

Etu citava tutala okuti eci tukwata elikuminyo limwe lya Suku kwenda tutelisa evi vyapingiwa, cimosi lika cikeya: Etu tutambula mwele elikuminyo lyalingiwa la Suku!

Vocakati calikuminyo Suku yo otuyongwila epandi lyokuloŋga konele yasunguluka. Eye otwavela okutambula Esipilitu Likola lina likaca unene wa Suku vomwenyo wetu. Eye oyongola okutulelwisila ko eci, oco etu tukolele kokwaYe. Okukolela kukasi vutima kukwete ekolelo.

Kaliye etu tuyongola okutanga olosapi vimwe vyolomita Vyembimbiliya ku 1 Yohano 5:14,15 NKJV vyokulomba la likuminyo. *“Kaliye eli olyo ekolelo tukwete vokwaYe okuti **nda twapinga cimwe cikasi vunävo lonjongole Yaye otuyeva.**”*

Suku wakumbulula vosi okuti Eye otambulula alombelo ana alitava lonjongole yaYe. Onjongole ya Suku yalekisiwa kovihandeleko kwenda kalikuminyo Aye. Etu citava tuvikapa ko kalombelo etu. Omolyaco konimbu yondaka 15 kuli ati: *“Kwenda nda twacikuliha okuti eye otuyeva, cosi etu tepinga, **etu tuci okuti twatambula ale evi etu twopinga.**”*

Epitiyo likwavo (NIRV) ati: “*Nda twacikuliha okuti Suku oyeve eci tupinga, etu tuci okuti tucikwete ale.*”

Elomboloko lipi oco cikwete? Alombelo etu nda alikwata lonjongole ya Suku atambulwiwa ale **kepuluvi tukasi okucipinga ku Suku**. Pole lekwanyu lyetu otembo yosi katulimboka lacimwe. Alombelo etu atambolwawa vocakati cekolelo havocakati ko cevi tuyeve. Tukaciyeve noke.

Kelombelo lyomunu wakala lo nikotina kwenda la vikwavo vikolwisa ame ndalilongisa evi: Kepuluvi eye akala okulomba oco vapopeliwe eye kamwile lacimwe. Eye watambulwiwa vocakati **cekolelo**. Pole kolohola vitito vyakwama ko eye valimbuka okuti kakolwele vali lakaya ale lowalende lawumwe. Kepuluvi lyasoka eye wakwata oseteko **yokukumbulwiwa** kelombelo lyaye.

Yesu wapopya ku Maluku 11:24 NKJV ati: “*Omolyaco ame ndukusapwili, cosi ene upinga eci ulomba koleli okuti wacitambuli ale kwenda ukacitambula mwele.*”

Ellen G. White wapopya ati: “Etu katusukila okululuvala ondimbu yesumuluhu. Ocilumba cikasi kelikuminyo, kwenda etu citava twamamako kocikele cetu lekolelo okuti ocilumba Suku alikuminya Eye otela okucavela, kwenda **ocilumba cina atukwetele cilo cikatwihiwa eci etu tukacisukila calwa.**”¹²²

Omolyaco etu katukasandiliya ondimbu imwe yiletiwe ale cimwe ciyeviwa vutima. Roger J. Morneau wapopya ati: “Ovilelembya [ovilulu] citava vyeca ongusu komanu oco vakolele kovisimilo vyavo ambi kondaka ya Klistu ale kapolofeto Aye. Olonjanja vimwe ovilulu vyendisira omwenyo womanu pole ovo kavalimbuka eci cikasi okulipita.”¹²³

Okulomba lalikuminyo kuhikula osila ya Suku kokwetu. Isya yetu yokovaylu ukwacikembe otuhikwila ko evi kavitokoka kwenda kavitendiwa. “Ovo (olondonge) citava valavoka ovina vinene nda ovo vakolela kalikuminyo Aye.”¹²⁴

Ellen G. White wapopya ati: “... Pingi Espilitu Likola. Suku okasi ocituke calikuminyo osi Eye alinga. Lembimbiliya lyene povaka ene popi ati: ‘*Ame ndatelisa eci wapinga ndomo wacipinga. Ame ndilekisa kelikuminyo lyove, sandiliyi kwenje ukacisanga; totoli, kwenda vakakuyulwili ko.*’ Klistu wapopya ati: ‘*Ovina vyosi wayongoli eci ulomba koleli okuti ukacitambuli ale kwenda*

¹²² Ellen G. White, *Education* (1903), p. 258.2

¹²³ Roger J. Morneau, *A Trip into the Supernatural*, Review and Herald 1982, p. 43

¹²⁴ Ellen G. White, *The Desire of Ages* (1898), p. 668.1

ukacitambula mwele.’ ‘Cosi upinga vonduko Yange Ame ndikacilinga oco okuti Isya citava eciwa ulamba komõla.’ (Mateho 7:7; Maluku 11:24; Yohano 14:13).”¹²⁵

OVITUNDO VIVALI VYALIKUMINYO

Cesilivilo vo okulombolola etepiso likasi pokati kalikuminyo Embimbiliya. “**Alikuminyo espilitu** – okweceliwa ekandu, okukwata Espilitu Likola, olohõlo vyokulinga upange Waye – **otembo yosi atupongiyiwila** (tala Ovilinga 2:38, 39). Pole alikuminyo asumuluho okatembo kamwe achata komwenyo, aciwa votembo imwe kwenda asolekiwila epuluvu lyasoka, epuluvu Suku asima okucilinga.”¹²⁶

Kulo kuli olumapu lumwe: Isaya 43:2 “*Eci opita vondalu ove kukuḷuḅwila ndaḅgo ilyenge vyaco kavikakukakula.*” Suku wakapa ko elikuminyo eli lyocikomo calwa lakamba vatatu vofolono yondalu ku (Ndaniyele 3). Pole konjanja yolonungululi Husi kwenda Njelomi (Hus & Jerome) vatimihwiwa mwele kovimwango oko ko Kostandinu. Etu citava tuvangula ati elombelo lyavo kayakumbulwiwile. Pole ndaḅgo ndomo, kacalipitile ndomo twacisinja, kavatambulwiwile mwele? Mekonda lye? Papa yumwe usonenyi walombolola ndomo olofa vyolomalatili evi ati: “Vosi yavo valyeca ovomwele lutõyi eci epuluvu lyavo lyasula ko lyapitila. Ovo valipongiyila olofa atiḅgo mbi valoḅga kolowela okukwela. Ovo kavalitetelele otokwa yilyenge ondalũ. Eci ilyenge vyatama, ovo vafetika okwimba isungu vyo hinalyu; kwenje ndaḅgo ongsu inene yondalu kayatelele okutalamisa isungu vyavo.”¹²⁷ Ndayumwe yotimihwiwa okulitetela lika kuyeviwa. Ocituwa cavo cilekisa okuti Suku kavapopelele ndomo etu twacisinja. Eci cindilombolola okuti alikuminyo okatembo kamwe akwete elomboloko kokwetu.

OKUPANDWILA EKUMBULULO

Kaliye onepa ikwavo yesilivilo. Eci epingilo lyetu likwata ekumbululo vepuluvu etu twacipinga, casunguluka etu okupandula Suku kakumbululo

¹²⁵ Ellen G. White, *Testimony Treasure*, vol. 3, p. 213.2

¹²⁶ Morris L. Venden, *95 Theses on Righteousness by Faith* (Pacific Press 1987), p. 60

¹²⁷ Ellen G. White, *The Great Controversy* (1911), p. 109.3 Neander, “Kirchengeschichte”, 6. Per., 2. Abschnitt, 2. Teil, § 69; Hefele “Konziliengeschichte” Bd. VI, S. 209 f

akeya. **Olopandu vyetu kepulivi eli vilomboloka ekolelo lyetu tukwetele Suku** okuti Eye watambulula ale elombelo lyetu kwenda tukevelela okuti Eye okatelisa eci twapinga kepuluvi tukacisukila calwa. Olonāve vimwe vyalimbuka cimwe noke lyovo okumāla okulomba. Pole kolonāve vyalwa ovina vyalisetahāla ndoseteko ya Eliya: Ņgala kakalele vehunguhungu, kakalele vocipepe ale vondalu, pole vokuha vondaka itito (1 Olosoma 19:11-12). Eyi yakala vo oseteko yange.

Noke lyotembo yalwa ame ndasima ale okuti lacimwe calipita. Noke ocipikipiki ndalimbuka okuti ovina vyalwa vyalipita ale vokwange apa andi lyame okucilimbuka.

OKUPONGOLOLA OKUSIMA KWANGE

Eci cilomboloka okuti: **cisukila ame okupongolola okusima kwange cilomwele.** “... pole pongolwiwi vokutumbulula ovisimilo vyene ...” (Valoma 12:2 NKJV).

Kaliye casunguluka okupopya: Pandu pandu omo elombelo lyange lyatambulwiwa. Pandu pandu omo epingilo lyange walikuminya okulitambulula. Pandu pandu omo votembo yasoka ame ndikaciseteka.

Eci hekisikako lyocipululu. Lekisika lyocipululu ame ndiseteka okuliketisa amemwele. Eci ame ndakalombele la likuminyo oco ame űgwete oviseveto vya Suku vyepongoloko lyo visimilo vyange, momo ame ndatambulwiwa ale vocakati cekolelo. Oco nda ame sapongolwile okusima kwange, oco ndilekisa ku Suku okuti ame chokolelele, pole ndendela volondunge vyange. Lo cituwa eci ame űgasi okupopya ati Suku ohembi kwenda sikatambula ale lacimwe.

Cesilivilo vo okuti ndilinga cosi lesuűgamo ndaűgo silete lacimwe. Suku otembo yosi wacaca evi visukiliwa koloűgwame vyaye. Eye oyongola oco tukolele kokwaye. Sokolola eci valomboka Olwi Yolondāwu. Ovitunda tete vyafetika okweca alyanga noke oco ovava alitepa pokati. Nahama wasukila okuűgila vovava olonjanja ebandu vali, oco akayisiwe.

Pamwe okasi okuvangula ati: “Ame sicitela okulinga caco. Ame sala sima okulinga caco.” Panga ohenda ivaluka okuti kuli vyalwa ovina katutela okuvilombolola. Toke etali etu katwakulihile ndomo olusu (eletisiti) ikasi, pole vosi yetu tukasi okuyifufula. Kwenda vo katwakulihile ndomo omōla alilongisa okuvangula, pole ovo valilongisa okuvangula. “Volwali weluliko etu otembo yosi twaűgwaliwa lovikomo vyapitahāla elomboloko

lyetu. Citava he etu tusalukila eci tusanga alumbu etu katutela okukwata vomwenyo wesipilitu?”¹²⁸

Tusimi omita Alusapo 3:5-6 NKJV: *“Kolela Suku lutima wove wosi, kukakolele kwenda ukandele vukulihiso wovemwele; Volonjila vyove vyosi Usokolola kwenje Eye okamyoñgolōla alyanga ove.”* Kulo etu tusañga akisika a Suku asukiliwa okulinga tete oco Suku atelise elikuminyo lyaYe lyokumyuhisa alyanga etu. Akisika osi akasi ocihandeleko cimwe. Nda etu katwakolelepo okusokisa vyakisikiwa tete oco etu citava tulombela onjongole yalwa yokucitelisa lokukolāpo okuti Ñgala okatutambulula vonjanja imosi.” ... pole nda etu tukasi lonjongole yokwihiwa onjongole yeci, Suku okakutelisila ko upange waco ...”¹²⁹

Kamwe katito citava kakwatisa: Etu twakuliha eci tukasi okulinga eci tulomba la likuminyo a Suku, anga twatelisa vyosi vikisikiwa tete kwenda atatahāyi twakwata atambulwiwa? Anga Suku twolingisa ohembi. Lalimwe eteke tuyongola okulinga caco.

Oco pwāyi lomba ati: A Ñgala, ame nditava ñgwatise katatahāyi ange. Kwenje kolela!

(Ocisonewa cikwavo ndukwimbili onumbi: kuli alungulo akwavo esilivilo okulomba la likuminyo komitulwilo “Faith and Prayer” (Ekolelo kwenda Elikutililo) kelivulu Education (Epindiso) lya Ellen G. White.

OKULOMBELA ESIPILITU LIKOLA

Ame ndisima okuti tukwete ale ukulihiso wasokapo oco tulombe la likuminyo okuyukisiwa lEsipilitu Likola. Pole katukavaliko okuti eci kacikisika Suku okutelisa onjongole yetu, pole citwiha ekolelo kalikuminyo Aye kwenda ekolelo Kokwaye.

ELIKUMINYO LYOKUTAMBULA ESIPILITU LIKOLA

Ñgala watwavela elikuminyo likomohisa lyokutambula Espilitu Likola: Luka 11:13 ati: *“Nda ene lundingāvi wene utela okweca ovina viwa komāla vene, Isya yene yokovaylu, kakavela ndati Espilitu Likola kuvana vopinga!”*

¹²⁸ Ellen G. White, *Education* (1903), p. 170.1

¹²⁹ Ellen G. White, *Thoughts from the Mount of Blessing* (1896), p. 142.1

Anga Isya yetu yokovaylu kalumbile elikuminyo kulo? Ekisika liyongwiwa kelikuminyo eli likomohisa ali: Pingi! Yesu kakasi okupopya okuti tu'pinga onjanja imosi lika, pole ekovongo lyokupinga otembo yosi.

Ndaño cesilivilo okutaliliya kulo elomboloko lyeci. “Etu citava tutanga olomita vikwavo vina vilombolola ovina vimwamwe ndolomapu womita eyi:

Ovilinga 5:3 NKJV: *“Kwenda etu tulombangi vyaYe vyovina evi vyosi kwenda vo Esipilitu Likola lina Suku avela kuvana vapokola kokwaYe.”*

Ekisika kulo ali: **epokolo!** Etu kulo tulete okuti kacitava okulityama komita imosi lika: Etuvo tusukila okukapako elomboloko lye likuminyo. Eci kacilomboloka okuti tupokola eci citumolāha ciwa kovaso etu pwapwa. Te twapokwila Eye: Upopeli wetu okomohisa kwenda ekamba lyetu. Epokolo linene esanju. Omele lo mele lombela utima upokola. Lomba ku Ŋgala oco akwavele utima umwe wonjongole yokulinga caYe kwenda okukukwatisa kokutelisa caco. Eci citunga ekisika liwa.

Yohano 7:37 NKJV: *“Nda yumwe okasi lenyona eye kokwAnge anywe.”*

Kulo yokupopiwa **vyonjongole** yokukwata Esipilitu Likola. Nda ove kukwete onjongole ale okwete ñgo okanjongole katito calwa, oco pwāyi citava olombela okukwata onjongole eyi. Eli epingilo limwe lilikwata lonjongole ya Suku ikatambulwiwa lonjanga yalwa. Eci etu tupinga Suku yetu okomohisa okakapa vokwetu “onjongole” eyi kwenda okayitelisa”. Etu citava vo tulombela ukamba umwe wocituke la Suku, oco t’Usole lutima wetu wosi, ok’Umba lonjolela, okulombela okukwata onjongole imwe ikula ya Yesu kwenda okwiya kwaye kukasi ocipepi kwenda elyongolwilo lyusoma wa Suku, okulombela vo onjongole yokutanga ondaka ya Suku kwenda okulilongisa vyaYe, okulombela onjongole yokukwatisa kwenda yokupongiyiwa okupopela ava vanyelega.

Yohano 7:38-39 NKJV: *“U wosi otava kokwAnge ndomo Ocisonewa capopya vonulo yaye kukasupoka olondwi vyovava omwenyo. Eci Eye akala okupopya Esipilitu, vosi vana vakolela kokwaYe citava vacitambula.”*

Kulo ekisika ali: **okutava!** Kulo tulete okuti ekolelo lyetu ku Yesu Klistu, ekolelo lyetu ku Suku, cikasi ocina cesilivilo cisukiliwa tete apahandi lyokutambula Esipilitu Likola. Pole eci tulomba lalikuminyo okukevelela cileluka.

Vangalatiya 5:16 NKJV: *“Ame ndusapwili yapa: Endeli Vesipilitu kwenje ene kahukatelisa vali oloñgeyi vyetimba.”*

Cilo kulo tukwete elikuminyo limwe, lina lyalingiwa ndo cihandeleko. Eci Suku anjongwila okwendela Vesipilitu, eci cilomboloka okuti Eye oyongola okundiukisa lEsipilitu Likola. Kwenda Eye kulo yotulekisa okuti eci tuyukiwa la lEsipilitu Likola oco katukasi vali lekambo lyetu lina. Esipilitu Likola litetola unene wekandu vokwetu (Valoma 8:1-17 cavelapo vali onimbu 2). Vocakati cEsipilitu Likola *“oloñgeyi vyetu vyetimba”* vipayiwa (Valoma 8:13). Sokololi Pahulu pokupopya kweci catyamela kokwayemwele: *“Ame ndifafa eteke leteke.”* Eci ocina cimwe cesilivilo limwe likomohisa calwa kacatendiwile ndovilinga viwa vyetimba (Vangalatiya 5:18-21) pole atwimisa apako Esipilitu (Vangalatiya 5:22).

Etu citava tulinga elinaliso lyekandu akulundulwila ko omwenyo wetu hakukongwisa ko kolumwilo lutito ale kosipeyu (okukenda ekandu/eviho). Kwenda vo oco okuti ndañgo ombundu vokukwata olumwilo, ohondo yiyukisiwa to. Eci cilombolola okulisenga senga kwofela kovaso eci epito lihikiwiwa. Lalimwe ombundu yiñgila. Cimwamwe vo eci tuyukisiwa lEsipilitu Likola *“ove kukatelisa vali oloñgeyi vyetimba”* (vyavokihwiwa ko konondovitwe eyi ikasi komita: *“Citava omunu yumwe otongeka ukwesipilitu?”* Kesulilo lyo mitulwilo.)

Efesu 3:16-17+19 NKJV: *“Okuti Eye citava okulikuminyi ndonjongo yasumuluhu ulamba waYe, oco upamisiwi lunene Waye vocakati cEsipilitu Lyaye vutima womunu, oco okuti Klistu okatunga vovitima vyene vocakati cekolelo; oco okuti ene ukapamisiwa kwenda ukapamisiwa vocisola ... oco citave ene vosi okutelisiwa lolo njongo vya Suku.”*

Citava okuti ove kwalimbukile unene lahumwe votembo yosi wafetika okukapa ko evi. Caco citava tucimōla vekalo lyeluliko. Vokwenye oviti viteleha Vondombo viyuka to lamela atalala. Yokupita vyalwa vikomohisa oco ovina evi vilipite. Etu katutela okuciluluvala ale okuciyevelela. Pole tulete apako aco. Oco vo calipita lame. Ame ndipandula Suku omo wanyiha unene usupa.

Olumapu lukwavo alwu: Etu ndopo twalilongisa okuti vetimba lyetu muli vo olusu (eletisiti). Muli mwele. Pole etu katucilete.

Efesu 5:18 NKJV: “... yukisiwi lEsipilitu” ale “enemwele tongeki kwenda pitulwiwi okuyukisiwa lEsipilitu.”¹³⁰

Ovilinga 1:8 NKJV: “Pole ene ukatambula unene eci Esipilitu Likola likeya kokwene; kwenda ukakala olombangi Vyange ...”

Olondonge vyahiwa ocihandeleko cokukevelela toke unene ukeya. Ovo kavakevelele velitoko. Olondonge vyalomba locili calwa osimbu vakevelela, valombela okusanga omanu vokuñgwala-ñgwala kwavo kweteke leteke oco vavangule olondaka vina vyendisā olondingekandu ku Klistu. Valombela okuchapo atepiso hosi, valombela okuchapo olonjongole vyosi vyepela, ovo veye ocituke vukamba la Klistu.”¹³¹ Etu citava tulomba vo lelikuminyo eli.

NYE ANGOMBO VAVANGOLA? (ONEPA 2)

Ame ndasanga eteliso lyosi lyupange wange.

Suku uwa calwa kwenda watusumulwisa okuswapo lelivulu eli lyaposoka ndeti. Ame ndingombo pole ndatumālisiwa ale. Eci ame ndatanga elivulu eli onjanja yatete capongolola omwenyo wange wosi. Ame ndatanga eci olonjanja vikwāla kwenje ndandisa alilongiso atatu Alyanga Andisa Ketumbululo Lyomunu Lomunu. Noke lyonepa yavali lyelilongiso ame ndayeva okuti kaliye ndasanga eteliso lyupange wange.

P. J. 261118 woko Papua woko Ngine Yokaliye.

¹³⁰ Johannes Mager, *Auf den Spuren des Heiligen Geistes* (Lüneburg, 1999), S. 101

¹³¹ Ellen G. White, *Acts of the Apostles*, p. 37.1. egwwritings.org

Alyanga elivulu lisangiwa ko www.revivalandreformation.org Kekuta Lyavosi

Ame ndasumulwisiwa vocakati celivulu Alyanga Andisa Ketumbululo Lyomunu Lomunu eci cikasi oseteko yandamba yokutanga elivulu eli. Omwenyo wange wapongolwiwa, noke lyokutanga eci olonjanja vyalwa volosāyi vitatu ndasandeka esapulo eli kakongelo alwa. Amevo ndaca kakwetu o soft yelivulu kangombo osi Kohongele Yangombo [Ohongele ya 80,000 kovimatamata].

Ame ndasanga elivulu ko website Revival and Reformation (Etumbululo kwenda Etumbuluko) Lyekuta Lyavosi. Ame ndalavoka ovisimilo vyesilivilo Vyelilongiso Vyetumbululo. Ame ndalavoka elilongiso lyetumbululo. Noke ndasanga elivulu velimi lyo Swahili kwenje ndafufula eci kelilongiso. Eci cakala oseteko imwe inene. Ame ndilombela ondalumu imwamwe okukusanga asongwi vosi, angombo vosi kwenda ovimatamata vyosi vyekongelo lyetu.

L. M. 08072019 woko Tasanya/Okoko ko Aflika – yavakiwa #140

Ame ndatalamako okuyitanga momo ndasima okuti ndacikulihile ale. Ame ndalweya calwa.

Ame ndisivaya Ņgala omo lyo cikongamela Alyanga Andisa Ketumbululo Lyomunu Lomunu. ... Ame ndivaluka okwihiwa elivulu eli kosāyi ya Susu, pole ame ndatalama okuyitanga momo ndasimile okuti cosi celivulu ndacikulihile ale ciwa. Ame ndaponya. Pole eci ndasandiliya onjanja ikwavo epapatiso lyEspilitu Likola kolosumanu 3 ale 4 konyima, yumwe ukwetu wanumisa ko imwe okopya yakala vo pdf yocikongamela eci. Ame ndaciyongola calwa okuti ceya votembo ndacisukila calwa. Osimbu ndakala okutanga ame ndakupuka kolongolo vyange okupinga ongecelo mekonda lyepembulo lyonepa eyi yesilivilo lyalwa vomwenyo wange. Hela kesambata Ame ndalikandangiya kokulya (ndanjenjuwala), ndalomba kwenda onjanja ikwavo ndaca omwenyo wange wosi ku Ņgala kwenda ndopinga oco andifufule kwenda andekise lonjelo yalwa upange umwe wasunguluka una Eye andiyongwila okuhulinga. Upange wange uñgisika okulinga ungende kololofeka vyaliyekala osāyi lo sāyi ... Ame nditava okuti eyi ombuwe imwe inene kokwange okweca esapulo eli lyesilivilo lyalwa vocakati cunene wEspilitu Likola kuvamanji vetu valume kwenda vakāyi.

M. A. EE130518 voko Filipina, #109

Ovisimilo Vyomunu Lomunu kwenda Esongolo Lyapulilo

1. *Eci etu tupinga lalikuminyo velombelo, mekonda lye tukevelela okutambulwiwa kalombelo ava?*

2. *Nye ñgasi okupopya ku Suku eci ndipinga elikuminyo limwe velombelo kwenda silavoka okukumbulwiwa?*

3. *Vipi ovitundo vivali vyalikuminyo? Lipi etepiso pokati kovitundo vyaco vivali?*

4. *Tukula otwalikuminyo tumwe twendisiwa lEsipilitu Likola:*

Epuluvi lyetu Lyelombelo

- Vilikiya ekamba lyove lyelombelo kwenje sapeli vyonondavitwe.
- Lomba lekamba lyove lyelombelo.
 1. Oco okuti Ñgala okuyukisi lEsipilitu Likola.
 2. Oco okuti alombelo ene akapamisiwa vocakati calikuminyo akapingiwa.
 3. Panduli Suku oco ondaka Yaye kayikatyuke upolokoso.

*Ndamupi ame ndilomba
oco ndikōlepo okuti nda
yukisiwa l'Esipilitu Likola?*

LALIMWE EPAKO LIWA ...?

Kakwenje yumwe wakala okusandiliya elungulo, votembo eye ayongola okuyukisiwa l'Esipilitu Likola. Eye ocilikocili wakala vakatanga. Ungombo yu wopula: 'Ove watumbika ale onjongole yove ku Suku? Ame ndisima okuti sacitelisile handi ciwa. 'Ciwa', ungombo wakumbulula: oco pwāyi kaciwako okukulombelako [oco oyukisiwe l'Esipilitu Likola], tete te ove okatumbika onjongole yove yosi ku Suku. Kuyongola okweca onjongole yove yosi ku Suku cilo mwele? Ame sicitela eye wakumbulula. Okwete o njongole ya Suku okukulingilako? Eye wakumbulula ati ñgwete. Kwenje wapinga Suku oco olingileko! Eye walomba: 'A Ñgala njupe konjongole yangemwele. Nwāle kokulyeca konjongole Yove. Njupileko onjongole yange. Ame ndilomba vonduko ya Yesu. Kwenje ungombo wopula: Eci wapinga caciwa? Te calingiwa, ukwenje wakumbulula. Ame ndapinga cimwe ku Suku vunāvo lonjongole Yaye kwenje ame ndici okuti olyo esunga ndikwete eci ndalombela (1 Yohano 5:14-15). Oco, calipita mwele – onjongole yange yanasiwa.' Kwenje ungombo wapopya: 'Kaliye lombela epapatiso ly'Esipilitu Likola [okuyukisiwa l'Esipilitu Likola].' Eye walomba: 'Ha Suku mapatise kaliye l'Esipilitu Likola Lyove. Ame ndilomba vonduko ya Yesu.' Kwenje eci amāla okupinga vonjanja imosi ceya, eci eye achapo onjongole Yaye."¹³²

ETEPISO LINENE TETE KWENDA NOKE

Ndaño ame otembo yosi ndasimāle ati ndalombale ale la likuminyo otembo yalwa kwenda ndicilinganga vapuluvi aposoka lokusetaka akumbululo akomohisa elombelo, ame ndasimāle otembo yosi okuti caposokele

¹³² Reuben A. Torrey, *Der Heilige Geist – Sein Wesen und Wirken* (Frankfurt, 1966), S. 150

calwa nda ame ndapinga lika Espilitu Likola vocakati celombelo lekambo lyalikuminyo. Ame ndisima okuti valwa vakwete ocisimilo cimwamwe. Ame chongola okupopya ati ocina cimwe ceponyo. Pole eci ame ndisokolola koseteko yange yomunu lomunu, ame candomboloka okuti ndalombale lakambo alikuminyo. Kotwalima tutito ame ndafetika ale okulomba eteke leteke lalikuminyo oco ñgwate Espilitu Likola, oco okuti noke lyelombelo ame ñgwata ekolelo okuti ame kaliye ndayukisiwa lEspilitu Likola.

Vocakati coseteko lyeteke 28 Lyambalavipembe, vunyamo 2011 ame ndalimbuka etepiso linene vomwenyo wange: Eci ndakala tete kwenda noke lyokupinga Espilitu Likola. (oco umöli vali vikwavo tali emela 118)

Tunde eci ndafetika okulomba lalikuminyo ukamba wange la Suku wapongoloka walinga wocituke kwenda Yesu okasivali ocipepi kokwange kwenda walinga unene kokwange. Eci acisimilöko cokilu; Ame citava okuti eci ndicilombolola ndomo:

- ▶ Osimbu nditanga Embimbiliya ame otembo yosi ñgwata ñgwata elomboloko lyokaliye lilihaha ongsu.
- ▶ Vuyaki leyonjo ame citava noñgomäla ndonjuli.
- ▶ Epulivi lyange lyelombe lyalinga lyeposo kokwange kwenda lyanyiha esanju linene.
- ▶ Suku wakumbulula alwa alombelo ange.
- ▶ Ame ñgwete esanju linene kwenda vikwavo “*epandi*” (Ovilinga 4:31) okusapwilako vakwetu vya Yesu.
- ▶ Ame ndalinga vali ekamba lyakamba vange.
- ▶ Ame ndasanjuka vocakati cocali ca Suku kwenda ndakoläpo peka lyaYe.
- ▶ Kotembo yakatanga-ukäyi wange wasoliwa wavelele kwenje kalima akwäla eye wahongwele kwenda wafa-Ñgala yetu wanekula volonjila vikomohisa kwenje ndapamisiwa.
- ▶ Ame ndalimbuka olongavelo Ñgala anyiha.
- ▶ Apiso apwa. Kaliye eci ndiyeva olomopyambi vikwavo okusokola ame ndisumwa calwa.

Epongoloko lyeya kwenda lyatongeka lumbombe. Ame ndacilimbuka noke lyame okunyelisa okatembo kamwe eteke leteke okulombela Espilitu Likola lalikuminyo Embimbiliya. Tunde opo ame ndiseteka ekalo limwe lyaliyekala Lyavakwaklistu. Tetemwele omwenyo wange la Suku wakala wupange kwenda wakatanga; kaliye ame ndiseteka unene wesanju.

Cambala calwa evi ndanyelisa vomwenyo wange omo lyekambo lyEspilitu Likola, evi ndanyelela volowela vyange kwenda vepata,

evi ndanyelisa vakongelo ndatalavaya ndungombo. Eci ovina evi vyandomboloka ame ndapinga ongecelo ku Ŋgala.

Eci ocilikocili ocili ciscalwisa calwa, okuti etu katutela okusongwila vakwetu vonjila katwalapita etu mwele. Etu vo tuyongola okukwivalwisi okuti ahongwo omunu lomunu vapata kwenda vakongelo alivokiya ale alilwisa.

Oco vakwetu kavakalichochöle vali laponyo amwamwe vomwenyo wavo, ame njongola okuvokiya ko otwasimilo tumwe.

2 Petulu 1:3-4 kupopiwa ati vocakati cukamba la Yesu citava etu “*vocakati ca ... alikuminyo anene kwenda aposoka ... alinga onepa yekalo lya Suku.*”

Eci vo cilomboloka okuti Espilitu Likola lyeciwa lika kokwange vocakati calikuminyo. Ove citava olinga elinäliso lyalikuminyo ndo chek yombango. Eci etu tulekisa o check imwe ikwete osinete yamwele, tutela okupa layo olombongo vombango ya yumwe. Ndomäla va Suku (Yohano 1:12) etu eteke leteke citava tukopopa lo check (yalikuminyo) ina ikwete osinete ya Yesu.

Kacikakwata esilivilo lalimwe okulekisa o check yetumwele nda tukwete o check yapitisiwa lonoŋgo imwe. Etu tusukila osinete yo check yokonda yamwele yombango.

Kuli esunga likwavo litwiha ongsu yokulomba la likuminyo. Kuli unene kondaka ya Suku. Mekonda lye Yesu alomba lutatu kekulusu lolondaka Vyolosamo? Mekonda lye Eye vekalasoko aliteywila kwenda ayula ayonjo a Satana lolomita Vyembimbiliya? (Mateho 4:4, 7, 10). Eye wapopya ati: “*Munu otekwiwa vo londaka yosi yitunda vomela wa Suku.*”

Yesu Ululiki, wacikulihile okuti kondaka ya Suku kuli unene. “Kocihandeleko locihandeleko, kelikuminyo lelikuminyo vondaka ya Suku kuli unene, omwenyo wosi wa Suku una okuti vocakati cayo ovihandeleko vikatelisiwa kwenda elikuminyo likatelisiwa vo.”¹³³ Eci ocisila cimwe cikomohisa ndati! Unene wa Suku kwenda omwenyo waye ukasi kelikuminyo lyosi. Eci tulomba lalikuminyo etu tufufula ondaka ya Suku velombelo lyetu. Eci cipopya ondaka ya Suku aci: “*Omolyaco ondaka Yange kayikatunda vomela wange; oco noke ityuke upolokoso ...*” (Isaya 55:11 NKJV)

Ame ndalikuminyo okulombela lika Espilitu Likola la likuminyo. Eci ame ndilomba la likuminyo ndici okuti noke lyame okupinga Espilitu Likola

133 Ellen G. White, *Christ's Object Lessons* (1900), p. 38.2

ndikacitambula okukolela kelikuminyo lyondaka ya Suku, 1 Yohano 5:15: *“Kwenda nda etu tuci okuti Eye otuyeva, cosi etu twopinga, etu twacikuliha okuti tukwete ale cosi twopinga.”* Eci ame ndilomba lelikuminyo ndilavoka vo okuti ekumbululo lyelombelo lyange likeya. Cavelapo okupita otembo kelombelo ndeli lokuseteka eteke limwe lyeyuka lasumuluho okuvelapo aponyo elichochõlo limwe vuteke.

Ame ndatambula o email imwe yasonahiwa lesanju lyalwa: “Ame salasima ati eci citeliwa, okuti citava cilinga etepiso linene, nda ame ndalomba vesongolo lya Suku eteke lyosi lolondaka vyangemwele ale nda ndalomba lalikuminyo Embimbiliya! Alikuminyo akwete esilivilo lyocili. Ame tunde opo otembo yosi ndihatava, pole ndalweya lekambo lyokuvipinga eteke leteke. Omwenyo wange la Yesu usole okuyula calwa, usole okukala lesanju lyalwa, yakõlapo vali kwenda yonjuka yalipwa. Ame ndipandula Suku kwevi vyosi.”¹³⁴

Omolyeci ame ñgwete okunõla okulyohela olumapu lwomwenyo wokulombela Esipilitu Likola la likuminyo. Lulelu, citava okuti citepulwiwa. Cesilivilo okuti etu tulilongisa okulomba okupa etumwele alikuminyo vondaka ya Suku. Pole cesilivilo povali okuti ekolelo lyetu litõlisiwa lalikuminyo ana okuti noke lyetu okulomba tuci okuti twatambula ale Esipilitu Likola. Etu tutambula Esipilitu Likola eci tutava kweci twalombela.

Yesu Eyemwele oyongola okutungwa vokwetu vocakati cEsipilitu Likola (1 Yohano 3:24; Yohano 14:23). Ellen G. White wapopya vo: “Unene wEsipilitu Likola omwenyo wa Klistu vocimwenyo.”¹³⁵ Unene wapongolola Petulu, Pahulu kwenda omanu valwa utukasilivilo. Eye vo otwiha omita, *“oco okuti Eye citava okwihi ndesupuko lyulamba Waye yokukolisiwa vocakati cEsipilitu Likola omwenyo wetavo ukulile kovitima vyene!”* (Efesu 3:16)

Okuyukisiwa lEsipilitu Likola oco osapi yomwenyo umwe wekolelo, esanju, unene, ocisola kwenda eyulo lyekandu. *“... Kwosi kuli Esipilitu lya Suku oko kuli vo elyanjo.”* (2 Kolindyu 3:17)

¹³⁴ Email to H. Haubeil C. S.

¹³⁵ Editor Francis D. Nichol, *Asembi Embimbiliya Ondeve* elivulu 6 (Hagerstown, 1980), p. 1112

OLUMAPU LWOKULOMBA LALIKUMINYO OKUKWATA ESIPILITU LIKOLA ETEKE LETEKE

A Isya yokovaylu, ame ndeya Kokwove vonduko ya Yesu Upopeli wetu. Ove wapopya: Nyihe utima wove. (Alusapo 23:26) Ame njongola okucilinga kaliye vocakati cokulitumbika amemwele kokwOve kwenda cosi ñgwete leci ñgasi. Pandu pandu omo ove cilo watambulula ale elombelo lyange ndonjongole Yove, momo ondaka Yove ipopya ati ndatwalomba ndonjongole Yove etu tuci okuti twacitambula ale (1 Yohano 5:15). Kwenda Ove wapopya vo ati lalimwe eteke okapembula u wosi okeya Kokwove (Yohano 6:37). Yesu wapopya: “Nda ene he lundingāvi wene utela okweca ovina viwa komāla vene, Isya yene oli kovaylu, kakahavela ndati Esipilitu Likola kuvana vopinga.” (Luka 11:13)*

Ove wapopya ati citava weca Esipilitu Likola kuvana vosi vakolela kokwOve (Yohano 7:38-39), vana vakupokola (Ovilinga 5:32) kuvana walyeca ovomwele kokutumbulwiwa lEsipilitu Likola (Efesu 5:18) kwenda kuvana vandela vEsipilitu (Ngalatiya 5:16). Eyi onjongole yange. Mange ohenda telisa eci vokwange. Olyo esunga ame locili ndukupinga Ove a Tate oco onyihe Esipilitu Likola etali. Epingilo lyosi lyalingiwa vulala wonjongole Yove, ame ndukupandula omo wanyiha Esipilitu Likola cilomwele (1 Yohano 5:15). Pandu pandu omo ndatambula ale ocisola ca Suku vonjanja imosi, momo ondaka Yove yapopya: “Ocisola ca Suku cikapiwa kovitima vyetu vocakati ca cEsipilitu Likola.” (Valoma 5:5; Efesu 3:17) Ame njongola okuvangula lukwalosamo: “Ame ndikakusola a Ñgala angusu yange” (Olosamo 18:1) Pandu pandu omo ame locisola cOve nela okusola vave yange omanu.

Pandu pandu omo vocakati cEsipilitu Likola unene wekandu utetwawa vokwange (Valoma 8:13, Vangalatiya 5:16). Mange ohenda mopele etali kwenda ndilave kekandu lokolwali, neywile kangelo akupuka, mopele kayonjo kwenda nda cisukila nukule kwenda mopele kekalo lyange lyakuka lyocituha cavola (1 Yohano 5:18).

Kwenda ndinge ohenda ñgwatise okukala ombangi yove kocituwa kwenda kovilinga (Ovilinga 1:8).

Ame ndukusivaya kwenda ndukupandula omo wayeva elombelo lyange. Amen.

* “Te lika ava vakasi ekamba kumosi kupange la Klistu, te lika vana vavangula ati a Ñgala cosi ñgwete kwenda ñgasi Cove, vakalimbukiwa ndomāla vakwenje kwenda ndomāla vafeko va Suku.” Ellen G. White, *Usoliwi Wapata* (1898), p. 523.1

Kesapulo limwe ndatambula kupopya: “Ovimatamata vimwe kalombelo avo eteke leteke vakapako olonumbi vyaciwa vyokulomba vavali vavali. Volosāyi vitālo vyapita ame ndalombela eci la ndombwa yange. Acimosiko lika chamama ko komwenyo womunu lomunu pole kwosi ndokolonjo, kakamba, kolowatepata, komwenyo wesipilitu kwenda konembelevonjila-ko cinena aliyenja alwa pole eci cilipita vokwenda kuha. Etu twacikomōha kwenda tucilete ndepuluvu lyokusetekwiwa la Suku cina cilelwisa omwenyo osimbu tuyeva Suku ocipepi ocipepi vali.”¹³⁶

CITAVA OMUNU YUMWE OTONGEKA UKWESIPLITU?

Oco! Eci etu katwecelela ekalo lyava kavatava okwiya vokwetu kwenje etu tufwima vesipilitu: “okufwima” vocakati cokuntongola akandu etu kwenda “okwina” vocakati cokufufula ocisila ca Suku lokweceliwa kwenje vokutumbulula ekolelo lyelombelo lyetu oco tuyukisiwi lEsiplitu Likola.”¹³⁷

Cikasi ndukamba wetu lomāla vetu. Eci omōla wetu alinyemāla eye otongeka okukala omōla wetu. Pole etu tukwata ekatanga vukamba wetu. Omōla citava katela okutuvandekela vovaso. Ekatanga eli litetiwiwa lika vocakati cokulisungulwisa lokulitavela.

Pole omunu yumwe citava lulelu olinga vali ukwasitu onjanja ikwavo vungende walonga. Embimbiliya kalivangula okuti “wapopeliwa lumosi wapopeliwa otembo yosi.” Ekalo lyetu lyekandu likasi lomwenyo otembo yosi. “Lomwe kolondonge kwenda kapolofeto wapingile okukala lekambo lyekandu.”¹³⁸

Pole vocakati comwenyo lEsiplitu Likola kwenda la Yesu vovitima vyetu, unene wekandu unyoliwa okuti etu tukala lomwenyo wesipilitu wapama kwenda wesanju. Esunga lyetu lili lika mu Yesu “... *una walinga ukulihiso wetu ku Suku – una walinga esunga lyetu, okukola kwenda eyovo*” (1 Kolindyu 1:30 NKJV).

Onondovitwe eyi yesilivilo yalombolwiwa vocikongamela (Kali Vokwange) *Kali mu Yesu*, komitulwilo 3: “Yesu okukala vokwove”

Nda lopo vocakati cepwelele twalinga vali vakwasitu, onjanja ikwavo womwenyo wesipilitu cikulih okuti Upopeli ukwacikembe yohotukevelela.

¹³⁶ Email to Helmut Haubeil: E.S.

¹³⁷ Helmut Haubeil & Gerhard Padderatz, *Gott, Geld & Glaube* (Eckental, 2009), p. 97

¹³⁸ Ellen G. White, *The Acts of the Apostles* (1911), p. 561.1

Cesilivilo okukuliha onjila etu twiñgilila vocakati cocali kwenda elavoko lisongwila womwenyo wesipilitu wenda hu. Lomwe osukila okutongeka ukwasitu.

Pole ivaluki eci Randy Maxwell apopya okuti nda vosi yavo nda omunu lomunu: “Etu tusima okuti epinduko lyekongelo lya Suku volofa vyesipilitu citava litelisiwa vekambo lyokulinga ongusu?”¹³⁹

Omwenyo wepwiti palo kwenda omwenyo kopwi kovaso, epopelo lyomanu valwa kwenda olopandu vyetu vyocilumba cunene wa Yesu vyosi visukila ongusu isilivila. Cesilivilo lyalwa okulisiñga la Ŋgala Yesu omele lomele kefendelo vocipama. Okoko Eye atuwalisa lunene.

ETU TUTANGA ECI CUPOLOFETO YOHANO:

“Eteke leteke utima waye wanāliwile ku Klistu toke eye anyelisa epela lyaye vocisola ca cime Caye. Ocinyeñgowsa caye, utima wocipululu, ocituwa caye canyelisiwa kunene wepongoloko lya Klistu. Ongusu yEsipilitu Likola yitumbulula utima waye. Unene wocisola ca Klistu wakoka epongoloko limwe lyocituwa. Eyi oyo epako lyelitokeko la Yesu. Eci Klistu atunga vutima ekalo lyosi lipongolwiwa.”¹⁴⁰

“*Petula ovaso ange oco ndimōle ovina vikomohisa vyocisila cOve.*” (Olosamo 119:18 NKJV) Pandu pandu omo ove yongendisā kwenje citava ndipopya. “*Ame ndinyamula vondaka yove ndayuna wasanga ovokwasi alwa.*” (Olosamo 119:162 NKJV)

¹³⁹ Randy Maxwell, *Nada owiñgi Wange walomba* (Pacific Press, 1995), p. 158

¹⁴⁰ Ellen G. White, *Alyanga andisa ku Yesu* (1892), p. 73.1

*Aswalāli ocinyi kahaletive
kwenda unene utumāwa kambombe
kwenda vakwakuliketasa, vana vavilikiya
alikuminyo a Suku.*

Ellen G. White, Klistu Object Lessons, p. 176

Ovisimilo Vyomunu Lomunu kwenda Esongolo Lyapulilo

Ame ndukukovongi oco ukwati peka emela lyolumapu lyelombelo. Vikapi apa ulinganga efendelo lyene omele lomele: Onjanja yatete okukwama elombelo lyasonehiwa cikakuma. Tanga elombelo kwenda vokatembo katito eci cikakuleluka.

1. *Mekonda lye etu katusukila okusoleka cimwe kweci catyamela kelombelo lyasonehiwa?*

2. *Apako api akwatiwa vokulomba lalikuminyo?*

3. *Onumbi imwe ati: Tanga olomita vivalli vikasi osapi yokupinga alikuminyo kapitiyo aliyekala Embimbiliya (1 Yohano 5:14-15 kwenda 2 Petulu 1:3,4)*

4. *Mekonda lye cikwatisa ovemwele eteke leteteke okupinga eteywilo lya Suku?*

5. *Ndamupi tutongeka okukala vakwaklistu Yesipilitu?*

Epuluvi lyetu Lyelombelo

- Vilikiya ekamba lyove lyelombelo kwenda lisungulwisi vyonondovitwe.
- Lomba lekamba lyove lyelombelo ...
 1. Oco okuti etali Suku okatuyukisa lEsipilitu Lyaye Likola.
 2. Oco okuti eteke leteke etumwele twendela keteywilo lyaposoka lya Suku.
 3. Oco etu tutoŋgomāli vakwaklistu Yesipilitu.

OLOSETEKO VIPI VIKASI KOVITWE VYETU?

*Oloseteko vyomunu lomunu, oloseteko vyakongelo,
vyohongele imwe kwenda vyekuta*

OSETEKO YAMANJI YUMWE

“Cisoka alima avali konyima ame ndalombele eteke leteke oco ndipapatisiwe lEsipilitu Likola vomwenyo wange. Epingilo lyange lyakala a Yesu okakala vokwange vonjongo isupoka eteke leteke. Okwenda kwange la Suku [votembo eyi] cakala cimwe cikomohisa. Apako Espipilitu kuva Ngalatiya 5 asokumwiwa vomwenyo wange, tunde eci ndapinga Yesu okukala vokwange kwenda okulinga onjongole Yatate vokwange letumbululo lyange lyeteke leteke lEsipilitu Likola. Ame ñgwete esanju lyalwa lyokutanga Embimbiliya, okusapwila Klistu kuvakwetu kwenda ñgwete onjongole inene yokulombelako vakwetu; omolyaco ekalo lyomwenyo wange lyapongoloka eci cikomohisa. Ame ndisima okuti eci onima yokusandiliya Suku kwenda epingilo lyeteke leteke lyEspipilitu Likola.” C. H.

Eye okuvokiyako wapopya: **“Seteki okulombela eteke leteke eyukiso lyEspipilitu Likola volosumanu epandu kwenda tali eci cilipita.”**

UVANGI WOMUNU LOMUNU WA DWIGHT NELSON

Etu tuyongola okutenda uvangi wetu. Owu uvangi wa Dwight Nelson, ungombo wosimbu woko Pioneer Memorial Church (Akulu Vonjivaluko Yekongelo) oko ko Univesity Andrews. Ongombo yalombelo Yohongele Yavosi yatuma opapelo yalombelo ka 40,000 valisonehisa.

Ndamupi Alyanga Andisa Ketumbululo Lyomunu Lomunu apongolola omwenyo wange?

Ame salasima ati ocikongamela eci cipongolola omwenyo wange—ndomo ame ndilomba, ndomo ndikunda, ndomo ndendisa omanu vakwavo—eci capongolola upange wange. Kalima ange osi okosikola okukunda kwenda okulongisa, layumwe wacindipopele okuti Embimbiliya kwenda Ellen White vatukovonga oco eteke leteke tulombeli epapatiso lyokaliye lyEspilitu Likola. Ndokukala ungombo catava ndati ame okutalavaya kwenda okukunda otembo yosi eyi lekambo lyukulihiso owu wesilivilo lycili!

Pole eci oco elivulu lya Helmut Haubeil Alyanga Andisa Ketumbululo Lyomunu lyandongisa. Kaliye ame ndapitila konjo, ame ndatanga ale elivulu. Tunde opo ndatanga elivulu olonjanja vikwāla, omwenyo wange wapongoloka. Puli ukāyi wange kwenda ovimatamata vyakongelo ange! Kalima ava ndalinga olohundo vyalwa vyokutambula Espilitu Likola kwenda ndakunda onondovitwe eyi vyesilivilo lyalwa. Pole kaliye ame ndalimbuka onjila ikwavo yokusiŋga Yesu kolomele vyosi okulinga vyosi Yesu alinganga eci akala mulo volwali ndomunu: Eye walombale epapatiso lyokaliye lyEspilitu Likola.

Ame leliketiso lyalwa ndilitavela okuti Suku wanwāla kupāla vocakati comwenyo wange welombelo. Otembo yalwa ndapitale okutanga Embimbiliya, pole okucisokisa ndapitale okatembo katito velombelo. Etali calitepa. Ame ndipita otembo yalwa okulomba “kokahondo” kange ŋgekama kolongolo vyange okusapela la Suku noke oco lika ndikwata Embimbiliya lyange, Ondaka Yaye oco ambangwise.

Olohundo vyange vyasanga elyanjo limwe lyokaliye kwenda ongsu. Esongolo lyange kocimuka cange kwenda ekongelo lyange lyapinduka kohulo inene. Ocipikipiki, ame ŋgasi okusetaka vali vikwavo “vimwe vyalichetahāla” (olonjanja vimwe vivilikiyiwa synchronicity ale okwendisa). Cikasi ati ŋgo mbi yumwe yosongwila oloneke kwenda ovoteke ange, alisango ange “aŋgo” olo email kwenda akusapela. Atiŋgombi Espilitu Likola likasi okasi okwendisa Eyemwele apuluvi ange okupasuka

(kwendavo apuluvi ange okupekela. Ame ocilikocili kaliye ndakuliha Suku ndomunu umwe kwenda ekamba lyocili wasoliwa.

Mekonda lye ame ñgasi okukusapwili eci? Lacimwe ame ndupamo. Pole ocilikocili ndacikolela okuti ene ukopamo cimwe. Yesu ndopo wiya. Etu tusukila okusanga olwali, apata osi lesapulo lyenda hu. Etu lalimwe eteke tukatelisa ocikundi eci likalyetu. Etu tulavoka lika okulilongisa evi Yesu akulihile okuti tukapako evi Pahulu kwenda olondonge vyatete vyalingale. Etu tusukila epapatiso LYETEKE LETEKE lyEsipilitu Likola vomwenyo wetu kwenda kupange wetu. Kwenje etu tukacitambula lika eci tuliketisa okupinga eci oloneke vyosi.

Ame sakulihile nda ulye, pole ndukulombelako ko osimbu ndisoneha eci. Etu tutambula esumuluhu lyalikuminyiwa eci etu tucipinga. Yesu walikuminya okuti: *“Nda ene he lundingāvi wene utela okweca ovina viwa komāla vene, Isya yene okasi kovaylu kakaca ndati Esipilitu Likola kwavana vopinga!”* (Luka 11:13 NKJV) ovevo kuyongola vo okupinga eteke leteke Esipilitu Likola?

40 KOLONEKE VYELOMBELO KOSELEMBYA

“Kenyenye linene vunyamo 2010 etu twapitiya kwenda twalekisa elivulu *40 Koloneke Yalombelo kwenda Ovipama Vyomele vyelipongiyo Lyokwiya Kwavali*. Etu twaceca kovimatamata vyosi vyakongelo osi Kekuta lyetu. Omolyaco, etu twapongiya 40 Koloneke vakongelo etu osongo kwenda kovimatamata vyokonjo kuna omanu valikandangiya okulya kwenda valombela epapatiso lyEsipilitu Likola.

Ndomo eci calipita ekalo limwe lyokaliye lyalitepa lyafetika okulilekisa vakongelo osongo. Ovimatamata kavyalisengale vyafetika okulisengasenga kwenda vyafetika lonjongole yokutalavayela vakwavo. Vosi vana valiyakale lavakwavo kovina vyosi (kwenda vatalama okuvangula omunu lukwavo!) vafetika okuvangula kaliye, kwenda vafetika okulinga kumosi olongombo vyokuvasanga omanu vokosamwa.

Olyo esunga kosāyi Yambalavipembe vunyamo 2010, kepuluvi Lyelisaño Lyulima,” ocisimilo Cetumbululo & Emyoñgolōlo” cakapiwako. Etu lesanju lyalwa twacitava, twacitambula ndetongeko lyeci Suku okafetika Kekuta lyetu.

Etali etu tumõla ukamba wocituke, omunga inene kwenda elomboloko lyavelapo vocakati colonalaväyi Vyekuta ndekumbululo lyocipikipiki lyalombelo alingiwa kalisaño.”¹⁴¹

40 KOLONEKE ELOMBELO KO ZUKICH / SWASILANDYA

“Ungombo wetu kwenda ame twatambula elivulu limwe lyatusanjwisa calwa. Onondovitwe yayo yeyi: *40 Koloneke–Alombelo kwenda Ovipama vyokulipongihila Okwiya Kwavali kwa Yesu vya Dennis Smith*, Review and Herald Publishing Association. Elivulu eli kalitava okulitanga oco noke olinasile pokanele. Olonondovitwe vyayo vyapongolola omwenyo wange.

Eci ekongelo lyetu ko Zurich-Wolfswinkel (lovimatamata 100) vyayeva esukilo lyetumbululo kwenda elombelo, etu twangiliya 40 Koloneke Alombelo vunyamo wo 2011. Elivulu lyalombolola kwenda lyaca esapulo lyesilivilo lyasukiliwa valisaño kwenda avokiyo a 40 aco efendelo lyesipilitu.

Kwenda etu twafetika a 40 Koloneke etu kosäyi Yambalavipembe keteke 1 vunyamo wo 2011 lelavoko linene kwenda isimilo. Lesanju lyalwa, vyalwa kovimatamata vyakwatako onepa. Akamba alombelo valisañgale okulomba eteke leteke, olomita vyesapulo vyatumasawale eteke leteke kwenda owiñgi walombale vocakati coviñgumwañgumwa (telefone) eteke leteke. Ocimuka cimwe calyongowale omele lomele kolohola 6 okufendela kwenda okulomba.

A 40 Koloneke etu kwakala oseteko ina okuti lalimwe eteke yikavaliwa. Suku wakumbulula alombelo etu alwa capyãla mwele velitokeko lyokutanga epupu limwe lyovisonewa Vyembibiliya, uwangi upolofeto, cina catangiwa kepuluvu limwamwe. Alitango ava akala esumuluho linene. Twakwata akamba alwa kwenda 20 komanu valisonehisa okukwama elilongiso lyuwanji wupolofeto. (Vakwama Kelombo yunyamo 2013: akombe veyaya cisoka 50-60, cina kacalalipita ko Zurich cisoka 20 kalima.)

Esipilitu lya Suku camamako okupongolola ekongelo lyetu kwenda esanju lyalwa tala ndomo ovitundo vyetu vyafetika okukula ndomo ovimatamata vyasanjukila okulongisa Embimbiliya, okusanga omanu vakasi lonjongole. Vosi valingako onepa kaliye vakasi lonjongole inene

¹⁴¹ M. Trajkovska, Southern European Union, Belgrade, quoted in www.revivalandreformation.org

yokutongeka lupange wEsipilitu lya Suku. Etu tuyongola okweca olopandu lutima wetu wosi kwenda okuwiha ulamba.”

Béatrice Egger, wokonembele Yavandevu ko Zurich-Wolfswinkel.

40 KOLONEKE VYELOMBELO KWENDA ESAPULO KO KOLOGNE / NJELEMANI

Ungombo Yohano Lotze woko Mbalasili kwenda Alemanya (Brazilian-Germani). Watalavaya eci cisoka 38 kalima vakongelo kwenda kolosipitali vyoko Mbalasili kwenda vo Vekuta Lyetepiso lya Amelika Yokombwelo. Eye watumalisiwa kosāyi Yelombo yunyamo 2012. Eye lukāyi waye valitava okwenda ko Kologne ndo “Kepya Lyupange” oco watalavaye komanu akongelo avangula Oputu kwenda Osipanyōli.

“Etu twafetika ko Kologne locitundo citito cekwatiso lyetato kwenda okweca onghusu kovimatamata lokukovonga akombe. Okukapako oseteko yetu ko Mbalasili twakapako 40 Koloneke Vyalombelo ko Kologne. Ovikwata vyakalelevo velimi Lyoputu.

Akongelo lovimatamata vivangula Oputu, Osipanyōli, Alemanya lesanju lyalwa vafetika 40 Koloneke Vyelombelo. Etu eteke leteke twalombelako 100 kakamba kwenda ava vakulihiwa. Olonduko vyomanu ava, twavisonaha vekwatulu litekāva lyonembele. Katwavasapwilileko okuti tukasi okuvalombelako apahandi lyokutelisa 30 toke 35 koloneke vyalombelo kwenda kepuluvi limosi okuvakovonga kukala vesambata lyaposoka lyakombe. 120 komanu veyā kulala waposoka. Christian Badorrek, usongwi Wongombo Yomunu Lomunu yoko Nordrhein-Westfalen eye wakala ohundi. Vamwe vakovongiwa valila eci valimbuka okuti olonduko vyavo vyasonehiwa vekwatulu.

Noke lyaco, Ndongyo Goncalves hundi yesapulo woko Mbalasili walinga ulala umwe wesapulo woloneke 15. Oñgolosi loñgolosi eye wakundale eci cisoka 1,5 kolohola (lepitiyo). Onondovitwe yulala yakala: “Ecelela Embimbiliya Okukukomohisa.” Olonondovitwe vyakala Vyokwiya Kwavali, kwenda vo olonondovitwe vyopiwa ku Ndanihele kwenda Kesitulwilo. Elitango kwenda ovisungo vyapitiyiwa okutunda Koputu okwenda Kalemāwu. Ocitundo colonjimbi cakala citito pole ovisungo vyakala viwa calwa, oñgolosi loñgolosi. Ulala lulala wasulale lekovongo. Etu tupandula apako aco. Ovimatamata vyekongelo vyalomba longusu yalwa okuvelapo omanu valinga onepa ka 40 Koloneke Elombelo.

Konembele yetu ikola kutumāla lika 80 komanu. Pole veyā capitahāla 100 komanu. Kesulilo lyosumanu onembele yeyuka pole vosumanu kweyaya lika 60 komanu. 32 yava vakovongiwa veyaya oloneke vyosi. Ndepako lyaco kwapapatisiwa 8 kakwenje kwenda 14 komanu vakasi andi vocisoko cepapatiso. Kesulilo lyulima a 13 komanu vapapatisiwa.

Etu twakwata oloseteko vyalwa vikomohisa. Cacatangisa calwa okusañga u opitiya. Ulongisi yumwe wokatulika walyeca okutukwatisa. Pole eye kakwatele oseteko yalwa Lembimbiliya. Omolyaco etu twalombela okusiñga umwe kapitiya yavakwalonamalāla [polotestandi]. Noke vokatembo katito etu twasanga ñgala yumwe yukāyi vo lestahulandi (vonjo yovilyalya), una watusapwila ati eye wapitiya lesanju lyalwa vo Putu Kalemānya vekongelo limwe Lyopendekoste. Eye wakala kapitiya ketu kulala wesapulo kwenda kesulilo eye wapapatisiwavo.

Maliya kapitiya wapinga nda citava eye okukovonga vo ekamba lyaye Elisambete oco eyaye vo. Eye okasi usongwi wekongelo litito lyava Kolumbya ko Kolongne lovimatamata 13. Eye weya kwenda wanena ovimatamata vyekongelo lyaye. Tunde opo vavali kovimatamata vyomanu ava vapapatisiwa. Cilo Elisambete kwenda epata lyaye vatambula alilongiso Embimbiliya.

Oseteko ikwavo yalipita koviluvyaluvya vya Hope Channel. Ukanyi yumwe woko Alemaniya vokusenga-senga kwaye wasiñga Hope Channel kwenda cocomohisa calwa ceci vavangula kweci catyamela keteke Lyesambata. Eye wakovonga ulume waye oco vavevelele kumosi. Eyevo wasola esapulo. Eteke limwe eci ovo vanda okukanyula ina yaye, ovo valisalukako eci vapita ketapalo likwavo. Osimbo ungende wantongekele ovo valuluvala ondumbu imwe Yekongelo Lyakwelavoko Lyeteke Lyepandu-Vali. Ovo yu valimbuka okuti Hope Channel pwāyi Yavandevē. Kesambata eye wanda kekongelo lyaco. Kwenje wakovonga ulume waye noke ina wakwama eye. Tunde opo katatu kavo vapapatisiwa.

Oseteko ikwavo yalipita lamanji yumwe yukāyi woko Lusya kwenda Alemaniya (Russian-German). Eye walinga onepa ka 40 Koloneke Vyefendelo kwenda wafetika okulombelako ava valisungwe vavangula elimi lyo Lusya. Eci eye asapwilako ava valisungwe okuti okasi okuvalombelako ovo valisalukako cocili kwenda wapopya ati wakala okusandiliya onembele imwe ilava Esambata Lyembimbiliya. Eye kwenda ava valisungwe veyā kwata onepa kulala wesapulo. Kavalikavo vapapatisiwa.

Oseteko ikwavo yukāyi umwe londuko Jeanne. Eye wakala ocimatamata cimwe cekongelo lyo Mbatista ko Mbalasili kwenda kaliye eye wakala

okusandiliya ko Kologne ekongelo lyava vavangula Oputu. Eye walisiña lekongelo Lyavandevu, watambula elilongiso Lyembimbiliya kwenje wapapatisiwa. Noke lyokutava kwaye eye wavilikiya ava valisungwe ko Mbalasili noke wasapwilako inanu yukāyi una wakala ale Ondenze okuti eye walinga vo Ondevu kaliye. Eci cakala ocisalu cinene ku ina yaye, kuvamanji kwenda ekongelo lyo Mbatista ko Mbalasili kuna eye akala ocimatamata. Epata lyaye ko Mbalasili vanyula nyula ekongelo Lyondeve oco ovomwele vakulihe evi vyatyamela Kesambata. Eci cakoka omanu vakwāla okupapatisiwa ko Mbalasili: ina yaye, vamanji yaye kwenda vakwavo ava vakasi kumosi. Cilo eye yo olombela ko vamanji yaye vakwavo yukāyi, u okasi ko Njeletini. Eye oyongola okukala lavo kusoma wa Suku.

Kesongolo lya Suku etu tukwatakwata oloseteko vyalwa. Kepapatiso lyatete omanu ecelāla vapapatisiwa—umwe woko Italya, umwe woko Alemānya, ukwavo woko Pelu, umwe woko Mbalasili, ukwavo woko Ukalanya, umwe woko Veneswela, ukwavo woko Kolombiya kwenda Lusya.

Vokwenye kuli vali ulala ukwavo wesapulo velitokeko lya 40 Koloneke Vyefendelo. Jimmy Cardoso kwenda ukāyi waye una wacitiwilako Mbalasili, pole cilo watunga ko USA eye wakunda kulala wesapulo. Ulala wapita ñgo osumanu kesulilo lyaco twatela okupapatisa omanu vakwāla vasoliwa. Ovo vakwata tete elilongiso Lyembimbiliya. Vatatu yavo wakala voko Alemānya umwe woko Italya.

Apapatiso aco osi alingiwa vekongelo lyo visupe ko Kologne kuna kuli 400 kovimatamata kwenda epapatiso limwe lyaleluka.

Etu tupandula Suku momo Eye watukomohisa cocili. Ame ndacikolela okuti Eye otukwetele oloseteko vimwe vitukevelela. Panga ohenda kalombelo ene tukapiko.“ Yohano Lotze, Kologne va Alemānya.

Epingilo lyatete: “Ame tetemwele ndatanga elivulu [40 Koloneke] Kamela atete ame ndatuñgunyiwa calwa. Etu katwalombeleko ñgo vakwetu, etuvo twavakwatela ocikembe calwa. Ekalo eli kakwetu olyo lyeca omwenyo. Lesumwo lyalwa ame salamōla epingilo ndeli. Ekolelo lyaco likasi ñgo! Ame ndisima okuti cesilivilo komunu okasi okulomba kwenda kwu vakasi okulombelako. Cimosi vo cañgoka ombili epamiso lyukamba la Yesu vekongelo citava ukatōlisiwa. Ene mba, ame ñgevelela okuti ukamba waco ukalipita ndomo catondongwiwa kolomitulwilo vyasulako vyelivulu. Oco sikalinge ohembi, ocilimwele ame ndalila omo lyukamba waco ndalavoka osimbu yalwa. Ame ndakolāpo okuti elivulu ‘Christ in me’ (Klistu vokwange) lyatunga kwenda lyatuyovola kakatangisa etumwele.

Ame ndatanga alivulu alwa vavangula ‘Christ in me’ (Klistu vokwange) pole elivulu eli likwatisa calwa. Ame ndacikolela okuti omwenyo wove welombelo ukatōlisiwa lelivulu eli okuti ukamba vonembele ukatunguwa kwenda eci cikatongeka. Elivulu eli lyaca elavoko kokwange, lyaca elavoko kekongelo kwenda kolwali. Ame ndipandula Suku omo lyelivulu eli. Noke ame ndalinga ongombo yokutanga elivulu 40 Koloneke lonumbi yokulomba vocakati ceci kwenda okukwama kwosi Suku andekisa.”

Volosumanu vimwe ndatambula o e-mail ikwavo kumanji yumwe yukāyi: “Ndomo oci ame ndatanga elivulu eli onjanja yatete. Pole tunde eci ndafetika okuyitanga kovipama lekamba lyange lyelombelo, ame ndalimbuka okuti ovyo oko vyakala ale, ame salavimōla tete. Ame ndisokutambulwiwa kovina amemwele salatela. Pandu pandu a Ņgala kekamba lyange lyelombelo una okasi okukwata onepa longusu yalwa.” H. K.

Acociliko vali: “Ocikongamela *Alyanga Andisa Ketunbululo Lyomunu* Lomunu cambeta lelitepo lyalwa vutima ... Lokucitiwa vepata lya Vandeve ame ndakolele po okuti ndendela vonjila yasuŋgama. Onondovitwe yakwi kakāyi valipwa okuvelapo mwele Valoma 8:9: “*Kaliye ndayumwe kakwete Espililitu lya Klistu hawaKlistuko,*” ocilikocili eci cambeta calwa kutima. Ame ocipikipiki sayongwile kacaŋgwatelele nda ŋgwete Espililitu Likola ale ndati kwenda nda Eye yotalavaya ale vokwange ale cho, momo ame ndanyelisa vomwenyo wange eci cikoka usumba apako ataviwa. Vesambata eli kekumbi ame ndamāla okutanga ocikongamela eci kwenda esumwo limwe linene lyanungamo. Kwenje ame ndatanga elombelo ocipepi lesulilo lyelivulu kwenda onjongole imwe inene yeya vokwange oco nditambule Espililitu Likola, okukuwecelela okupongolola utima wange kwenda oco Suku atunge vokwange onjongole Yaye ...” A. P.

Eye Ukulih: “Olonjanja vimwe konyima ame ndatanga ocisonewa cove cetumbululo (kepulivi lyetumbululo). Ame ndasakalalele lonondovitwe eyi cisoka alima atatu. Kaliye, ame ndafetika okutanga *Alyanga Andisa Ketunbululo Lyomunu Lomunu*. Ame citava ndipopya lika AMEN kweci! Ame ndasanjuka momo kamela ava ame ndasanga vyalwa vyokovisimilo vyange. Ame ndisima okuti vekongelo lyetu etu tunyelisa ongombo vakukutu. Ame sicitela okuha kocisimilo cokuti etu tunyelisa cesilivilo! Cachata okulipita “locili” ndamupi citava etu okukala, ale cesilivilo lipi uwanji wupolofeto ukwete, ame sikasi okupopya okuti caponya. Pole etu tutaliliya MEKONDA lye Suku atwihila ovina evi! Ongombo ko yocili okutelisa ko ukamba la Suku?

OCILIKOCILI ovina evi kavitukwatisa okutulombolwila Suku? Ongomboko yuwanji wupolofeto okuti etu tulimbuka vya Suku vikomohisa kwenda Unene wosi Waye oco okuti etu tukwata elomboloko lyokuti Eye okwete olwali lwosi Peka lyaYe kwenda omyuhisa eci vonjila imwamwe kwenda vo Eye citava endisa kwenda otetiya ekalo lyetu? Omwenyo kopwi nye? Yohano 17:3: “kwenda eyi oyo omwenyo kopwi okuti ovo VAKUKULIHA Ove Suku yocili kwenda Yesu Klistu una Ove watuma. Kolusapo wasandombwa lululu kupopya ati kandundulu valipwa: “Ame sakukulihili. Ongombo yekolelo lyetu okukuliha lika Suku okukwata ukamba laYe, oco okuti Eye citava otuyukisa ndomo Eye ayukisa onembele tala (2 Asapulo 5:13-14). Kwenda eci Eye andela vokwetu oyukisa etimba lyetu kwenje atuko vali tukakala pole Klistu eye okala vokwetu (mwele yeci kakulihiwile).

AKUMBULULO AKOMOHISA KOKULOMBELA KO VAKWETU

“Elivulu lyavali 40 Koloneke lya D. Smith likasi esumuluhu limwe likomohisa kokwange. Omanu vamwe ndalombela vaseteka 180° okutyuka komwenyo vakala.

Votemboyulala wa 40 Koloneke ame ndakwata ombangulo yesipilitu yocili lakamba yumwe. Eye wandisapwilako ati omwenyo waye wakwata elyanga limwe lyalitepa volosumanu evi vyasulako. Eye wakwata esukililo linene lyelombelo (eye wasukila calwa elombelo), wasokolowale vali kondaka ya Suku kwenda watela okuchapo ovina vyakala tete vyesilivilo kokwaye. Ame ndalinga utōyi kwenda ndosapwilako vyelivulu 40 Koloneke, ndosapwilako vo okuti eye olinga onepa komanu vatālo űgasi okulombelako. Kwenje yapa wanambula locisalu: “Pwāyi ove wakoka ocina eci cosi.’

Kafeko yumwe walinga enōlo lyokutumbika omwenyo waye ku Suku 100%. Ndaño eye wakalele ale onāve tunde vutila waye, wakalele lekambo lya Suku. Eye kakwatele ekolelo ketavo kwenda walikatangale komwenyo wolwali. Eye kaliye wapongolwiwa wosi; U wosi wokulihile nda womōla kaliye vokokomōha. Eye cilo yo’tanga Embimbiliya lame kaliye kwenda yo’linga onepa kulala wa 40 Koloneke kekongelo lyetu kwenda oyongola okweca ongsu kakwavo oco vakwate omwenyo wekolelo lyocili.

Umwe kafeko ukwavo una ame ndalombelako, walinga onepa kosumanu yelilongiso yakoka okukala kumosi lavakwavo vakwatako vo onepa. Eye wakomōha okupita otembo lo longendeleyi evi. Eteke limwe apa handi lyeye okwenda ame ndowiha ongsu yokulomba kwenda ndosapwilako okuti ame ndolombalako vokañgunuñgunu otembo yosi eyi. Omolyaco

twalomba oco Suku atwihe ombembwa Yaye kepuluvi eli kwenda oco Eye akwate oseteko eyi yekumbululo lyelombelo. Osimbu twakala kelilongiso eye wambilikiya kwenda longusu yalwa wandisapwilako ati Suku walinga cimwe cikomohisa. Eye kowihile lika esanju lyaye lyaswapo, pole Eye wowihavo epandi lyokulingako onepa kolomapalo luteke, cina cakala akucila, owalende kwenda vikwavo.

Noke Iya 40 Koloneke ame ndatongeka okulombelako owiñgi owu, tunde eci ndayevea kwenda ndamōla onjila inene Suku akumbulula elombelo.”

A. M. (omita yavakiwa)

NDOMO SUKU ATALAVAYA VOKUPINGILAKO VAKWETU

“Kalima atālo apita ame ndandele kosamwa okusanga umwe omunu wesilivilo kokwange. Eye wamwiwa okulikala asapulo ange. Ame ndayeveale okuti eye kandale vali konembele kalima atatu apita. (Eye wamāleko vonembele.) Kwenda ati eye wakala okulimbombāla lukāyi umwe Ukwalofeka. Ame ndakapako ukwenje umalehe kolonduko vyange yava ndilombalako, tunde opo salasima okuti cikateliwa okuhusanga oku’tyukisa tunde eci ndanyelisa 600 km kwenda kala nambulula. Ndañgo leci ame ndolombala oco ñgwate “ondimbu imwe yomwenyo” waye.

Okatembo katito ame ndayevea epapatiso lyamanji yaye, lina nda yalipita ocipepi lame kwenda kepuluvi limwe kulala wa 40 Koloneke Welombelo (ulala waco wapongiyiwile eteke limwe likwavo). Ame ndatava–ndalinga onepa kelisañgo! Etu twasapela vimwe vinene vina eye andisapwilako, ati okatembo katito wakwata onjongole inene yokutyuka, pole eye kakwatele ongsu yokupongolola ekalo lyaye lyomwenyo. Ame ndosapwilako okuti ndu’lombalako longusu yalwa eci cisoka 20 koloneke, tunde opo onduko yaye ikasi vopapelo yava ndilombalako. Eye woha ñgu kakwatele ondaka, wayeva Suku okutalavaya vokwaye.

Kelaleko limwe litito kulala umwe wepapatiso eci ungombo añgovonga, ame ndamōla uyaki wakala okulipita laye, kwenda kesulilo lyaco wakekama kolongolo yu afetika okulila. Eye walyeca eyemwele onjanja ikwavo ku Suku! Kesulilo lyoñgolosi eye wandisapwila ati wanōla okufetika okulinga onepa kovolala onembele kwenda okupongolola ekalo lyomwenyo waye. Eye kalasima okukwata esulilo eli vosumanu ina.

Vulala wepapatiso eye watuñgunyiwa kwenda eci ungombo alinga ekovongo, ndalimbuka uyaki wakala okulipita laye noke lyuyaki walwa eye kesulilo lyaco wakekama kolongolo vyaye kwenje wafetika okulila. Eye

walyeca ku Suku onjanja ikwavo! Kesulilo lyoñgolōsi eye wandisapwilako ati watava okutyuka kekongelo onjanja ikwavo kwenda okupongolola ekalo lyomwenyo waye. Eye kalasima okusula oco lomwenyo waye vosumanu eyi.

Noke lyolosumanu vitito ndosiñga kelyongolwilo lyupange wamalehe, cina onjanja ikwavo yupamisa kwenda yu amisako vali. Ame ndipandula Suku koseteko yomunu umwe Waye wasoliwa.” M. H.

Ame ndayongwile okwimbili onumbi alivulu a Roger Morneau kuwosi una oyongola okulilongisa vali kweci catyamela kokulombelako vakwetu: *A Trip into the Supernatural (Ungende kovina Havyelulikoko)* kwenda *The Incredible Power of Prayer (Unene Kahutaviwa Welombelo)*, *Eci ove Osukila Akumbululo Elombelo Kahakumbulwawa*. (Alivulu ava asiñgiwa Kocitumãlo Calivulu Avandevve Kosongo yove.)

UKANDA VELOMBELO ET. 148

UPANGE WELOMBELO LYEKUTA LINENE

Ocikomo Cekayiso Lyesipilitu

Eteke limue lomele eci ame ndatanga efendelo lyeteke leteke ko www.revivalandreformation.org, ame ndasila komitulwilo “Featured Resources”. Oko ndamōla ocikongamela *Alyanga Andisa Ketumbululo Lyomunu Lomunu* lya Helmut Haubeil. Osimbu ndakala okutanga, ndalimbuka okuti olonjanja vimwe ndapingale Esipilitu Likola vomwenyo wange. Ame ndanda konembele ndakwata efendelo lyeteke leteke kwenda otembo yosi ndacaca alilongiso Embimbiliya. Pole omwenyo wange wesipilitu wafukilile calwa. Ame ndaliyeva ndokutepiwa ku Suku. Suku wakumbulula elombelo lyange kwenda ame ndayongola vali.

Toke apa ame ndaseteka upange wa Suku vomwenyo wange—Eye wañgwatisa okutunda kociteke kwenda wandiyenjeka kepuluvi lyange lyesumwo—onjongole imwe yokulinyeka. Ame ndapita kapuluvi ava asalwisa calwa. Otembo yalwa yapita salasapela la tate yange, pole cilo tusapala vokacipopelo (telefone) tunde eci eye avela calwa, cakoka okwiya kosipitali okukala okatembo kalwa. Eye wasima ati omwenyo waye usula kwenda vonjanja yatete lalima 60 eye wapinga ongecelo yepembulo kwenda ocekelela alinga vepata lyetu. Olombangulo vyetu kavyakwatisile calwa omo lyepulivi twakala, pole eci candikoka evalo salayeva vutwe wange. Ame ndakwatele ekwatiso limwe litito calwa vukamba wange kwenda sayongwile vali okukala lomwenyo kwenje ndanōla okulipaya. Pole Suku wanjovola wanditeywila, wafetika okundikayisa kapute ange.

Kotembo eyi, ame ndatikula ocikongamela *Alyanga Andisa Ketumbululo Lyomunu Lomunu*. Eci candilekisa alyanga okuyukisiwa lEsipilitu Likola, ota epongoloko ndaseteka liŋgomohāsa mba! Kaliye ame eteke leteke ndilombala okuyukisiwa lEsipilitu Likola kwenda citava longusu yalwa okukevelela eci Ņgala akalinga kovaso vomwenyo wange. Ame cimbala calwa okupinga kwenda okukevelela ku Ņgala okukolela Kokwaye lesunguluko lyosi; ontembo ndakala okukula epata lyange lyakwata akatanga alwa. Pole ame ndililongasa okukolela ku Isya yange yokovaylu kwenda ekolelo eli lipiŋganya vyosi ndisukila ketato kwenda kokundilava kohali. Ame ndikwete enyona lyokuyowiwa la Yesu kwenda okusongwiwa laYe. Ame ndipandula olonjiliko vocikongamela vina vyandisongwila ko cilumba cEsipilitu Likola. Ame ndilimboka okuti osimbu nditanga Ociŋga olondaka vipopolokela vutima wange. Eci kacikasi vali okutanga kwaŋgo Embimbiliya, calinga ukamba womunu lomunu la Suku kwenda okukula vukamba la Klistu. Suku yo onjavela ukamba wocili una ndalavoka osimbu!

Ame ndapita kupange unene wokwecela ocili isya yange kwenje ndisima okuti ndacyiula. Pole eci ndatanga elivulu (*Alyanga Andisa Ketumbululo Lyomunu Lomunu*) Espilitu Likola wandekisa evalo linene lyocinyeŋghusa ndayevale pole kaliye capita.

Olonjanja vialwa tusole okulamelela konyeŋgo ndesunga lyeponyo limwe vatulingila. Pole twalilongisa okuti te twachapo ovisimilo evi, nda etu tuyongola okutambula Espilitu lya Suku okuswapo. Caŋgoka okunōla okuchapo evi. Locali ca Suku utima wange walambiwa locikembe ca isya yange ndu wanyeleva kwenje ndafetika okuhulombelako oco apopeliwe. Samāleko calwa lalombelo, isya yange eteke limwe wavilikiya manji yange yufeko laswelela vovaso aye yu osapwilako ati, pwāyi “Yesu osole ame, Yesu osole ame”. Eye wasapwilako manjange okuti watanga esapulo lyelivulu lya Yohano kwenje cokwatela calwa ceci okuti Yesu wofilila kekelusu. Wosi wakuliha isya yange okapopya ati: Eyemwele ngandi? Avoyo ayeko vali! Pole Suku watambulula alombelo ange eci cikomohisa.

Kakwapitile otembo yalwa ame ndatuma 10 lyovichapa vyo cikongamela kovimatamata vyecongelo lyetu–ovo vayongola okutunga kwEspilitu Likola vomwenyo wavo. Vokatembo katito, ndatela okumōla ndamupi *Alyanga Andisa Ketumbululo Lyomunu Lomunu* ayukisa omwenyo wavo. Ndamupi valwa vetu vandela vonjila yavomwele vekambo lyelitokeko lyunene wEspilitu ndokukala Vakwaklistu? Ame cindiyokokisa ceci okuti etu vamwe twendanda konembele tuletive kosamwa Ndakwaklistu wava,

pole vokati ketu tukasi upolokoso. Ame ndifetika okuseteka eci Suku alikuminya: Eye citava olinga vyalwa okuvelapo evi tutela okupinga ale evi katutela okusima. Ove okwete ocitangi calisetahāla leci cange? Suku citava okuyukisa lEsipilitu Likola kwenda okwiha ekwatiso lyocili. Eye citava okulingila ko vo ovina Eye andingilako.” D. A.

EKONGELO KO LUDWIGSBURG / BADEN-WUERTTEMBERG, KALEMANYA

“Tete mwele etu twatanga elivulu *40 Koloneke* kavali kwenda twaseteka uwa unene womunu lomunu kwenda asumuluho kepuluvi Lyelombelo. Noke etu twangiliya ulala welisañgo welombelo, luvali vosumanu lekongelo okutanga elivulu lovimatamata vyekongelo. Etu leposo twaseteka esumuluho lya Suku kwenda twasongwila kwenda twaseteka ovikomo viñgi-viñgi vapuluvi a *40 Koloneke*. Ndekongelo Suku watusumulwisa kwenda watutumbulula: Ovimatamata vyekongelo, vana kavalakwata utōyi wokuvangula lovingendeleyi, vocipikipiki-vafetika okuvangula lovingendeleyi vocisimilo cavomwele. Suku ndekongelo limwe yo’twavela okutwamisa ocipepi vocati celombelo. Etu twakwata ombuwe yokukwata oloseteko vyaposoka vokulombela ko vakwetu kwenda okuyenjeka omanu vatālo twalombelako vulala wa *40 Koloneke*. Suku watalavaye leposo vimwenyo womanu ava. Onjanja oyo onjanja omanu vatundale volokololo ocipikipiki vamolāha vafendelo Vesambata. Etu tweca alilongiso Embimbiliya ku wosi olinga onepa kapata ava. Ovo vasole kusapwiwa va Sambata vocakati coviluvya-luvya (videos) vo internet kwenda elivulu *Ema Linene* lava vasole okusangiwa vekongelo olonjanja vimwe.” Katja kwenda Christian Schindler, Ekongelo Lyakwelavoko Lyeteke Lyepandu Vali ko Ludwigsburg (omita yatepulwiwa).

40 KOLONEKE YOSETEKO

“Cosi cafetika lelilongiso lya *Alyanga Andisa Ketumbululo Lyomunu Lomunu*. Kotembo yaco onjongole yokukula yalwile calwa vokwange, okuseteka Suku vomwenyo wange eteke leteke. Noke ndayeva *40 Koloneke* Vyalombelo Lefendelo. Eci candomboloka vocipikipiki-ame ndayongola okuseteka osoloti eyi. Cilo ame sakulihile eci ndalियongwile amemwele. Ame ndasanga ekamba limwe lyelombelo cina (cikasi onepa yulala) sakwatele ekatanga. Upange kokwange cakala okusanga otembo yomunu

lomunu vepuluvi lyulala owu wa 40 Koloneke. Ndocifumela ame ñgwete calwa apongoloko epuluvi lyokutalavaya. Ame sasimāle vali cevi. Ndañgo leci, Suku wasumulwisa enōlo lyange lyokufetika. Osimbu yalwa ame ndakevalale apuluvi ndava oloneke vina catavale etu okulyohela lavakwetu kwevi vyatyamela konondovitwe kwenda okupinga Esipilitu Likola. Etu twalimbuka okuti alombelo apongolola cimwe vomwenyo wetu. Kwenda etu katwacitelele okucisoleka kokwetumwele.

Ombuwe yosi twakwatale tulambiwa kutima okusapwilako cimwe vakwetu. Eci cesilivilo lyalwa kokwange okukovonga omanu vakwavo okukwata oseteko imwamwe. Apako kahaliponyi okumoleha. Ovimatamata vyonembele imwe vyasambwisiwako vo lesanju lyetu. Lokanjanga efendelo lyokaliye lyamoleha. Etu twavandakale kovaso okulyohela lavakwetu osumanu yosi cina etu twaseteka. Ovilu (this virus) lokavando yasambukila tumwe otwamalehe twetu. A 40 Koloneke apwa lonjanga yalwa. Etu katwayongwile okutalama kwenda katwatalamele mwele. Omolyaco etu twatongeka epuluvi lyetu lyefendelo le livulu *Maranatha – The Lord is coming (Malanata-Ñgala Yowiya)* Iya Ellen White. Kwenje Suku katukevelisile calwa. Osimbu twakala vulala wa 40 Koloneke Eye watwavela akumbululo alwa akomohisa elombelo. Vamwe vo etu twalombelako kapuluvi amwe veyale okusandiliya ekongelo onjanja ikwavo noke yotembo yalwa kosamwa. Catusanjwisa calwa. Omanu valisungwe lame valinga vesilivilo lyavelapo kokwange. Onjongole yange okusapwilako vakwetu ocisola ca Suku cakula calwa. Omwenyo wange wapongoloka. Valwa vetu vakuliha kwenda vakwata elomboloko lyavelapo omunu lukwavo. Ukamba kaliye ukwete elomboloko lyokaliye lyavelapo. A 40 Koloneke Elombelo kwenda efendelo Iya Dennis Smith yakala yekwatiso linene kokwange. Caleluka calwa okusanga ekamba lyetu yelombelo kwenda okuseteka Suku. Omanu vetu vasoliwa vakatupandola kwevi.” Omanu vetu vatusole vakatupandula. Hildegard Welker, Crailsheim Seventh-Day Adventist Church / Ekongelo Lyakwelavoko Lyeteke Lyepanduvali (yumwe cifumelu wokutonga apute.) (Kwatetiwa kamwe).

YESU OLUMAPU LWETU

Yesu olumapu lwetu lunene kovina vyosi. Ku Luka 3:21-22 etu tutanga: “*Eci owiñgi wosi wapapatsiwa, Yesu weyavo oco apapatsiwe! Kwenda eci Eye akala lokulomba ilu lyahikwiwa. Kwenda Esipilitu Likola vesetahãlo lyetimba lyatuluka Kokwaye ndopomba ...*”

Kwevi vyatyamela kweci Ellen G. White wapopya: “Kekumbululo lyelombelo lyaYe ku Isya yokovaylu ilu lyahikwiwa kwenda Esipilitu lyaloka ndopomba kwenje cavata Kokwaye.”¹⁴²

Cikomõhisa vali upange waye alinga palo posi: “Omele lomele Eye wasapalale la Isya Yaye yokovaylu, okutambula Kokwaye epapatiso lyEsipilitu Likola.”¹⁴³ Nda Yesu wasukilile etulumwinyo lyepapatiso lyEsipilitu Likola eteke leteke, oco pwãyi etu katucisukila po vali eci!

¹⁴² Ellen G. White, *Ye Shall Receive Power* (1995), p. 14.4

¹⁴³ Ellen G. White, *Signs of the Time*, Nov. 21, 1895

Ovisimilo Vyomunu Lomunu kwenda Esongolo Lyapulilo

1. Oloseteko vipi omanu vakwete ndondimbu okuti vapinga okuyukisiwa lEsipilitu Likola?

2. Apongoloko api oliyongwila ovemwele kwenda komwenyo wekongelo lyove?

3. Apongoloko api citava ove likalyove oseteka lesongolo lyEspilitu Likola?

Epuluvi lyetu Lyelombelo

- Vilikiya ekamba lyove lyelombelo kwenda lisapeli vyonondovitwe.
- Lomba lekamba lyove lyelombelo ...
 1. Oco N'gala atuyukise lEspilitu Likola.
 2. Oco okuti etu lesanju lyalwa etali tweca cosi cetu kwenda cosi tukwete ku N'gala yetu.
 3. Komanu vakasi vopapelo yove yokulombelako vakwetu.

ONJONGOLE KWENDA OKULYOHELA

Ocimemene etu twaca cityukila kovitima vyetumwele.

(Olusapo woko Alemanya)

*Ndamupi ame ndikwatisa vakwetu oco vaseteke vo
"Omwenyo Wepwiti" (Yohano 10:10)?*

NDAMUPI TUPETULA ONJONGOLE VOMWENYO WAYUKISIWA LESIPILITU?

Nye asongwi kwenda akongelo citava valinga? Kulo kuli otwakisika tumwe tutava okulingiwa lasongwi (alumu: usongwi, ungombo, ekongelo ale epya lyasonehi asongwi ovosikola ale omanu vakwavo olonumiwi) komunga la kongelo okosamwa, akongelo kwenda ovimuka.

Apondolo amwe

- 1. Ovitundo vyefendelo vikasi vivali vivali:** Tangi a 40 Koloneke Efendelo ndolo watepata ale lakamba lukwavo lyelombelo. Fetika lelivulu lyatete 40 Koloneke "Alombelo kwenda Ovipama Vyelipongiyo Vyokwiya Kwavali", Dennis Smith, *Review and Herald*, kwenda ukanda waco ukwete elivulu lyavali lya 40 Koloneke "Alombelo, Ovipama Okutumbulula Oseteko yove la Suku". Alyanga Andisa Ketumbululo Lyomunu Lomunu ale citava kufufwiwa vo elivulu *Abide in Jesus (Kali mu Yesu)*. Eci omanu vavali valikwele vafendela kumosi, citava cikoka kwenda civokiya ocisola

komunu lukwavo. Ndocituwa citava ove ofendela kumosi lomunu ukwavo wasima. Eci civelapo omunu lomunu okulikwata omunga, pole caco eci citava okulingiwa vocakati co telefone, co Skype ale omindya ikwavo. Ovitundo vyovipama vitunga vavali vavali vikwete unene walwa. Ondaka ya Suku ilungula ati te twalomba vavali-vavali (Mateho 18:19) kwenda talavayi vavali vavali (Luka 10:1) Ekalo eli lyefendelo lyavelapo kokupetula vakwetu oco valinge cimwamwe.

2. Okwiŋgisa ale okulyohela ocisonewa. Olumapu:

Ocikongamela *Alyanga Andisa Ketumbululo Lyomunu Lomunu* (akasilili ocali ale vondando yaleluka kalimi osi apitiyiwa).

O 150 yakwakutanga kwenda ovita vyolonāvi vilekasa ati ocikongamela eci cisoliwe leposo lyalwa volonjila evi:

- ▶ Omuu eyemwele okwata oseteko yekalo lyesipilitu
- ▶ Okwata elomboloko lyotwalyanga tuvali tusongwila komwenyo wesipilitu wesanju kwenda ekolelo lyepopelo.
- ▶ Okuliha uwa unene womwenyo umwe weyuka kwenda usongwiwa lEsipilitu Likola kwenda epese lisetekiwa lekambo lyaYe.
- ▶ Okuliha okuti alombelo etu lalikuminyo akwete povali ovowa aswapo kahasetekiwa. Omo lyezi etu tulomba vali lesanju lyalwa, lekolelo kwenda longusu yalwa. Kwenda noke lyelombelo lyasoka ndeli etu citava tukolāpo okuti twatambula ale Esipilitu Likola.
- ▶ Esanju lyavo lyalwa likoka ombili kokwavo lyokweca uvangi kwenda okulyohela elivulu lavakwavo.

Vocakati coloseteko yavalwa twalilongisa okuti *Alyanga Andisa Ketumbululo Lyomunu Lomunu* kumosi lalivulu avali 40 Koloneke 1 /40 Koloneke 2 lyatete kwenda lyavali a Dennis Smith andisa kapako avelapo. *Alyanga Andisa Ketumbululo Lyomunu Lomunu* apetula ovaso kwenda akasi ekwatiso limwe lyavelapo lyafetika ocipikipiki. Alivulu 40 Koloneke atandavisa kwenda akwatisa okupamisa omwenyo wesipilitu. Omolyaco, akoka efendelo lyomunu lomunu lomele kwenda akumbululo alombelo alwa.

3. Olomita vitito citava vitangiwa kepuluvi lyefendelo: Apaghandi

lyohundo okulipita kotembo yasokihwa, omita yanoliwa vyomwenyo lEsipilitu Likola, citava vitangiwa kulala wefendelo (cisoka akukutu atālo toke kekwi). Olomita vyambiwa onumbi okutangiwa visangiwa kovaso. Apaghandi lya cosi, omanu citava vahiwa ongsu oco vatunge ovimuka

vyomanu vavali vavali ale okukapako alilongiso a 40 Koloneke (tala etosi 12).

4. Olomita vyovisonewa vyetu vitava okusonehiwa lomakina volombuletin vyekongelo ale citava vifufwiwa kepuluvi lyalaleko:

- ▶ *The Desire of Ages*, ch. 73: “Let your heart not be troubled.”
- ▶ *The Acts of the Apostles*, ch. 5 “The Gift of the Spirit”
- ▶ *Christ’s Object Lessons*, ch. 12 “Asking to Give”
- ▶ *Testimony Treasures* vol. 3, “The Promise of the Spirit”, p. 209-215
- ▶ *Thoughts from one day* from the EGW worship book “Ye Shall Receive Power” (asiñgiwa Konjo ya Livulu Yavandevye yokosongo yove)

5. Lyohela oloseteko: Otembo yosi citava lyohela oloseteko kepuluvi lyefendelo. Oloseteko vyomunu lomunu alyoheliwe lovimatamata vyekongelo lakwavo ale lakongelo akwavo. Ove citava osanga oloseteko evi vikasi ko www.steps-to-personal-revival.info sila: “Testimonies”.

6. Onepa yakwāla yelilongiso ndongusu Vesambata: Eyi ikasi onjila yavelapo vyosi yokweca onjongole vekongelo lonjanga. Eli Esambata limwe lyaposoka lapuluvi 3-4 ovindekase pokufetika voñgolōsi lyeteke lyepandu noke kulala wefendelo vesambata kwenda onjanja ikwavo vepuluvi lyekumbi vongunji. Onondovitwe yavelapo citava yupiwa *Valyanga Andisa Ketumbululo Lyomunu Lomunu*: Tala ko www.steps-to-personal-revival.info:

- ▶ Casesa luteke epuluvi limwe liwa lyosumanu lyokulyohela oloseteko, omolyaco lyohela oseteko yituñgunya. Nda citava kutendiwemwele oseteko ya hundi. Onjila ikwavo okuvangula kwevi vyatyamela *Kokulyeca ku Yesu* Ove citava osanga olonumbi vyeci kocikongamela *Kali mu Yesu* omitulwilo 2 “Okulyeca ku Yesu”
- ▶ Onumbi ikwavo okukunda olonondovitwe *Vyalyanga Andisa Ketumbululo Lyomunu Lomunu* osimbu upange wefendelo upita. Oco cilimbukiwe: lyohela olomita 2-3 vociñgililo cekambo lyEspilitu Likola. Tongeka lovisimilo vyosapi vyomitulwilo 1 “Nye Yesu alongisa kwevi vyatyamela kEspilitu Likola” kwenda komitulwilo ya 2 “Cipi ocakati covitangi vyetu? (vitava okulyohela kolohola vivali)
- ▶ Kelisango lyatete lyokekumbi tepisa ovisimilo vyomitulwilo 3 “Ovitangi vyetu vikwete he etetulwilo? Ndamupi?”

- Kelisango lyavali kekumbi, lyoheli ovisimilo vyosapi vyomitulwilo 5, “Osapi Yokukapako Oseteko”.

Vakongelo kuna alilongiso atete *Alyanga Andisa Ketumbululo Lyomunu Lomunu* akasi lokupita, ovo citava vakwata onjongole ikwavo yesambata ale nda kwapingiwa elilongiso likwavo, okufufula olonondovitwe vyocikongamela cavali *Kali mu Yesu*. Onjanja ikwavo citava kukwama olonepa vikwāla vyolomitulwilo vikwāla.

Cikwete esilivilo kelipongiyo Lyesambata-lyongusu apahandi lyokutanga ocisonewa canōliwa colotembo tukasi lolonumbi vyokucitanga lutate. Cisilivila vo kokufetika 40 Koloneke Vyelombelo kepuluvi lyesulilo lyeteke lyesambata, kesulilo lyulala wesambata lyongusu (tala etosi 12) ale lekwamiso lyokutanga omitulwilo imosi vosumanu *Yalyanga Andisa Ketumbululo Lyomunu Lomunu* (tala etosi 7).

7. Elitango Lyulala: Omitulwilo imosi vosumanu—Cekwatiso lyalwa okutanga omitulwilo imosi vosumanu ale eteke leteke (cavelapo vali nda catangiwa olonjanja vivalli) okupa *Kalyanga Andisa Ketumbululo Lyomunu Lomunu* ale *Kalimu Yesu* pamwe kalivulu 40 Koloneke. Ocimuka cimwe ale ekongelo lyosi citava lisokiya eteke limwe lyokufetika. Eci citava cilingiwa vonepa yakwāla yelilongiso lyelipongiyo (tala etosi 6) ale noke lyulala Esambata-lyongusu. Omunu lomunu citava onōla nda oyongola okutanga likalyaye, nda oyongola lomunu lokwavo ale vocimuka cimwe. Vesambata ciposoka calwa okutanga ovisimilo vyosapi vyolonondovitwe vyayo kakukutu 5 kwenje noke olaleka omanu oco vace uvangi woloseteko vyavo vyomunu lomunu. Nda kakuli uvangi lahumwe womunu lomunu citava kutangiwa uvangi umwe (cipongihiwe apahandi yotembo yaco okupitila–tala oloseteko). Okukwamako kulalekisiwa omitulwilo ikatangiwa kosumanu ikeya. Ove citava eca onumbi yalivulu 40 Koloneke akasi ko www.spiritbaptism.org. Okufetika vesambata limwe elivulu citava litangiwa volosumanu vivali. Onondovitwe citava yitangiwa vondongosi olonjanja vivali ale vitatu elivulu lyosi. Eyi oyo onjila yinena epako liwa.

8. Linga Olohundo vokukala lEsipilitu Likola ale vokwilikila yumwe okulinga eci. Kuli olohundo vikomohisa vya Dwight Nelson lolo nondovitwe: “Ground Zero and the New Reformation (Osi Yupolokoso kwenda Etumbululo Lyokaliye): How to be Baptized with the Holy Spirit

(Ndamupi Tupapatisiwa lEsipilitu Likola)” Olohundo vyafetika keteke 2 Kenyenye. Kwenda oloblogs vyaye keteke lya 30 vosāyi Yakanyenye kwenda keteke 13 kosāyi Yenyenye akasi ko: www.pmchurch.tv/sermons ale www.steps-to-personal-revival.info

9. **Tanga Vembibiliya** olomita vyokukala lEsipilitu Likola ale okuyitanga lolukandi.
10. **Ovimuka vitito ale ovimuka vyelombelo** citava kutangiwa kwenda okulisungulwisa lo lomita vyasuŋgama kwenda okulomba kumosi. Okuvokiyako, ovimuka vyavavali vavali citava vyeciwa ongsu kuvana valinga onepa kovipama vya 40 Koloneke kwenda noke lumosi vosumanu ocimuka cosi cilyongolola oco valisungulwise loloseteko kwenda okutanga kumosi (tala etosi 12).
11. **Ongombo Vesambata**–Omo lyomwenyo lEsipilitu Likola okutulinga vangambati yesapulo apa twakafetika, ocisimilo ciwa nda otembo yosi ale vokatembo kamwe ŋgo kufetikiwa vali Asambata ocikundi. Eci cakala ociseveto colondingupange vyatete. Va isya yetu, olohulunda vyetu vandisa upange umwe wesambata Vesambata lyatete lyosāyi yosi. Kwenje nda omunu walilumba ale okacimuka kamwe citava vakwata ocikele celipongiyo lyelombelo ale okukapako elisaŋgo lyaco. Nda eci candisiwa kumosi lavimwe vyatukwiwa konano, eci citava cikwatisa okwamamako kwenda apuluvi esanju Esambata. Okuvokiyako, eci citava cisonbola kokupetwiwa kwesipilitu lyupange.
12. **Elilongiso kwenda esungulwiso lya 40 Koloneke Elomboloko**–Elombolwilo eli lyalekisiwa kalivulu avali atukwiwa 40 Koloneke konepa yombwelo, “Ociŋgilo comitulwilo kwenda Elombolwilo”. Okukwamako eci citava cikapiwa komesa yekongelo lyokosamwa, kepya lyokosamwa ale keŋgwalehelo lyokosamwa. Elombolwilo eli citava vo lilekisiwa keŋgwalehelo lyangombo, keŋgwalehelo lyolohulunda, keŋgwalehelo lyokukunda kwenda keŋgwalehelo lyamalehe, kolomundo, keŋgwalehelo lyepya kwenda kongombo yolosikola. Ukulihiso owu ati:
 - ▶ Ukwatisa kokukwata ukamba wocituke la Yesu vocakati cEsipilitu Likola.
 - ▶ Ukwatisa kokupamisa omwenyo welombelo (likalyove, locimuka ale kavali).

- ▶ Ukwatisa kokutandisa ukamba wetu womunu lomunu.
- ▶ Ukwatisa kokutōlisa omwenyo Wesipilitu vocakati ca 40 Koloneke efendelo lEsipilitu Likola.
- ▶ Ukwatisa vokulombelako ava vanyenlela ale omanu kavasañgiwile kwenda kulelwo wokuvavilikiya.
- ▶ Ukwatisavo kokusapula ondaka kovimuka vyokukwatisa ale alilongiso Embimbiliya.

Eci catelisiwa kalyanga atatu esipilitu:

- ▶ Etumbululo lyesipilitu lyomunu lomunu vocakati ca 40 Koloneke efendelo vovimuka ale vavali-vavali.
- ▶ (Apulilo opiwa kelivulu “Discussion Questions “ (Apulilo Okusapela) kwenda okulombela eteke leteke Esipilitu Likola, ndomo canjilikiwa kepuluvi lepuluvi “Aluluvalo Lyelombelo”.
- ▶ Epingilo lyeyukiso lEsipilitu kwenda ocikele comunu lomunu cokulombelako omanu vatālo vana kavasiñgiwile ale ovimatamata vyahongwa vyekongelo limwe.
- ▶ Ovopangeesapulo ndeci: Ovindekase /alilongiso, upangewakapiwako wovimuka vyekwatiso, alilongiso Embimbiliya, okacindekase ale okanepa kocindekase nduhaye, eluliko ale ovindekase vuywanji wupolofeto.

Kuvava valinga vayongola okulinga 40 Koloneke citukwiwa Instruction Manual (“Elivulu Lyonjiliko”) lyoseteko ya 40 Day-Instruction.pdf (40 Koloneke Elilongiso.pdf.) Eci cikwete alyanga osi asukiliwa, andisa koseteko yapako a 40 Koloneke. **Onumbi eyi yEsipilitu yavelapo elipongiyo lyosi lyongombo imwe yesapulo.** Leci asongwi kwenda ovimatamata vyekongelo vyapongiwi vesipilitu omunu lomunu. Vocakati comunu lomunu okulombelako omanu vatālo kavasiñgiwile andi, elisaño lyapongiwiwa ocipito cesapulo. Olonjila vyaliyekala vyesapulo citava vifufwiwa. Alivulu 40 Koloneke a Dennis Smith citava asangiwa ko www.spiritbaptism.org

13. Ulala wa 40 Koloneke lovimatamata vyekongelo wuteywila kakulihiso-kahasilivila. Okuvokiyako, fetika vo ulala umwe vonembele yove ya 40 Koloneke Elombelo.

14. Elaleko **lyolomita visukiliwa** kombuletin vyohongele, volombuletin vyekuta vyalaleko olotembo vyosi, kolo website vyekongelo, kwendavo kalaleko okaliye ekongelo kwenda alaleko okaliye akongelo akwavo.

15. **Okululuvala:** Noke lyocindekase conondovitwe yEspilitu Likola, okavinimbu kolopapelo citava kaciwa kosamwa kalaleko amwe okululuvala:

- ▶ Nda munu yumwe otembo yosi ale eteke leteke olombela okukwata Espilitu Likola, eye citava ochapo ondimbu imwe.
- ▶ Nda yumwe osole okulomba eteke leteke lalikuminyo Espilitu Likola, citava ochapo olondimbu vivali.

Eyi omoko iwa yokusokiya lipi ekalo lyokaliye kweci catyamela kwevi.

Etaliliyo lyelipongiyo handi kwenda noke lyokulinga elombelo, vyosi vyatukiwa konano vyesilivilo lyalwa. Cesilivilo linene osimbu tulomba likalyetu okupinga kovimatamata vimwe vyokonembele okukwata ocimuka cilombela ocitangi cimwe, kacikwatela ulala wonembele yaco.

OLONDAKA VIKOMOHISA

Neal C. Wilson: Ocina cimwe cavaliwa

Ame mba ndilitavela okuti vungende wokwamamako kwenda ayulo okolonele vyaliyekala, ame ndavetiwa kutima eci cikomohisa eci ndayeva okuti kuli cimwe cikasi okunyelisiwa. Etu katukwete onjongo yiyongwiwa yulamba wa Suku yituyongwiwila etu omunu lomunu kwenda ekongelo lyaYe” (*Adventist Review*, Jan-4 1990, p. 2) Neal C. Wilson wamako calwa vondongosi okupopya ati ekambo lyEspilitu Likola olyo eko. Ame nditava etokotiso lyutima wosi laye. Epatatiso lyEspilitu Likola olyo osapi yokusulisa upange wa Suku vocakati cowiñgi Waye. Dennis Smith *Spirit Baptism & Evangelism*, p. 4 (Dennis Smith, Spirit Baptism ale Epatatiso lyEspilitu & Esapulo, p. 4) Etumbuluko lyeca upange.

Etumbululo likoka Upange

Ame cilo ñgasi la 36 kalima, kwenda vo, ndakalele lika lyange Ondeve kupange wange cisoka alima 5 asulako. Kulima owu ame ndakwata ovikele 5 kocimuka cange. Omanu vatālo vokaliye 2 Vandeve osimbu vakwavo ame ndavasiña kosamwa, etu vosi twapapatisiwa kunyamo wo 2000 kulala wohongele / kelipongiyo lyungombo Mark Finley kulo ko Port Moresby; Ndaño levi, ovo vakasi vana vakonyoha. Owu upange wange okukwatisa manji kwenda vakwavo vakasi ocituke lame vocakati cunene wEspipilitu Likola. Osimbu ndafetika okulombela Espipilitu Likola konjanja yatete ame ndakwatelela ocikongamela Alyanga Andisa ku Klistu kakamba ange avali. Ame ndacikwamelela etali kwenda ekamba lyange lyufeko wasokisako kwenda oyongola okutanga elivulu likwavo osimbu ukwetu wange yukāyi amāla andi okutanga. Ame ndikwete olonduko vyavo kopapelo yange yelombelo. Ame ndipandula Suku omo lyEspipilitu Likola, kwenda ame chongola okukala Ondeve yimwe Yukalendehuya. Ame ndatuñgunyiwa calwa okutanga kwenda okulyohela lavosi vana ame ndilisiña lavo. Ame citava ndisima okuti vokatembo katito okupongolola upange wange osimbu ame nditatayala okukapako ocisola cange cokaliye ca Yesu vomwenyo wange weteke leteke. (I. M. 090518#142)

(Oloseteko evi vyasonehiwa volosumanu 6 kokulyeca olumwe kwenda okulombela eteke-leteke Espipilitu Likola).

Etu tulyohela alivulu ove kolwali lwosi – 1,500 kovinimbu

Esapulo limwe lyetumbangiyo: Ukāyi wange lame twalyohela *Alyanga Andisa Ketumbululo Lyomunu Lomunu* (Vongesi kwenda Osipanyōli) kwenda alivulu *Kali mu Yesu* akasi ocali kwavosi vapinga vocakati co website. Etu tutepasa ale alivulu cisoka alima 2, kwenda evi twachako ale vyapitahāla 1000 kovitele *Alyanga Andisa Ketumbululo Lyomunu Lomunu* kwenda alivulu *Kali mu Yesu* cisoka 500. Twapandula calwa omo akulihiso alwa alivulu ava. Ame ndisima okuti elivulu *Kali mu Yesu* lisukiliwa calwa. Kukwete vo epitiyo velimi lyo Espipanyōli? Ndilisukila vo Espanyōli

(AFB EE040619 yoko USA #88)

Ovisimilo Vyomunu Lomunu kwenda Esongolo Lyapulilo

1. *Soneha ovina vyosi citava vilombolola ndomo onjongole yEspilitu Likola vomwenyo wetu ufetika:*

2. *Lomanu vapi ene citava ulomba kumosi oco ukwati Espilitu Likola?*

3. *Olonumbi vipi vitava ove okuyyeca kekongelo lyove oco vakwatevo onjongole konondovitwe “Espilitu Likola”?*

Epuluvi lyetu Lyelombelo

- Vilikiya ekamba lyove lyelombelo kwenda lisungulwisi vyonondovitwe.
- Lomba lekamba lyove lyelombelo.
 1. Oco Ñgala akuyukisi lEspilitu Likola etali.
 2. Oco Ñgala alinge upange wetumbululo vomwenyo wetu kwenda vakongelo etu.
 3. Oco okuti etu etali tukala esumuluho volondaka kwenda lokovilinga.

*Ndamupi etu tuyowiwa lesapulo?
Vipi olonjila vikasi oko?*

NDAMUPI TUTEPISA ELIVULU LYETUMBULULO?

Ongombo:

Manji yumwe yukwenje wapopele eteke limwe: “Esapulo eli te lyasanga owatepata yosi Yavandevu kolwali lwosi. Ame ndikalinga onepa yange”, Kwenda eye ocilinganga – longusu yalwa.

Manji yumwe yufeko wasoneha: “Ocikongamela eci nda cipitiyiwa kalimi osi avelapo.” Eye wayulula ohongele yaye kwenda kaliye yohokunda onondovitwe eyi vepya lyaye lyosi. Kwendavo, vocakati conumbi ya Suku eye onenanana olohulukäyi kovikongamela kwavakwalofeka valisungwe, vana kavatavele tete ekolelo Lyavakwaklistu.

Okukula kwenda esokiyo Lyolombongo:

Vocakati cesongolo lya Suku ocikongamela *Alyanga Andisa Ketumbululo Lyomunu Lomunu* likapitilisiwa ocali ale vondando yaléluka kapata osi Ondevu, kalimi avomwele. Lekwatiso lyangombo, valisañgo okepaya aliyekala kwenda kekuta kwapitisiwa alivulu kapata, kovapya ekongelo lyavo. Trailblazers wakala Ukwahisana-Ukwahemanya vatunda Kohongele yo Swisa oko ko Swasilandya, Kekuta lya Awstalyana ko Awstalya (Ekuta lyava Awstalya) kwenda o Baden-Wuerttemberg Ohongele yoko Alemanya. Ongombo eyi yamyongolwiwa vocakati cocisimilo ca Suku kacachatele. Vocakati cunene wa Suku kwenda ocali Caye atepisiwa ava cisoka 900 000 kalivulu vunyamo wo 2019. Etu twasola okukukovonga ove okulomba oco Ñgala atongeke okutusongwila kwenda okutwavela ovina visukiliwa okwamamasako ongombo. Cachata, etu okupinga akwatiso Kohongele ale kakuta lasokiyo olopalata oco tusitike okacinimbu kalivulu asonehiwa lomakina kovina vikwavo, capyãlamwele vyongombo lekwatiso lya Suku, etu nda twasola okufeta etumwele vyosi. Pole vakwakufufula casulako otembo yosi vakatambola ocali ale vondando yaléluka ovikwata evi kwenda vo volonjongo vyalwa.

Ekisika Liyongwiwa Komunu Lomunu

Etu tuyongola okuti ene usiŋga vakwene. Ekisika Liyongwiwa okulyohela kwomunu lomunu okukala esumuluho vocakati cesapulo kwenda lyokukwata Klistu vokati kutima waye vokutambula Espililitu Likola veteke leteke. Panga ohenda tanga ko *Desire of Ages*, p. 676.2 [egwwritings.org] omita eyi yondaka yeposo ya Yesu ku Yohano 15:4 ati: “*Kali Vokwange, kwenda Ame vokwene.*” Eci cilomboloka ovina vivali:

- ▶ Etongeko lyokutambula Espililitu Likola Lyaye eteke leteke.
- ▶ Omwenyo umwe wokulyeca olumwe kupange Waye

Mekonda lye Yesu aca ondumbu eyi? “*Ovina evi ame ndakuisapwili ene oco esanju lyange* [esanju lya Yesu epako lyEspililitu Likola, Vangalatiya 5:22] *litongeke vokwene, kwenda esanju lyene lisokisiwe.*” (Yohano 15:11)

OLONJILA VYOKUTEPISA:

Okulomba

Cesilivilo okulipongiya vocakati celombelo apahandi lyokulyohela Esapulo lomunu umwe. Ellen G. White wapopya ati kelivulu *Evangelism*, p. 341.3, “Vocakati celombelo lyalwa ene usukila okutalavayela ovimwenyo momo eyi oyolika onjila ene utela okusanga ovitima.”

Okulyohela ocikongamela:

Ove citava opita kocikongamela vocakati cokulyohela ovisimilo vyove kwenda oloseteko lolonambuli. Vaco citava vakala akamba, asongwi kwenda omanu vakwete ovikele vinene vakongelo, Kekuta kwenda kalisaŋgo, okutongeka okusoneha olongombo vyepya, kwenda olonjo vikwavo vyupange. Ombuwe ikwavo yesilivilo yeciwa kapuluvi elisaŋgo asokiyo kocipundo cimwe ale ketepiso lyolwayela lomoko yava vacisima (vacisokiya / vacilinga). Cikuliha okuti epata lepata Lyondeve te lyatambula elivulu limosi ocali ale vondando yaleluka.

Ocikongamela lacovo citava citumisiwa vocakati co email ale komunu lomunu kalyongolwilo.

Okulyohela vocakati co internet

Onjila yokutepisa esapulo lyachata calwa vocakati co email. Esapulo lyatumisiwa ko Awstalya kwenda okutunda oko yapita ko Misolami (Mizoram) ko Indya. Cilo vo yapitila ko Pakistani okupita ko Mbalasili Yanda toke Vongola. Ove citava otanga esapulo ko www.

schritte-zur-persönlichen-erweckung.info. Ove citava okayupa komakina kwenda / okacituma vocakati co link yaleluka komunu umosi ale valwa kalimi osi apitiyiwa. Ove citava vo okasapwila komanu okuti o website ikasi Vongelezi ayi www.steps-to-personal-revival.info. Kesulilo lyunyamo 2023, lekwatiso lya Suku kwenda oloñgwatisi vyavakapitiya esapulo eli likapitiyiwa kalimi 60 la akwavo akwāyi ko. Lekwatiso lya Suku vamwe vakacikwama ocilikocili.

Okulyohela vocakati co E-books

O e-book imwe yocali yisañgiwa ko website koloformatu vyo ‘epub’ kwenda yo ‘mob’. Ove citava vo opinga o e-book vocakati co Amazon vondando isoka € 3.00.

Etepišo vocakati co Networks

Onjila ikwavo yalelukapo vali yokulyohela olonondovitwe yalivulu ko website ale ko link yo PDF kakamba kwenda ava tulisungwe, vocakati co Networks ndo Facebook, Google+, Twitter ale WhatsApp. Vocakati cetepiso kwenda cekovongo ove citava osiñga ocipopelo ale otelefone yove, ndeci vo omanu vokaliye vokolofeka vyaliyekala kwenda ovifuka.

Okulyohela vocakati Colohundo kwenda Alilongiso

Angombo osi kwenda olohundi vikwete omoko yokukunda vakwete ombuwe ikomohisa yokusandeka esapulo lakongelo vocakati cohundo imosi ale vyalwa. Ove citava olinga eci vocakati calilongiso overwele ale vocakati cokufufula ovikwata vyelivulu. “Ame sala kunda onondovitwe imwe okuti ekongelo lyaciyevele ale lycitangele ale tete. Vocakati cakononwiso elilongiso ame etali ndici okuti cesilivilo lisukiliwa mwele okutanga ale okuyeva onondovitwe isilivila olonjanja 6-10,” (Oseteko yomunu lomunu kwenda elungulo lya sekulu Helmut Haubeil). Kaliye momo eci ndici, ame sikwete ocitangi lacimwe cokukunda onondovitwe imwe onjanja ikwavo noke lyomanu okutanga ale okucikuliha ale. Nda oyongola, ove citava eca onumbi okuti okasi okufufula ovisimilo vyavelapo vyolomita vyocikongamela.

Nda ove kutela okukunda citava opinga vakwene vakukundilako oco vafufule olonondovitwe evi kolohundo vyavo. Esambata limwe lyelilongiso lyonondovitwe *Alyanga Andisa Ketumbululo Lyomunu Lomunu* citava ukwata olonondovitwe vitatu vitukwiwa:

Ohundo: Lipi eko lyovitangi vyetu?

Ovitangi vyetu vikwete he eko lyesipilitu?

Etu tukwete ekambo lyEsipilitu Likola?

Ndamupi amemwele ndikonowisa omwenyo wange Wesipilitu?

(Ono: *Alyanga Andisa Ketumbululo Lyomunu Lomunu*: kociñgililo, vomitulwilo 1 & 2)

1. Ulala wokekumbi:

Ovitangi vyetu vikwete he etetulwilo-masi ndati??

- ▶ Ndamupi etu tulekisa omwenyo wakwaklistu wapama kwenda wesanju?
- ▶ Ndamupi Esipilitu Likola liyukisa omwenyo wetu? Ondaka yuloño “eteke leteke”

(Ono: *Alyanga Andisa Ketumbululo Lyomunu Lomunu*: Komitulwilo 3)

2. Ulala wokekumbi ale wokoñgolōsi

Osapi yokukapako ekisika / Ndamupi tukapako ekisika (Osapi yokukapa ko Oseteko.)

- ▶ Ndamupi ame nditela okukapako ekisika kwenda okuseteka etetiyo lya Suku vomwenyo wange?
- ▶ Ndamupi ame ndilomba ekolelo lyeyukiso lyEsipilitu Likola?

(Ono: *Alyanga Andisa Ketumbululo Lyomunu Lomunu*: Komitulwilo 5)

Oloseteko vyomunu lomunu

Uvangi womunu lomunu volonondovitwe vikwāyiko vyesilivilo lyalwa:

- ▶ Ovisimilo vyomunu lomunu ale vyelomboloko vyateliwa vocakati cokutanga ocitele
- ▶ Apako vesapulo eli epongoloko lyomwenyo wetu

Epitiyo velimi lyosongo yovemwele

Nda ocikongamela eci kacapitiyiwile andi kelimi lyosongo yove citava ove-vocakati celombelo lekwatiso lya Suku-okasanga yumwe omunu okasi lonjongole kwenda ocitela okulinga eci. Vakapitiya vana valambiwa vovitima vyavo lesapulo, vakasi ovitele vyamako kokucilinga ciwa. Omolyaco, apitiyo alwa alingiwa lavana valilumba otembo kapitiya akwata onjongole inene yokusandeka esapulo eli. Pole olonjanja vimwe okupitiya kupinga pinga, cilomboloka okuti kapitiya ofetawa upange waye. Vakapitiya ava vafetawale “lolombongo vyavamanji”.

Etu tucisanjukila nda ove ovilikiya ovemwele Helmut Haubeil nda oyongola okupitiya. Eye okwete vimwe ovindekase viwa akusapwila ondaka yaye ndomo ocikongamela cipongiyiwa, vesetahālo limwamwe lyalimi osi apitiyiwa kwenda akasi okupitiyiwa.

OVISIMILO VYOKUSULA

Vocakati cEsipilitu Likola etu tukwete usongwi okomohisa kapuluvi osi omwenyo kwenda ongsu ovowasi ulamba Waye.

Omolyaco, ovituwa vyetu citava vipongolwiwa, etu citava tukapako ovikwata vyesilivilo kupange wa Suku. Elitumbiko lyetu lyeteke leteke kwenda epapatiso lyEsipilitu Likola eteke leteke vo likatusongwila kelimbuko lyocili vovimwenyo vyetu.

Ŋgala oyongola okutupongiya kepuluvi linene lyocisipulwi colwali. Eye otuyongwila elipongiyo Lyomunu Lomunu lyokwiya kwaye kwenda ati vunene wEsipilitu Likola citava etu tutalavaya kumosi okulyohela upange wesapulo. Eye oyongola okutusongwila leyulo ndaŋgo lakakatanga olotembo evi.

Ecelela Suku okukutumbulula kwenda okukumyoŋgolōla, vocakati kokulyeca eteke leteke, lepapatiso lyeteke leteke lyEsipilitu Likola.

Ame njongola okusula lomita Yembimbiliya kwenda okulombela etumbululo:

“Nda owiŋgi wange ... waliketisa owomwele, kwenda walomba, kwenda vasanda upolo wange, kwenda watyuka kolonjila vyavo vivi, Ame kovaylu ndikavayeva kwenje ndikavakekembela akandu avo kwenda ndikakayisa osi yavo.” (2 Asapulo 7:14 NKJV)

Elombelo: A Isya yokovaylu panga ohenda twihe umbombe (Mikeya 6:8) yeka vovitima vyetu onjongole inene yokulombela kwenda okusandiliya upolo Wove. Twihe onjongole kwenda tukwatise okutyuka kolonjila vyetu vyenyelelo. Panga ohenda tuyukise lavyosi vituyongwiwila oco otwihе Esipilitu kwenda ndapako alikuminyo ove, twecelele okuyeva ekumbululo lyove. Ecela akandu etu kwenda tukayise kekalо lyetu lyombambe kwenda ekonyoho lyetu. Panga ohenda tukwatise okweca cosi ku Yesu eteke leteke kwenda vocakati cekolelo okutambula Esipilitu Likola. Amen.

“Etumbululo limwe te lyakevelela lika ekumbululo lyelombelo.”¹⁴⁴
“Epatiso lyEsipilitu Likola ndeteke Lyopendekoste likatusongwila
ketumbululo lyefendelo lyocili kwenda kocindekase covilinga vyalwa
vikomohisa.”¹⁴⁵

¹⁴⁴ Ellen G. White, *Selected Messages*, book 1 (1958), p. 121.1

¹⁴⁵ Ellen G. White, *Selected Messages*, book 2 (1958), p. 57.1

Ovisimilo Vyomunu Lomunu kwenda Esongolo Lyapulilo

1. *Yipi onumbi yakuveta povali kutima kwevi vyatondogwiwa?*

2. *Cipi cakulingila cesilivilo lyalwa noke lyokutanga ocikongamela eci?*

3. *Cipi, okucitukulamwele, ove oyongola okutelisa kolosumanu vitito vikeya?*

Epuluvi lyetu Lyelombelo

- Vilikiya ekamba lyove lyelombelo kwenda lisungulwisi vyonondovitwe.
- Lomba lekamba lyove lyelombelo ...
 1. Oco Ñgala akatongeke okukuyukisa lEsipilitu Likola..
 2. Oco etu tukulimbuke ndomo twenda.
 3. Oco Suku akatusongwile kokukala olombangi vyaYe.

APENDISI

ALILONGISO OVIKWATA VYAMAMAKO ACIWA ONUMBI

Onumbi imwe yesilivilo: tanga ocikongamela eci eteke leteke, nda citava cilinga voloneke ebandu. Onõ imwe yukulihiso yalekisa ati oco tukwate elomboloko lyaswapo lyonondovitwe imwe yesilivilo lyalwa vomwenyo wetu, cisukila okucitanga ale okuciyeva olonjanja ebandu toke kekwi, apahandi lyomunu okukwata elomboloko liwa. Ciseteka andi. Apako aco akakukomohisa. Ulongisi yumwe wokosamwa waciseteka: “Olondaka evi vyetumbangiyo vyanyiha ongsu yalwa.” Ciseteka onjanja imosi. Apako aco akakutavisa. Ame ndayongola okuseteka eci kwenda ketango lyatatu vyambeta kwenda ame ndayeva ocisola cimwe cinene kUsovoli wetu cina ndalavoka vomwenyo wange wosi. Volosāyi vivali ame ndatanga ocikongamela eci olonjanja ebandu kwenje apako aco twahakulihā. Caco cikasi atiñgombi ame ndakwata elomboloko lyaco atiñgo mbi Yesu weya ocituke lame kwenda ame citava ndo ululuvala vovaso Aye alipwa kwenda ocikembe. Okupisa opo ame lalimwe eteke ndayongola okwenda onjanja ikwavo lekambo lyocisola eci Cupopeli wange.” C. P.

Ame nambola olopandu vyalwa kwenda ovovangi asanjwisa kweci catyamela komwenyo wavo wokaliye lEsipilitu Likola. Valwa vavo vakwata ocituwa cokutanga calwa, ovo-vo longusu yalwa vapolola okutanga ocikongaela eci olonjanja vyalwa.

40 KOLONEKE VYONUMBI YELIVULU

Ene citava usanga ovikwata vyekwatiso oco upongiyi 40 Koloneke vyelombelo lulala umwe wokweca esapulo lyamamako okufufula elivulu lya Dennis Smith 40 Koloneke vo website: www.SpiritBaptism.org kumosi la 40 Koloneke Vyonumbi Yelivulu. Kuli ale vo 50 Koloneke.

OLOSETEKO VYOKALIYE VYOKUKALA LESIPILITU LIKOLA

Ñgala yetu Yesu wapopya: “*Pole ene ukatambula unene eci Esipilitu Likola likeya kokwene! Kwenda ene ukakala olombangi vyAnge ...*” (Ovilinga 1:8)

Epingilo limwe lyaposoka: Eci ove okwata oloseteko lEsipilitu Likola vomwenyo wove ale ndahokwete uvangi umwe, ocilikocili tuyongola okulyohela eci nda citava okutuma esapulo litito ku Helmut Haubeil oco okuti eye okalyohelavo eci Kepyā litito (okalaleko katito Belini lyo

Alemanya kupange wepya). Panga ohenda tusapwileko nda ove oyongola lika omopelwa imosi yonduko yove ale oyongola onduko yosi, kwenda tusapwileko onduko yonembele olinga onepa. Panga ohenda ivaluka okuti oseteko yove yikaca ongusu kuvakwetu oco vakulile vokwenda lEsipilitu Likola ale okufetika ungende umwe lEsipilitu Likola.

Vilikiya: Helmut Haubeil (Tala o email yaye Kocipa Celivulu)

Vilikiya: Helmut Haubeil (Vanja: Kocipa)

Ovisimilo Vyomunu Lomunu kwenda Esongolo Lyapulilo

1. *Onumbi yokutangulula ocikongamela eci olonjanja 6-10 yama hiwa okukala onjila yokutwala omwenyo umwe lEshipilitu Likola kutima wove. Manji yumwe yukāyi wakwata ulala umwe weteke leteke una wakala cisoka 6 kolosemana vyoseteko yaye. Eye wanyamula cocili okuti wasoneha ukanda umwe walepa. Ongombo ipi ove okwetele ohela yove vungende wokukapako evi?*

2. *A 40/50 Koloneke ukulihiso wesipilitu wavelapo evi ame ndaseteka ka 50 alima ange ndapita ndungombo. Ove citava ocitanga eci kociñgililo cimwe celivulu 40 Koloneke. U wosi oyongola ongombo yosi citava oyupa ocali ko <https://www.missonsbrief.de/40-tange-konze-pt.html> (andi vikasi lika valimi atito ndOngelesi, Alemāhu Oputu...).*

- *Elilongiso lya 40/50 Koloneke citava lilingiwa omunu lomunu ale ndowatepata kwenda vo citava lilingiwa vocakati co telefone ale Skype. Kepuluvu eli ove citava otanga Alyanga Andisa Ketumbululo Lyomunu Lomunu olonjanja vitatu ale otongeka lelivulu Kali mu Klistu ale ofufula 40/50 Koloneke alivulu a Dennis Smith.*
 - *Kepuluvu eli ove vo olombelako omanu vatālo kavasiñgiwile andi lesapulo kwenda okavangula lavo.*
 - *Kwata “Esambata limwe Lyokunyula” vekongelo kwenda vo kwama 40/50 Koloneke.*
 - *Noke lyosumanu imwe kufetikiwe elilongiso Lyembimbiliya, lovimuka vyelilongiso vyosongo. Ove oyongola okukwata ukulihiso owu okuvelapo?*
-
-

3. Nye vakwetu vavangola kweci catyamela kEspilitu Likola? Mekonda lye etongeko lyetu lyokupinga Espilitu Likola cikasi cesilivilo lyalwa?

Epuluvi Lyetu Lyelombelo

Vilikiya ekamba lyove lyelombelo kwenda lisapeli vyonondovitwe

- Lomba lekamba lyove lyelombelo ...
 1. Oco tukatongeki okulombela kwenda okutambola Espilitu Likola eteke leteke.
 2. Kwenda oco ukapanduli Ņgala kesongolo lyaYe lyahela vomwenyo wetu wesipilitu ...
 3. Oco etu tukalinge anõlo asuñgama ohela yetu.



A faint background image of a hand with fingers spread, overlaid with a grid of horizontal lines for writing.

*"Kevelela ovina vinene ku Suku,
Upilila ovina vinene ku Suku."*

WILLIAM CAREY



KALI MU YESU NDAMUPI OVE OCILINGA?

“Kali Vokwange kwenda Ame vokwene.” Okukala mu Klistu cilomboloka okutambola Esipilitu Lyaye eteke leteke, omwenyo umwe wokulyeca olumwe kupange Waye.

E.G. White (*Desire of Ages*, DA p.676.2)

Okukala Vokwaye kacilomboloka okuti calinga upange umwe tukwete okulinga ndomoko yokunyamula epopelo lyaYe. Okuvelapo vyosi, oyo omoko yetu yokwecelela Eye okutulingilako vyosi, vocakati cetu kwenda vokwetu. Upange umwe Eye atulingilako – epako kwenda unene wocisola Caye ceyovo. Onepa yetu yalelukalwa okuliketisa kokwAye, okukolela kwenda okukevelela okutelisa eci Eye alikuminya. (Andrew Murray)

OMITULWILO 1: YESU OCILUMBA CAVELAPO

Wasapwiwi la Yesu esapulo lyunene walwa? Ovikele vipi Esipilitu Likola likwete? Ndamupi ocituwa cetu cipongolwiwa? Yesu kolusapo wEsipilitu Likola. Kweci catyamela Ketumbisa

OMITULWILO 2: OKULYECA KWA YESU

Ame ndanyelisa onjongole yangemwele? Ale ame ndikapamisiwa? Nye citupongihila okulyeca? Okulyeca ku Suku cilomboloka okuti etu tuchapo onjongole yetu?

OMITULWILO 3: YESU OKUTUNGA VOKWOVE

*Nye cikokiwa vomwenyo wange „Klistu okutunganga vokwange“?
Upange wasulako: okutakatisiwa leyukiso lya Suku.
Apako a “Klistu vokwove“. Ndamupi etu tukwata eyovo lyunene wekandu?
Etu tukakala “vakwasitu“ onjanja ikwavo vocakati cokulinga vali ekandu?*

OMITULWILO 4: EPOKOLO VOCAKATI CA YESU?

Ndamupi ame ndendela vepokolo lyesanju? Esanju nye pwāyi? Ndamupi epokolo vocakati “ca Yesu vokwange” citalavaya? Suku wanōla: Unāvo pokati Komunu kwenda Suku

OMITULWILO 5: EKOLELO LYAPOSOKA VOCAKATI CA YESU

*Ndamupi omunga iteliwa pokati kolonānve?
Nye cikoka ekolelo lyetu okukovonga epata lyetu kwenda olwali?
Lipi epongoloko litulinga olombangi? Ndamupi etumbululo likoka upange?*



Okuyukisiwa to Lesipilitu KUMOSI KUPANGE LA YESU

Ondimbu Yefetikilo: *Ukamba umwe la Klistu
Ovikanda vyaloŋga ku Andelenyi
(atendelo). Et. 1-5, 8, 13, 14, Z1*

Nye cilomboloka okukwata eyulo vomwenyo? Alikuminyo api Suku atulinga oco tukwate onwenyo weyulo? Kakuli unene lawumwe kolongombo vitito. Suku yetu okomohisa otuyongwila okusima cinene. Ove oyongola okukala Ekamba Laye kupange?

Yesu oyongola ava valinga upamba Laye una wayukisiwa locisola caye. Akamba laye kupange vocakati caye citava okusola vakwavo waco. Omolyaco, cesilivilo okuti ame tete te ndaseteka eyukiso lyatanda lyocisola ca Suku amemwele (tala Efesu 3:17).

Ene ukulihiso waleluka okuti, Suku atukwetele hakUtwavelako vokweca kwenda okukwatisa! Caleluka calwa kwenda kacitaviwa eci Suku atupongihila. Oco pwāyi-ndamupi etu tutalavayela Suku? Anga he etu tutalavayela Suku lolohōlo vyetumwele, ale pwāyi Suku yotalavayela lovoloŋgo aye okovaylu vocakati cetu? Lipi etepiso likasi apa?

Yesu wapopya: “Ŋgwami kwenda Ame ndikakulingi apipi omanu.” (Mateho 4:19 NKJV) Vonjila ipi yikomohisa Yesu atulinga akamba kupange kosamwa yetu? Helmut Haubeil otusapwila ndamupi eye alilongisa okusongwila omanu ku Klistu elyanga le lyanga.

Ukamba womunu lomunu la Yesu ukasi ukamba wavelapo vali ukasi vukamba. Ndamupi ame ndilekisa eci kakwetu? Epulilo lipi lyayikuka itava lifuf-wiwa kokulamba kwenda okusongwila olwali lwosi okukwata onondovitwe yavelapo? Ocitele cipi camahiwa cilinga elomboloko lyeci caleluka okukwatisa kwenda okulinga onepa yeci tuvangula catyamela kekoledo? Ovitele evi vikasi konimbu – Yefetikilo. Noke elomboloko lyokwambata esapulo lyesipilitu likayekiwako, lina lilekisa ndamupi etu ndomunu lomunu ale ndovimuka, ndonembele ale ohongele citava yamamako kesongolo lya Suku.

Suku ace komunu lomunu esanju lya Yesu eyukiso lyEsipilitu ukamba kupange laye!



SETEKA SUKU

Ovikanda vyaloŋga ku Andelenyi



ONDIMBU YEFETIKILO – OVIKANDA VYALOŊGA KU NDELENYI VYOKU- SONGWILA OMANU KU YESU

Ovikanda evi vyaloŋga ku Ndelenyi vikasi eyahu lyokukapako oseteko.

Ovyo vyamahiwa kwenda vikasi ovitele vyamahiwa vyokusongwila omanu ku Yesu.

Kuli 12 kasilivilo kokufufula ndocikongamela cimwe, cina catukwiwa komitulwilo 7 yelivulu Okuyukisiwa lEsipilitu Likola Kupange Layesu.

Alivulu ava lesilivilo lyalwa alelwisa asunguluko alwa eci catyamela kekelelo, kaŋgwatisi kwenda ava valingako onepa.

Ovelope eyi yambata ovikanda vyosi vyalivulu, ovikanda viyongwiwa. Ovindekase vyanōliwa kwenda olonimbu vyondaka vyanōliwa ove okavisola. Ove okasanjuka okuvikwata. Ove okasukila okuvituma komunu wosi ove oyongola okusongwila ku Yesu. Okaseteka esanju linene eci okasongwila munu yumwe ku Yesu.

Ovelope eyi yanōliwila atosi ava: Eci ame ndaca etendelo lipi?

Ulala wachata okulyoheliwa awu:

- 4 Ocisimilo comwenyo wetu: Suku ako ali ale cho?
- 1 Ekolelo Lyavakwaklistu likapiwa koseteko
- 8 Uwanji wupolofeto kweci catyamela ku Yesu Klistu – Epuluvi Lyokucitelisa 1:10
- 2 Oloseteko vyulika kwenda oloseteko vya Yesu Unasala
- 3 Lipi eluluvalo lyavelapo Lyembimbiliya?
- 13 Okulava omwenyo vocakati cukamba womunu lomunu la Suku
- 21 Avokiyo: Onjila yokomwenyo Kopwi
- 14 Omwenyo volohōlo vya Suku – Ndamupi Cisetekiwa?
- 5 Eyulo lyakaya kwenda Owalende

www.steps-to-personal-revival.info: Letters to Andrew (Ikanda vyaloŋga ku Andelenyi)

Ovikanda vyaloŋga ku Ndelenyi citava vo vilingiwa o download ocali lokuvitumiwa kuyumwe okuvyupa ko website.

“Pole olopandu vyenda ku Suku, una watwiha eyulo vocakati ca Ŋgala yetu Yesu Klistu.”

1 Vakolindyu 15:57

Alyanga

ANDISA KETUMBULULO LYOMUNU LOMUNU

Ove oyongola okukwata omwenyo umwe wesanju kwenda omwenyo umwe wasokapo, omwenyo una wekolelo lyeca esanju loloseteko vyeca ombili?

Nda ococo pwāyi, elivulu eli lyakwiyilila ove. Ekonomwiso eli lyokaliye kwenda lyatanda, yambata eci cisoka 500 koloseteko vina vikoka oseteko yomwenyo wayukisiwa Lesipilitu. Okuvokiya ko, alombolwilo akwavo avokiyiwa ko kelivulu eli. Ovyo vitulekisa ndomo Alyanga *Andisa Ketumbululo Lyomunu Lomunu* atusongwila:

- Kokulimbuka ocilumba cavelapo ovilumba vyosi vyaposoka vina Yesu atwavela: Esipilitu Likola
- Kokupetula ovaso etu kekalo lyetumwele lyomwenyo wetu wesipilitu
- Kokukwata elomboloko lyalyanga avalu, lisongwila komwenyo umwe wesipilitu lyeposo kwenda ekolelo lyepopelo.
- Kokulimbuka uwa ukomohisa womwenyo umwe ukwete unene kwenda esongolo Lesipilitu Likola lohali tupita eci tukala lekambo Lyaye.
- Kokulomba lalikuminyo kwenda okumōla ndomo alikutililo etu akwatapo vali esilivilo, ana acapo vali esanju kwenda ayukato lekolelo. Lonjila ndeyi etu citava tukolāpo okuti twatambula Esipilitu Likola.
- Kesanju lyavo linene lyavakoka kokukala olombangi kwenda olonepisi vyelivulu eli.

Suku vo oyongola okulinga elitepo limwe linene vomwenyo wove. Eci cikoka elitepo limwe lyesilivilo lyalwa nda ove otalavayela Suku ale Ŋga-la yetu ukwacikomo citava Eye otalavaya vocakati cove. Yesu oli longeva yo-kukwata ukamba wocituke love. Eye oyongola okusanga vakwetu vocaka-ti cove. Asumuluho anene kwenda esanju asangiwa lika kokutanga olonjanja vyalwa elivulu eli.. Tanga kwenda kapako olonumbi volosumanu ebandu (3 x 14 koloneke) kwenda okakomoha evi Suku akakulingila vomwenyo wove.